

1
OLYMPIODORI

DOCTISSIMA IN ECCLESIAST.

scholia, noua & latinis auribus insueta tralatione inserta, Aquilæ uidelicet, Theodotionis, & LXX.

Zenobio Acciajiolo Florentino interprete. *no. 1*

DIVI GREGORII

NEOCAESARIENSIS IN EVN-
dem metaphrasis, uel ut Suidæ placet, πᾶν θαν-
μαστὸς λόγος, ~~_____~~

A RISTEAE DE

LXXII. LEGIS HEBRAICAE

interpretatione libellus, qui si supra quod summorum Pon-
tificum uestes, uasa, phialas, mensamq; aureā, tum ipsius
sacerdotis ac templi ornatū omnē sic representat, ac si
ea omnia coram oculis lustranda exponeret, addit etiā
sapientissimorum uirorum dicta responsa; grauiissima, tum
mirā quandā ac prorsus diuinā sacrorum obseruationē:

Matthia Palmerio Vicentino interprete.

Cornelio BASILEAE *Franciscus*
~~_____~~

ab. 1536. Eubel.



Item Mariani uictorij Recatin
de sacro poenitentia ex anti-
quis scriptis.

Item Alfoxi Corillae de ratione
~~_____~~, ~~_____~~ *disce.*

RERVM HOC OPVSCVLO
contentarum, Index.

A dmiratione qui sit dignus.	216
Agriculturæ studium.	185
Alexandria ciuitas deliciarum.	185
Anima an existat ante corporis constructionem.	49
Anima an propter peccatum commissum detrudatur in corpus.	49
Anima corpus deserens aut cœlum aut infernū adibit.	
Anima uarijs modis accipitur.	38 (140
Anima uarijs modis accipitur.	43.44
Animæ pedes custodiendi.	62
Animas nulla obliuio occupat.	11
Animalia munda & immunda.	189
Animalia quadrupedia concessa.	192.193
Antigonus nauali præliō uictus.	197
Aquæ pro conuenticulis hominum.	138
Argentum in scripturis.	93
Arx Hierosolyma.	184
Auari miseria.	73
Auaritiæ morbus.	50
Auari taxantur.	77
Auaritiæ studens à deo non cogitur.	77
Audiendi cupidus quis.	208
Aues ad esum aptæ.	191
Aues immundæ quare prohibite.	192
Auster quædam	140
Benignitas uera.	203
Bona iusticie	
Cachinni stultum produnt	89
Caris	

I N D E X

<i>Carnis malignitas.</i>	146	<i>Charisma spirituale.</i>	57
<i>Christus uerus ecclesiastes.</i>			3
<i>Cibus quare sit datus.</i>			30
<i>Cœlibatus molestia caret.</i>			53
<i>Cognitio duplex.</i>		104. & 105	
<i>Cognitionis commodum.</i>			208
<i>Coniugium non esse damnandum.</i>			53
<i>Consulere bene quid sit.</i>			211
<i>Consultores quales eligendi.</i>			213
<i>Conuiuia nostra dei memoriam habeant.</i>			194
<i>Conuiuia quomodo transigenda.</i>			217
<i>Conuiuia uitanda.</i>	87	<i>Cor.</i>	127
<i>Dauidis interpretatio.</i>			3
<i>Deceptores quomodo effugias.</i>			210
<i>Demetrii rogatio ad regem.</i>			170
<i>Demetrius Phalereus bibliothecæ præpositus.</i>			165
<i>Dies uanitatis.</i>			96
<i>Diuitiæ in pauperum usus dispensentur.</i>			27
<i>Diuitiæ quomodo conseruentur.</i>			202
<i>Diuitiæ ueræ.</i>	76	<i>Diuitum curæ.</i>	26
<i>Dolosi quomodo noscendi.</i>			209
<i>Duces qui eligendi.</i>			216
<i>Eleemosyna in cordis simplicitate conferenda.</i>			139.
<i>Fœtus abortiui deo relinquendi.</i>	79		(140
<i>Filij hominum qui.</i>	12	<i>Fortitudinis finis.</i>	201
<i>Gloria amissa quomodo instauranda.</i>			207
<i>Gloriosus ut quis perduret.</i>			206

I N D E X

Gratificandum quibus in primis.	106
Hecateus Abderites.	170
Homo ciuitas.	98
Homo electione sua in uitia cadit.	102
Homo & animal nihil differunt quantum ad corpus.	
Homo ex tribus constat.	56 (46)
Homo paruus mundus.	98
Hominis pars in terra.	76
Honor & gratia quibus rebus seruentur.	214
Honor quibus habendus.	206
Hospitalitatis remuneratio.	211
Humanorum casuum ratio nobis occulta.	95
In gloria quid potissimum.	207
Inglorius quomodo quis fiat.	213
Inimicos quis spernat.	206
Iniuriarum obliuiscamur.	98
In regno quid sit optimum.	217
In regno quid sit difficillimum.	205
In mundo nihil mali creatum est.	14
In sepulchra induci.	108
Insomnia.	204
Intrepidus quis sit.	209
Inuictus in bellicis rebus qui.	200
Inuidere nemini quomodo quis possit.	205
In uita optimum.	200
Iordanis inundatio.	186
Ira dannosa.	87

Ira ascendum

I N D E X

Irascendum peccatis.	87
Irascentia quomodo refrenanda.	211
Israël quid.	3
Iudæorum libri fabulis scatent.	159
Iudæorum mos in lauandis manibus.	220
Iudæorum supra centum millia in Aegypto fuerunt ca	
Iuramenta uitanda. 103. & 104 (ptiuorum. 167	
Iurans inter peccatores ponitur.	116
Iustus ne sis nimium, quomodo intelligendum.	96
Labor sapientis.	26
Lacus pro inferno.	154
Leges quis non contemnat.	203
Legis diuinæ libri poëtis ethnicis frequentes.	170
Lex constituta ut intra quinque dies cōtrouersie finiantur	
Lex monogamiæ. 129 (tur. 185	
Lex, ne quis supra 20. dies domo absit.	183
Liberum arbitrium adstruit.	76. 77
Libero arbitrio detrahit.	122
Ligna quid in scripturis. 140 Loqui in corde. 15	
Luce locus ca. 11. Si oculus tuus lucidus, declaratur. 82	
Magistratibus qui præficiendi.	213
Manichæorum error de animabus.	46
Menedemus Eretrius philosophus.	201
Mense aureæ descriptio. 175. 176. 177	
Monasteria olim scholæ erāt in quib. sacræ literæ pro-	
Mori non in tempore. 97 (fitebantur. 37	
Mosis cura in ijs quæ ad esum animalium pertinent. 191	

I N D E X

<i>Moris nulla utilitas.</i>	194. 195
<i>Musca impurum animal.</i>	126
<i>Musce Iudæi comparantur.</i>	126
<i>Mustelæ immundities.</i>	195
<i>Mysteria diuina non temere profundenda.</i>	64
<i>Negligentia maxima.</i>	210
<i>Oblatio uictimarum.</i>	195
<i>Occasio quid.</i>	30
<i>Oleum duo præstat.</i>	119
<i>Opera diuturna quæ.</i>	212
<i>Orationis quis sit finis.</i>	213
<i>Pacificum animum in bellis habere.</i>	214
<i>Panis in scriptura.</i>	137
<i>Panis omne genus elemosynæ.</i>	138
<i>Pane mystico & uino ali.</i>	136
<i>Paradisus est in terra.</i>	44
<i>Parentibus quomodo dignæ gratiæ referantur.</i>	208
<i>Patriæ quomodo existamus cultores.</i>	210
<i>Peccati autor diabolus.</i>	110
<i>Peccatis mortui sine ratione uiuunt.</i>	117
<i>Peccatorum initijs resistendum.</i>	128
<i>Peccatorum uaria genera.</i>	161. & 162
<i>Per otium quid sit agendum.</i>	216
<i>Philosophari quid.</i>	211
<i>Pietas dignior pulchritudine.</i>	206
<i>Pietatis robur.</i>	203
<i>Prudentia an doceri possit.</i>	208

I N D E X

Ptolemaei liberalitas erga LXX. interpretes.	222
Ptolemaei quaestio de stabilitate regni.	199
Ratio recti cui in promptu.	209
Ratiocinatio continua perquam utilis.	215
Regnum quid cōseruet.	214
Regnandi modus.	203
Rex filius liberorum patrum.	135
Rex priuatus an melior quàm qui ex rege natus.	217
Rex nihil indignum agat.	204. 205
Rex quomodo multis in suo regno se accōmodet.	213
Rex quibus se credere debeat.	214
Rex quō neq; socordia neq; uoluptatibus distrahatur.	
Rex puer.	135 (209)
Regi quid maxime necessarium.	213
Regi quid potissimum in regno obseruandum.	203
Reges quid potissimum sequi debeant.	215
Regum studium assiduū.	216
Salomonis Ecclesiastes quomodo legendus.	2
Sapientem qui uere discernat.	102
Sapientiae disciplina.	202
Sapientiae fructus.	212
Sapientiae umbra.	93
Scriptura agro fertili comparatur.	69
Scriptura diuina semper utilis.	8
Scripturae occulta ne perscrutemur.	96
Scripturae terra comparatur.	5
Seculum quid.	10. 40
Sepultura asini.	80
Sinus stultorum.	91

I N D E X

Sophistarū stultitia adulteri mulieri comparatur.	100	
Sophistica captiuncula.	103	(¶ 102
Sosibius Tarentinus regis Aegypti praefectus.	166	
Spiritus pro anima rationali.	13	
Spiritus quid proprie.	56.57	
Superbia qua uia fugienda.	212	
Templi Hierosolymitani descriptio.	180. ¶ 181	
Tempus quid.	30	
Theodectus oculis priuatus, quod ex lege dei quaedam transtulit in suum poema.	222	
Theopompus secreta legis peruertēs in morbū incidit.		
Timor domini qui.	160	(221
Tristandum quas ob res.	213	
Tristitia carere in hac uita.	207	
Valetudini quid conferat.	208	
Venti symbolice.	6	
Verbi doctores quare à doctrina retrahantur.	8. ¶ 9	
Veritas colenda.	202	
Vestitus sacerdotalis Iudaicus.	182. ¶ 183	
Vinum ¶ aqua quid designent.	137	
Virtutem quidam non assequuntur.	215	
Vxores plures antiqui patres duxere, quod lex Euan- gelica prohibet.	91. ¶ 92	
Vxoribus ut accommodandum.	219	
Vxoriorum opera quare uitanda ad tempus.	85	

F I N I S.

OLYMPIODORI IN
ECCLESIASTEN SALOMO
NIS ENARRATIO, ZENO-
BIO ACCIAIOLO FLO-
RENTINO INTER-
PRETE.

PRAEFATIO.



RERUM certam cognitionem
cum à Deo Salomon accepisset,
qui fuit filius David non solū car-
nis progenie, sed imitatione uir-
tutis, triplici ipsas diuisione para-
titus est, in morales scilicet, ac na-
turales, et eas quæ intellectu solo percipiuntur: ac mo-
rales quidem tradidit in Prouerbijs: naturales autem in
Ecclesiastæ sententijs: intelligibiles uero in Cantico can-
ticorum. Est tamen inuenire et in Ecclesiastæ moralium
interspersam doctrinam: et rerum naturalium in Pro-
uerbijs: cum tamen suæ ac propriæ singulis discretæ
sint. Canticum uero canticorum totum prorsus ubiq; de
intellectualibus differit, spectatq; ad allegoricum sen-
sum. Sed et in ipso Ecclesiastæ ac in Prouerbijs, est itē
inuenire quæ intellectualia sunt. Se uero ipsum Eccle-
siam, hoc est, concionatorem Salomon nominauit, tan-
quam cunctos mortales in ecclesiæ cœtum uocans et
in concordiam neſtens, ac in cōmuni physicam rerum

• OLYMP. IN ECCLESIAST.

speculationē tradens. Illud quoq; sciendum est, sapien-
tem hunc nostrum Ecclesiasten modo ē sua ipsius loqui
persona, modo eius personā gerere, qui ea quæ in mūn-
do sunt attonitus admiretur. Atq; hæc quidē ut in præ-
uiuo quodam prospectu dicta à nobis sint. Primum
uero caput hæc fermē complectitur. Ecclesiastæ genus
narrat & dignitatem, tum uero & ciuitatem ipsam, in
qua regia illi constituta erat. Decernit autē atq; ostendit
quæcunq; in hoc mundo sunt, uanitatem esse: non
quod omnia damnet atq; accuset, uerum potius cōsilia
hominū reprehendat, qui in hoc mundo spem suam col-
locasse uidentur. Docet autem & de solis ipsius motu,
primo quidem lectionis occurso, physice loquens, cum
tamen ad theologicam allegoriam sua mens intentioq;
pertineat. Idem inquit & de fluminibus quæ in mare
prorumpunt neq; illud complent. Hinc uero etiam docet
in rebus quas creauit deus, nihil esse recens ac nouū,
sed eas eum tueri locū, quem ab opifice Deo semel sortite
sunt. Neq; uero oculū expleri posse aspectu: neq;
penitus scire homines prima præteritorum, neq; futurorum
postrema, laboriosamq; occupationem filiis ho-
minum deum dedisse. Agere autem homines quæcunq;
agant nulla quidem necessitate, electione autē spiritus,
hoc est propriæ libertatis. Quodq; peruersum est, do-
nec in sua prauitate persistat, concinnari corrigiq; non
posse. Vt autem sermoni suo fidem auctoritatemq; con-
ciliet, utpote qui omnia quæ in mūdo sunt uana esse as-
firmat,

ENARRATIO.

firmat, docet se sapientem, & regem, diuitemq; fuisse, ut ita facilius in animos legentiū irrepāt, uanitatē cuncta appellans. Docet etiam in multitudine sapientiæ, multitudinē esse cognitionis, meminitq; de mūdi huius lætitiā. Contenditq; si fieri possit, ui rationalis substantiæ quæ nobis inest, saluam fieri carnem.

CAPVT I



ERBA Ecclesiastæ filij Dauid regis Israēl in Hierusalē: Vanitas uanitatū, omnia uanitas.

Verba.] Cuncta scilicet hæc uerba sapientis Ecclesiastæ, erudientis nos aspernari uitæ huius uanitatem, auditorem cōuertunt atq; hortantur ad uerbum fidei, quæ est in Christum deum nostrum.

Ecclesiastæ.] Tanquā in ecclesia dei, uerba sapientiæ custodiantur, Ecclesiasten se Salomon nominauit.

Filij Dauid.] Suum genus ac dignitatē refert Ecclesiastes, ut ad personæ autoritatē animum conuercentes, promptiores reddamur ad doctrinā suscipiendam.

Quod autem spectat ad latentem sensum, ita intellige. Dauid, interpretatur manu fortis. Manu autē fortis, est omnia continens Deus. Huius uero filius, dominus noster Iesus Christus, uerus est Ecclesiastes, qui ex omnibus gentibus populisq; duobus, unam sibi fecit ecclesiam, quiq; regnat in uero Israēl. Israēl nāq; interpretatur mens uidens deum, in uisione pacis regiam sedem habēs, iuxta quod scriptū est: Et factus est in pace. Psal. 75

4 OLYMP. IN ECCLESIAST.

locus eius. Hierusalem siquidem pro uisione pacis accipitur. Ipse igitur manifeste nos docet uoluntatem hominum, quæ circa mundana uersatur, uanitatē esse: quam & diffusius uanitatum uanitatem appellat.

Quid habet homo amplius in omni labore suo quo laborat sub sole?

Omnes quidem homines sub eodem sole uersamur: eorum uero qui laborant, alij quidē uires intendunt suas, ob ea quæ solem supereminent, ut cœleste regnū in hæreditatem accipiant: alij uero ob ea laborant, quæ sunt sub sole, ut inanem scilicet gloriā, uel pecunias, dignitatemue acquirant. Quid igitur, inquit, homine homo amplius habet in eo labore quo laborat sub sole, quādo omnes relictā præsenti uita cōmunem mortē subimus?

Generatio præterit & generatio aduenit, terra autem in æternum stat.

Eorum quæ creata sunt, alia quidem durant absq; successionē, cum præsenti seculo simul extenta, ueluti cœlum, terra, astra, & sol: alia uero corrumpuntur ac pereunt, sed generis successionē seruantur, ut homines sunt, ut aues, ut pisces ac plantæ. Quid igitur homines laboratis circa terrena, quando ipsa terra sensu carens elementū in longinquum tempus perdurat, uos autem secundum generationem peritis? Aut ita intellige. Terra quidem in æternū stat, accusatrix uestri effecta, in qua nefaria opera perpetrastis. Mystico autem sensu: Generatio autē præterit, Iudæorum scilicet eiecta & repulsa.

Et repulsa. Generatio uero aduenit, eorum scilicet qui in Christū crediderūt. Sacra uero scriptura, terra nūc patur: instar enim terræ immobilis est, fructus gignit, omnibus patet, ac omnes accipit, ueteriq; ac nouo testamento subnixa manet in seculum, immobiles habens et iustorum promissiones, et quæ peccatoribus reposita declarantur supplicia.

Oritur sol & in locum suum aspirat.

Certum solis cursum, dispositumq; ostendit, ut nos ad illius contemplationē attollat, qui fabricatus est solem. Mouetur autē circulari motu, ut nonnulli arguunt ex uerbis Esdræ ita dicentis: Magna est terra, et excelsum est cœlum, et uelox cursu est sol, et uertitur in circulo cœli, et in una die ad locū suum reuertitur. Quasi dicat: hic etiam sol quamlibet magnus, ad solem iustitiæ cōparatus, uanitas est. Mystico autem sensu ita intellige. Oritur sol in cordibus fidelium, dirigens adhuc proficientes, ad ea quæ agenda sunt: sed et in ipsis occidit, quando altitudines sententiarū inquirunt, atque ita maius desiderium cognitionis illis accendit. Aliter. Oritur sol, unigenitum dei uerbum è paterno sinu: occidit in nouissimis diebus, ad occasum uitæ huius, carne assumpta, suam quodammodo diuinitatem occultans. Ipsis quidem fidelibus, deus immutabiliter factus homo cognoscebatur, ab infidelibus autem simplex ac merus esse homo putabatur. Oritur insuper ex deipara Maria secundū carnem: occidit autē ad inferni ima descendēs.

3. Esd. 4.

6 OLYMP. IN ECCLESIAST.

*Sed et rursus exoritur, à mortuis surgēs. Quibuscunq;
autē modis hunc solem consideres, omnes fideles trahit*
Ioan. 12 *ad regnū cœlorū, uerissime testatus: Cum autem exalta-*
tus fuero, omnia traham ad meipsum.

Ibi ipse oriens transit ad Notū, & fle-
ctitur ad aquilonem.

*Climata explicat quæ sol percurrit. Symbolice
autem contemplando, poteris Notum intelligere qui à
calida mundi regione spirat, pro insita hominibus ratio-
nali prudentia, quæ nequaquā torpet, sed quasi ignea fere-
uensq; est. Aquilonē uero pro fortitudine: est enim uen-
tus hic acer & expeditus. Liben, pro temperatā, quæ
infrigerat uoluptates corporis & exiccat. Apclioten
uero seu subsolanū, pro ipsa iustitia, quæ per omnes cō-
meat extēditurq; uirtutes. Omnes igitur animæ regiōes
illustrās, interno splendore radiat sol iustitiæ. Aliter.
Deus uerbū carne assumpta, uillas & ciuitates ad No-
tum cōstitutas ipse suis pedibus circuiuit. Per apostolos
autē, boreales plagas. E gentibus itaq; ecclesiā congre-
gans, omnia demū collustrās, omnes ad salutē cōuertit.*

Lustrans in circuitu pergit spiritus,
& in circulos suos reuertitur.

*Literali quidem sensu, spiritū uocat solem, propter
motus uelocitatem. Nōnulli tamen è gentiliū opinione
ita exponūt: Quoniam ij putant solem anima præditū
esse animal. Mystico autem sensu, spiritus sanctus
apostolis infusus, circuire illos terras omnes faciebat, et*

Euange

Euangeliiū prædicare. Sed & eosdem apostolos induxit, ut conuerso itinere redeunt, eos inuiderent quos prius in doctrina fidei erudierant, ut in Actibus apostolorum planè inuenies.

Omnes torrentes intrant mare, & mare non redundat.

Mose est diuinæ scripturæ, ut omnes, pro plerisq; accipiat, iuxta illud: Omnes declinauerūt, simul inutiles facti sunt. Neq; enim iusti, neq; pphetæ declinauerūt. Est igitur admirari sapientiā creatoris, quoniam pacto hoc fiat, ut plerisq; fluuijs mare intrātibus, ipsum tamē in terminis suis cōsistat. Mystice autē, flumina sunt apostoli, iuxta qd' scriptū est: Et torrēte uoluptatis tuæ potabis eos. Mare autē intelligitur præsens uita, iuxta illud: Hoc mare magnū & spaciosum. Euāgelici itaq; apostoliciq; sermones, in dulcorē mutāt huius uitæ falsæ dinē, uerū mare hoc nequaquā impletur: neq; enī omnīū fides est. Moraliter autē, quasi proposito exemplo, subinuite eos homines, qui in explebilis auaritiæ morbo laborāt. Insatiabile namq; illorū desiderii nō expletur, quanq̃ more torrentū undiq; ad illos diuitiæ confluat.

Psal. 13

Psal. 35

Ad locum unde exeunt flumina reuertuntur, ut iterum fluant.

Amos propheta inquit: Qui uocat aquas maris, et effundit eas sup faciem terræ. Videtur itaq; hoc loco phyticas adducere rationes, qd' uidelicet aqua maris à nubi bus inde attracta, et in terrā effusa, faciat ipsos torrētes

Amos. 5

8 OLYMP. IN ECCLESIAST.

Inquit igitur: E mari torrentes fluuijꝑ; exorti, rurſus in illud reuertuntur. Myſtico autem intellectu: Ad locum unde apoſtoli exierunt, illuc fecerūt ut fideles conuerterentur, ad deum uidelicet, ut in lumine domini poſtea ambulant. Aliter. Qui è uirtute in uitium ac malitiam decidunt, torrentū ac fluuiorū more ex alto quodam loco in præceps, concauumq; ac terreſtre delabuntur. Poſſunt tamen & cum ad ipſum iam uitium peruenerint reſpiſcere, ad poenitentiam redeuntes, & per cōuerſionem reuerſi iterum in uiam, quæ perducit ad paradīſum, unde homo primus eiectus fuit.

Cunctæ rationes difficiles, non poterit homo eas explicare ſermone.

Rationes quæ de certa rerū cognitione afferendæ ſunt, magnā difficultatem habēt, eo quod non poſſunt homines quantumuis magna pollentes ingenij ui, rerū omnium abſolutam conſequi cognitionem. Aliter. Omnes rationes, tam quæ ad ſecularem, quàm quæ ad diuinam ſapientiā pertinent, non ſine labore tradi poſſunt: ſeculares tamen ac mundanæ ſcientiæ, plerunq; diſcentibus detrimentū adducunt. Scientia uero dei ac diuinus ſermo, ſemper eſt utilis: quem tamen non poterit homo pro dignitate explicare, licet alioquin prudēs ſit, niſi qui accepit donum doctrinæ, ſapientiæq; ſermonem. Aliter. Semper ſerè diuini uerbi doctores laborant, atq; in anguſtia ſunt, ac plerunq; ab ipſa doctrina retrahuntur, cum frūſtra ſe uideant operam inſumere, ac laborem

E N A R R A T I O .

ac laborem solum lucrari ob auditorum inobedientiam ac desidiam. Prædicationis itaq; officium deterret eos, qui cū negligentia audiuntur. Aliter. Oportet prius facere, ac deinde alios docere. Labor est itaq; non uulgaris atq; exiguus, sed ualde periculosus, quenquā alios ea docere, quæ prius ipse non fecerit. Quapropter homo perfectus ac prudens, cum rei magnitudinē contemplantur, ab ipsa prædicatione resilit ac retrahitur.

Non saturabitur oculus uisus, neque auris auditu implebitur.

Verba hæc secundum physicam rationem ita exponi possunt, uidelicet: Neq; oculus uniuersam sensibilem creaturam, mundiq; machinam potest complecti, neq; cuiusquā mens omnes capere rationes atq; sermones, qui de illa explicari possent: quia uidelicet deest homo, qui de ijs loquatur ac doceat. Aliter. Oculi hominū cum ualde agiles sint, ac quodammodo lubrici, ad concupiscentiam proni sunt, neque expleri possunt. Sed & qui pruritū aurium patiuntur, semper quidem res nouas discere gestiunt & affectant, nunquā tamen curāt ad ueritatis notitiam peruenire. Quapropter & diuini uerbi præcones non parum laborāt, ut aures oculosq; discantium modestos temperatosq; efficiant.

Aliter. Audiendi sensus ac uidendi, principales regijq; sunt, ac cæterorū sensuū maxime rationales: proprias namq; operationes, humanæ uite perutiles ac necessarias, sine ulla satietate efficiūt. Gustus autem, odoratus

ac tactus, citius fatigantur, ac tædio afficiuntur.

Quid est quod fuit? Ipsum quod futurū est. Quid est quod factū est: ipsum quod faciendum est.

Creatarū rerum aliæ quidem unigenæ sunt, id est semel creatæ, successionē non habituræ: ut sol, ut luna, ut quæ perpetuò durant. Aliæ uero per successionē conseruantur, quæ uidelicet sunt sub sole: ut animalia ipsæ ac plantæ, quæ generationi subiacent & corruptioni. De huiusmodi ergo creaturis, quas successio seruat, habetur hic sermo: homo siquidem natus est olim, fuitq; ab initio, quo defuncto alius generatur. Item & planta fuit, planta enascitur.

Et nō est aliquid recēs sub sole, neq; qui dicat ac loquat, ecce hoc nouū est.

Iam præcesserunt in seculis quæ fuerunt ante nos. Seculum quandoq; spaciū uitæ humanæ significat, iuxta illud:

1. Cor. 8 xta illud: Non comedam carnem in seculum, id est, in

1. Reg. 27 tota uita mea. Et alibi: Erit tibi seruus in seculū. Quandoq; autem perpetuā temporariam durationem mundi huius ab initio creationis usq; ad finem. Dicit ergo nihil esse nouam in successionibus hominū, animalū, ac plantarū. Aliter etiam. Qui probi officiosi q; fuerint in hac uita, in futuro seculo coronantur, puniuntur autē scelesti. Quid est igitur quod fuit? ipsum quod futurū est. Quasi dicat, officiose quispiam uixit, præmia uirtutis accipiet: scelestæ alius uixit, sui flagitij poenas dabit.

Quæ

Quæ igitur in futura uita et seculo nobis adueniēt, præmia illorū erunt quæ in hac uita seculoq; præcesserint.

Nō est primis memoria, sed nec corū quidē q postremo futuri sunt erit recordatio, cū ijs qui futuri sunt in nouissimo.

Particularia singulorū hominum facta, quæ in totā uita gesserūt, sunt quodāmodo infinita, ut corū meminisse nequaquā posimus. Sed neq; scimus ea quæ post erit ac uenturi faciēt, hoc est, ignoramus quæ sigillatim curi Eli homines ab initio mūdi fecerint. Neq; enim cum illis in uita fuimus, sed neq; corū qui post nos futuri sunt cognitionē habemus. Vniuersalia enim fortasse quodāmodo possumus, particularia uero cuncta scire nō possumus. Non est igitur primorū memoria, neq; in nouissimis futurorū. Aliter. Qui officiose uiixerūt in hoc mundo, mox cœlestis regni præmiū consequuti, non habent in sensu memoriā laborum, quos in præsentī uita pertulerūt: sed neq; sensu animoq; percipiunt damnatorum poenam: non erit itaq; ipsis memoria cum illis, qui futuri sunt in nouissimis, hoc est corū qui tūc puniētur. Non quod ulli obliuio animas occupatura sit: sed quia ex præsentī uoluptate, dolorū memoria cessabit, iuxta quod scriptū est: In die bonorū, obliuio est malorū.

Ego Ecclesiastes fui rex Israhel in Hierusalem.

Quia nos adhortatur sensibilia cuncta despicere, facilius autē consilio illius creditur, qui ea cōtemnenda

12 OLYMP. IN ECCLESIAST.

proponat, quæ ipse possederit ac expertus fuerit, ideo suam nobis exposuit dignitatē, ut cum attentione uerbis suis accipiamus.

Et dedi cor meum ad quærendū & speculandum in sapientia de omnibus quæ sunt sub sole.

Et cum dei munere sapientiam accepiſsem, totam meam mentem dedi in considerationē rerum quæ sunt sub sole. Aduerte autē quod Ecclesiastes non contēplatur inaccessibleia quæ sunt super cœlū, sed quæ sub sole sunt. Inquit igitur, non humana intelligentia speculatus sum, sed sapientia utens, quæ mihi dono dei tradita fuit.

Quoniam laboriosam distentionem dedit deus filiis hominum, ut occuparentur in ea.

Psal. 4 Filios hominum uocat, qui ad hæc terrena & uana hiant attoniti, iuxta illud quod in psalmo legitur: Filij hominū usquequo graui corde? Vidi igitur in sapientia quod laboriosam occupationē dedit deus filiis hominū: ad magnam enim illorū utilitatem factum est, quod in comparandis diuitijs, & in acquirenda inani gloria, ac etiā in ijs quæ uentri ac gulæ gratificātur, summo opere laborandū sit. Si enim labores & angustias tantās subimus ac patimur, ut possideamus quæ uana sunt, quonā flagitij ac sceleris nō progredieremur, si hæc ipsa ociosis nobis ultro aduenirent? Vtiliter igitur data est hominibus hæc difficilis distentio uel occupatio. Si autem & ipsa

ipsa uirtus cum labore perficitur, & hoc item homini perutile est. Si enim quoquo te uertas & circa bonum & circa malum laborare oportet, cōsequitur uero malum punitio, bonum autē fruitio uoluptasq; ineffabilis, sine ulla comparatione præoptandus est labor & occupatio circa bonū. Præsertim uero officiosus uir qui uere uacat uirtuti, circa multa occupari non debet, iuxta illud euangelij dictum: Martha Martha sollicita es, & Luc. 10 turbaris erga plurima: paucis uero est opus, ac unū est necessariū. Quo loco intelligit de præceptis, aut de charitate præcepta omnia cōtinente. Vtiliter itaq; data est hominibus laboriosa atq; difficilis occupatio.

Vidi quæ fiunt cuncta sub sole, & ecce omnia uanitas, & electio spiritus.

Quæcunq; inquit, faciunt homines, non quæ operantur eorum bonorū gratia quæ sunt super solem, atq; quæ cœlestium, sed eorum gratia quæ sunt sub sole, corruptibiliū ac terrestriū, omnia uidi quod uanitas sunt: præter enim hoc, quod elabuntur ac euanescent, etiam disponunt homines ad supplicia post præsentem uitam futura, quandoquidem nulla coacti necessitate hæc faciunt, sed præuia electione certoq; consilio. Spiritū uero hoc loco animā intelligit rationalem, quæ liberi arbitrij potestate decorata est.

Quod deprauatū est, adornari non poterit: neq; quod deficit, poterit annumerari.

24 OLYMP. IN ECCLESIAST.

Si ex persona Ecclesiastæ uerba hæc accipis, ita intellige. Qui prauè obliquatus est, & in uitium cecidit; dum in peruersitate sua perdurat, uirtutē resumere nō poterit. Sin autem à uitio recedat, tunc uirtutem resumat, iuxta illud: Declina à malo, & fac bonū. Sed neq;

Psal. 36 is, cui deficit gratia dei, donec est in hoc defectu, poenitentiamq; non subit, potest inter pios annumerari.

Aliter. Fuerunt nōnulli qui dicerent, casu fortuito mundum factum esse, ac imperfectū existere: ad quos Salomon se cōuertit dicens: Quidnam deprehēditur in hoc mundo quod imperfectū sit atq; peruersum, uel ita ut emendari illud oporteat? Quid uero etiā deficit in uniuerso mundo, ut addendū annumerandumq; sit? Quod si uerba hæc accipis ex illorū persona, qui perpendunt naturā hominū, & qui dicunt quosdam esse ita natura peruersos ut emendari non possint, in multis redarguimus eorum stultam opinionem. Nullus enim natura est malus. Igitur & Matthæus de teloneo ad Euangelistæ dignitatē uocatus est. Sed & plurima in hoc mundo, quæ ignaris uidentur noxia & mala, ut serpentes,

ut leones, & his similia, hominibus conducūt ad salutaria pharmaca, & ut cōuertantur prudentioresq; fiant animalium illorū exemplo & comparatione, cum dici

Prouerb. 6 sibi audiunt, Vade ad fornicam ô piger: necnon ut uerecundia afficiantur, cum comparari illis se sentiūt, ut:

Psal. 48 Comparatus est iumentis insipientibus. Nihil est itaq; in hoc mundo malum, sed omnia commoda & utilia.

Vidit

Vidit enim deus, inquit scriptura, omnia quaecunq; fecerat, & erant ualde bona. Ne igitur dicatis ô stulti, Quod prauum est concinnari non poterit, neque quod deest annumerari. Gen. 1

Locutus sum in corde meo dicens: ecce magnus effectus sum, & apposui sapientiã super omnes qui fuerunt ante me in Hierusalẽ, & cor meũ uidit multam sapientiã & cognitionẽ, parabolas & scientiã. Cognoui ego quod & hoc electio spiritus, quoniã in multitudine sapientiæ multitudo cognitionis: & qui addit cognitionem, addit dolorem.

Loqui aliquis dicitur in corde suo, cum mentem ad cogitandum applicans secum disputat & ratiocinatur. Collegi itaq; inquit, & subducta ratione apposuisse me uidi sapientiã, super omnes qui me præcesserũt natu. Apposui autẽ significat profectu magno auctam in cofuisse sapientiã. Sapiẽtia uero, cognitio diuinarũ humanarumq; rerũ & causarũ quæ ad easdem res pertinet. Cognitio uero est speculatio de natura rerũ: & qui hac quidem præditi sunt cognitione, sese ipsos erudiũt, atq; ab ignoratione uindicat. Qui uero sermones sapientiæ discunt, alios quoq; homines ueritatẽ subinde edocent. Sapientiã uero & cognitionẽ, non iam uanitatẽ esse dixit, sed spiritus electionẽ, monẽs nos nequaquã fati beneficio nasci, aut fieri homines sapientes, sed sapientiæ desi-

derio ac labore, petita[m]q[ue] à domino deo sapientiã con-
sequẽtes. Quod si quis adhuc scientiæ plus habere desi-
derat, addat, inquit, & studiosos labores. Aut etiam
sic intellige. Qui adeptus scientiam cognitionemq[ue] de-
linquit, longe amplius puniendus est: ideo qui addit co-
gnitionẽ addit & dolorẽ. Cum autem sapientiã sit am-
plior quàm ipsa cognitio sue scientia, meritò inquit, in
multitudine sapientiæ contineri multam cognitionem.

CAPVT II



DIXI in corde meo: Age iam
periculũ faciam in lætitiã &
in bonis, & ecce hoc quoq[ue]
uanitas. Risiui dixi circuitũ,
& dixi lætitiæ, quid ita hoc facis?

Mundana, inquit, gaudia mecum reputas, inspexi
num quid haberẽt boni: & uidi demum quod letari uel
ob affluentiam diuitiarũ, uel propter gloriam, aut ali-
quid eorum quæ in mundo sunt, mera est uanitas. Dixi
autem huiusmodi lætitiæ, (risum enim hic lætitiã intel-
ligit) dixiq[ue] huiusmodi gaudio: Circũuagare à me lon-
gius & absiste. Quid ita hoc facis? hoc est, quid me alli-
cis ut huiusmodi rebus gaudeã? Etenim uanitas mera est,
ac nihil penitus aliud, istis de rebus lætitiã & uoluptas.

Et consideraui si cor meum traheret
ut uinum carnem meam.

Poculum quod bibentes haurimus, à conspectu no-
stro

stro tollitur & euanescit. Cōsideraui itaq; num in prosperitatibus mundanis uoluptatibusq; humana mens esse possit ita uirilis ac fortis, ut absumere ac delere ualeat quasi epotum uinum concupiscentias carnis.

Et cor meum præcessit in sapientia, & pollens in lætitia, donec uiderē quale bonū filijs hominū, quod facient sub sole in numero dierum uitæ ipsorū.

Ecclesiastes noster cum à deo sapientiā accepisset, uimq; prudentiæ sicut arenam maris, acutissima mentis acie præditus, poterat quidem diuinos tractare sermones, ac magna loqui mysteria, quod ipsum sanè cernitur pulchre efficere. Poterat autē & ingenij acumine, ad quæcunq; libuisset cōmode uti. Sicut enim aliquis acuto præditus uisu, eadem oculorū ui, modo ad honesta et necessaria utitur, modo & lasciue abutitur, nulla quidē oculorū culpa & causa, sed affectu & intentione peccante: ita & is, cui deus mentem sapientiæ exornauit, si quidem ut decet dono dei utatur, res diuinas cōmode contēplatur: sin uero ad terrena deprimatur, clanguescit ac degenerat in dei dono, optime tamen ac perspicacissime terrena quoq; percipit, ac intellectu cōsequitur: neq; uero mentis acies, sed animi intentio, prout uel bene uel male dei dono utatur, digna laude uel uituperatione censetur. Dedi igitur, inquit, cor meum hoc est mentem meam, & reputaui quale nam bonum esset in hominibus, & quid nam operari possunt, dum in hoc

mundo sunt, ex quo perpetuam in hac uita letitiam uoluptatemq; consequatur. Qualia itaq; sunt humana facinora contēplatus, & rationali quadam sapiētia usus, dedit seipsum ad ea peragenda quæ subinde enumerat.

Magnificauī opus meum, ædificauī mihi domos, plantaui mihi uineas, feci mihi hortos & paradisos, & plantaui in eis lignum omne fructus. Feci mihi piscinas aquarū ut rigarem ab eis syluam producentem ligna.

Magnificauī, inquit, factum meum, non opus dei, sed meumipsum: operibus enim dei nullus quicquā potest adijcere. Aedificauī mihi domos. In hebraico suo sermone cōmodā dictionē nactus, proprie ac perargutē locutus est, Domificauī mihi domum. Plantaui mihi uineas. Regia potestate usus, diuitiarumq; copia, circa omne possessionū genus effusus est. Feci mihi hortos & pomaria. Hortus est oleribus consitus, pomariū uero uarijs plantis atq; arboribus: ideoq; additur: Et plantaui in ipsis lignum fructiferum. Feci mihi piscinas aquarū, ut ex ipsis irrigarem syluam germinantem ligna. Splendide ac sumptuose pomaria concinnauit, procerasq; arbores, quæ sponte quodāmodo sua in montibus enascuntur, ut palma, salices, quercus, ac piceas in pomarijs suis conseruit: ideoq; meminit syluæ studio comparatæ, in qua irriganda magna aquarū copia opus erat.

Possedi

Possedi seruos & ancillas, & uernæ nati sunt mihi.

Cū enī uernæ minus sufficerēt in familiari ac domestico ministerio, uenalitios quoq; sibi seruos cōparauit.

Possedi quoq; armenta & greges super omnes qui fuerunt ante me in Hierusalem.

Superaui, inquit, omnes ante me reges, in armentis & gregibus, uel in reliquis omnibus quæ superius enumerauit: potest enim ad illa quoq; accommodari.

Congregauī mihi aurū & argentū.

Quia multi stabilem quidem possessionem habere solent, repositis tamen carēt pecunijs, addit & harum quoq; sibi fuisse copiam.

Et regum substantiam, & regionū.

*Sed & reges, inquit, habui stipendiarios, ac tributa mihi soluentes: & fructiferas regiones, hoc est agros: regiones enim in sacra scriptura, fertiles agri intelliguntur, iuxta quod in Euangelio legitur: Leuate oculos ue- Ioan. 4
stros & uidete regiones, quoniā albæ sunt ad messēm. Et hinc quoq;, inquit, magnā habui rerum copiam.*

Feci mihi cantores & cantatrices in delitijs filij hominis.

Sed neque posthabui, inquit, ac neglexi demulcere cantibus aures meas: delectantur enim huiusmodi cantibus, non filij quidem dei, sed filij hominum.

Propinatores & propinatrices.

Vel ut ex uario propinantiū aspectu, ac alternata mutatione, appetitum sibi ad pocula prouocaret, uel tanquā ualde mollis existens, ac mulierosi hominis ingenium exprimens.

Et magnificatus sum, & apposui super omnes qui fuerūt ante me in Hierusalem. Sapiētia quoq; stabilis mihi fuit.

Adeo, inquit, exaltatus sum, ut in nullo unquā consilio rationeq; aberrauerim.

Et omne quod appetiuerunt oculi mei, non abstuli illis, neq; prohibui cor meum ab omni lætitia.

Inquit igitur, Omnem oculorū concupiscentiā & animæ appetitū circa uoluptatem (quam & lætitiā uocat) ad executionem perduxī.

Quoniam cor meum lætatum est in omni labore meo.

Cunctis, inquit, studio ac electione susceptis laboribus, hanc cepi portionem ac sortem, quod illorū fruitiōnem consequutus sum, composq; uotorū sum factus.

Et inspexi ego omnia opera mea quæ fecerāt manus meæ, & laborem quem laboraui ut facerem, & ecce omnia uanitas, & electio spiritus.

Hæc, inquit, omnia operatus, per actiuas factiuasq; facultates, inueni quod cuncta humana studia uanitas sunt,

sunt, nihilq; amplius lucro apponitur illis, qui laborant circa omnia quæ uidentur sub sole, eo quod omnes æque cōmunem subeant mortem, diuites simul ac pauperes. At qui laborāt ob ea quæ sunt super solem, supplantantes omnia quæ uidentur, habent aliquid amplius, iuxta Saluatoris sententiā dicentis: Ego ueni ut uitā habeāt, et abundātius habeāt. quasi dicat, ut careāt pœnis, et fruātur promissa beatitudine. Notandū quoq; quod qui student circa ea quæ uana sunt, et sese uoluptatibus tradunt, excusare nō possunt carentis ratione fortunæ motum, neq; fati necessitatē: humanæ siquidē actiōes profiscūtur ab electiōe, et ab insita nobis libera potestate.

IOAN. 10

Et inspexi ego ut uiderem sapientiā & circuitū & stultitiam. Quoniam quis est homo qui sequi possit consultationē quæcunq; hæc operata est?

Cum nobis spectandum proposuerit auari hominis personam, circaq; terrenas substantias occupati, nunc nos conuertit ad sapientiam: et comparatione propozita, periculum facit quid inter se differant sapientia et uoluptas, quam et errorem uocat, atq; circuitum: uel quod ad omnem uentum circūstrantur bona ista terrena, quæ materiā suggerunt lætitiæ ac uoluptati, uel mutata et litera in α, non αὐτοφωγὰν legemus, sed ἄγχα-φωγὰν, hoc est, insanam extasim mentisq; excessum. Insanire enim uidentur ac esse sui obliti, qui in loco miserie et lachrymarū, letandū sibi esse falsò existimāt.



Inquit igitur: Queramus an possit homo, qui elegerit sibi secundum hanc stultitiā uiuere, complere sua desideria: hoc enim significat, sequi possit consultationem. Mox autem inuenit homines perquam raro fieri desiderij sui compotes: capropter addidit, Quis est homo? quasi dicat, rarus est ualde. Neq; enim quicūq; ditescere appetit, penitus hoc consequitur: nec qui gloriæ cupidus est, uoti prorsus efficitur compos: & eadem ratione in cæteris sese habet. Qui uero sapientiā adamarit, deo duce feliciter ductus, sequitur penitus consultationē, hoc est, inueniet quod affectabat. Vel aliter. Attonitus erumpit in interrogationē: Quisnam est, inquisiens, homo, qui possit respicere ac conuerti à desiderijs suis, & inspicere motus electionis suæ finemq; propositum, ut diiudicet iterum, sapienter uiuat an stulte?

Aliter. Elcuatus, inquit, extra corpus & per sapientiam uidens, quod post exitum huius uitæ nemo potest redire in uitam, & iterum frui eisdem rebus, quas dum uiueret certo cōsilio exercebat (quis enim, persæpe pro nullus accipitur) præposui sapientiam stultitiæ.

Et uidi quod amplius esset sapientia supra stultitiā, sicut amplius est luci quàm tenebris.

Tenebræ ipsæ per priuationē lucis fiunt, ita ut lux quidem reuera existat, tenebræ uero nihil penitus sint. Ita, inquit, igitur est sapientia ad stultitiā: opera enim stultitiæ transeunt, perpetuā punitionem conciliantia suis

suis cultoribus: opera uero sapientiæ in perpetuū durant, æternāq; cultores suos lætitiā afficiunt. Quod autem, inquit, amplius sapientiæ super stultitiā, non est per comparationē dictum: quæ enim sese mutuò tollūt ac destruūt, sicut sunt lux ipsa et tenebræ, inuicem non comparantur. Huius generis est sapientiā & stultitiā. Non est itaq; in genere malorum reponēda lætitiā, sed ob affectionē eligentis. Addidit illud Amplius, hoc est, sine ulla comparatione multo melius facit qui sapientiā præponit stultitiæ.

Oculi sapientis in capite ipsius, stultus autem in tenebris ambulat.

Caput eminentia quædā est & suprema totius corporis pars, pedes uero infimi sunt, terramq; contingentes. Quando itaq; præsidens intellectus purgatus fuerit, superna speculatur, non quæ sunt super terram, ac tunc in capite oculos uere habet. Quando uero mens ad terrena conuertitur, tunc in pedibus habere oculos uidetur, circa limum terræ occupata. Aliter. Caput ecclesiæ Christus est, ad quem si sapiens, dum ambulat, oculos intendit, sicut & Christus perambulauit, oculos habet in capite. Stultus autē ambulat in tenebris, semper oculos declinans in terram, tenebricosoq; caligat intellectu.

Et cognoui etiam ego, quod occur-
sus unus occurreret om̃ibus ipsis. Et dixi
ego in corde meo, sicut occurrit stulto,

24 OLYMP. IN ECCLESIAST.
occurreret etiam mihi. Et ut quid sapiens
factus sum?

Omnia secum meditans sapiens noster Ecclesiastes,
quæ afferre aduersarij contra ipsum possent, è propria
loquitur persona. Cum igitur inueniat multa & uaria,
quæ communia omnibus sunt, quæ occurfus appellat:
qualia sunt egrotare, beneualere, ditescere, paupertatē
pati, & præcipue cōmunem omnibus mortem: aduer-
sarij subiēs personā, inquit. Si hæc cōmunia sunt stultis
& sapiētibz, quæ utilitas demū crit suscepisse labores
officiosos, & sapientē fieri? Mox autē hoc refutato scr-
mone, ostēdit quale sit nobis à sapiētia lucrū. Ait ergo:

Tūc abundāter locutus sum in cor-
de meo, Quoniā stultus ex abundantia
loquitur: quia & hoc uanitas.

Adducta stulti illatione, tanquam ex illius persona
eandē nunc illationē per seipsum dissoluit. Inquit enim:
Et ego abundantius locutus sum in corde meo, quod ua-
na & superflua est talis cogitatio, & insanæ mentis est
talía uerba effundere. Stultus enim furore effrēns quæ
temere cogitauit, per os effundit: quoniam stultus ex
abundātia loquitur, hoc est, superfluente in ipso stulti-
tia. Mox & causam docet, redarguens illationem stul-
ti cum dicit:

Quoniam non est memoria sapien-
tis cum stulto in seculum.

Esi enim, inquit, quæ uaria et differētia sunt in hac
uita,

uita, stultis æque ac sapientibus cōmunia sunt, at in futuro tamen seculo sapiens erit in memoria æterna, & immortalem habet fruitionem: stulti uero memoria deletur, iuxta quod est in psalmo: Perijt memoria illorum Psal. 9
cum sonitu, hoc est, nō sunt existimādi memoria digni.

Secundum quod adueniētibus diebus omnia obliuioni tradita sunt.

In uenturo, inquit, seculo, quæcunq; nobis in hac uita occurrerint, siue infirmitas, siue prospera ualētudo, siue diuitiæ, siue etiam paupertas, in obliuionem ibunt. Tum uero concludens solutionem inquit:

Et quomodo moritur sapiens sicut & stultus?

Quomodo, inquit, dicetis o stulti quod propter cōmunem omnibus mortem, nihil sapiens stulto plus habeat? quandoquidem sapientis memoria perpetua sit apud deum, stulti uero nequaquā. Si enim quæ in hac uita occurrunt omnia sunt cōmunia, tamen in futura uita, unumquenq; opera sua sequentur.

Et odio habui uitam, quoniā malum aduersum me facinus, quod factum est sub sole: quoniā omnia uanitas & electio spiritus.

Propterea, inquit sapiens, odio habui laboriosam uitam, & quem laboraui laborē meum, ob ea quæ sunt sub sole: malum enim facinus, laboriosam uitam peccatorum hominū intelligit. Hic autem sapiens odit impu

ram & pollutam uitam, & mensurā in perpetuū quæ-
rit. Et stulti subiens personā inquit: Quoniam malum
aduersum me facinus quod factum est sub sole. Sapiens
enim non testatur se laborare ob ea quæ sunt sub sole.
Quandē enim ppter necessarios uitæ usus laboret etiam
sapiens, non tamen principalē operam consumit circa
hæc mundana atq; præsentia, sed laborat quod satis est
ad necessaria uitæ: summum uero suum studium uirtuti
impendit, transcuntia hæc & temporaria contemptui
ducens, studens autem ea sibi cōparare quæ sunt futura
eterna, quæq; sunt ab oculis nostris procul remota.

Et odio habui omnē laborem meum
quem laboro sub sole, quoniam relin-
quam ipsum homini post me uenturo.
Et quis scit sapiens ne sit futurus an stul-
tus? & si dominabit in omni labore meo
quem laboraui, & in quo sollicitus fui
sub sole? & hoc etiam uanitas.

Prorsus sapiens noster laboriosam collectionē pecu-
niarum & possessionū, & huic impensum laborē, cum
testatione odij, prudens inquit dictum. Primū quidem
quod huiusmodi rerum possessio perpetuò nō durat apud
habentem, sed ipse quidem uitam egreditur, nihil
secum portans: alter uero possidenda accipit, quæ ipse
labore multo comparauit. Alterum etiam memorabile
uerbum inquit, quod uidelicet ignorat diues quali suc-
cessor suus futurus sit uita, intemperatē ne ac luxuriose
uicturus,

uicturus, an prudenter ac sobriè diuitias expensurus. Tertium notatu dignū est, quod licet demus temperatū ac prudentē succēssorem futurū, ignoramus tamen perpetuō ne sit futurus relictæ hereditatis possessor, cum pecuniæ ad alios atq; alios continuè deuoluātur, multis uarijsq; casibus cōmutatæ. Inquit igitur: Licet concedamus prudentē fore heredem, qui parcè relictis utatur, hoc ipsum quoq; est uanitas. Quare autē hoc dicat, contemplandū nobis relinquit, quoniā uidelicet melius est nos ipsos dum sumus in uita, dispensare diuitias nostras in pauperū ac egenorū necessitates, ut ita thesaurū habeamus indeficientē in cœlis, quàm alijs in hereditatē transmittere, qualescunq; demum illos fore contingat.

Et conuersus sum ut renunciarem cordi meo in omni labore meo quem laboraui sub sole.

Detestans Ecclesiastes quæ superius dicta sunt, conuertitur ad euangelicā uitam, quasi & ipse cum Petro apostolo Saluatori dicat: Ecce omnia reliquimus, et se- Matth. 19
cuti sumus te. Subinde autē prædictā indignationis causam resumit, quā contra tēporaria concepit. Ait ergo:

Quoniam est homo, quoniam labor ipsius in sapientia & scientia & in fortitudine, & homo ei qui non laborauit in ipso dabit partem ipsius, & hoc etiā est uanitas, & magnum malum.

Quæ enim, inquit, utilitas homini in humana sœ-

pientia & prudentia & fortitudine laboranti, & maligne se gerenti, hoc est, suorum rerum partem alijs non ponenti, sed semper amplius suis bonis addenti? quando quidem alius qui nihil in ea substantia laborarit, omnes suas diuitias accipit. Est autē & ita intelligere. Conuersus ego sum, ut renunciarem cordi meo in omni labore meo quē laboraui sub sole, cogitās quod alius quidem diuitias meas accipiet, ego uero curas laboremq; subiero. Interposita uero illa uerba uidelicet, Quoniam est homo, quoniam labor ipsius in sapientia & scientia & fortitudine: hoc significant. Contempsisti, inquit, laborare circa res uanas, rationibus colligens, quod est alter labor dignus laude, qui stabiles congregat uirtutum diuitias. Est autē huiusmodi labor quem laborat homo, ut acquirat sapientiā, scientiam, & fortitudinē. Hunc igitur laborem ego potiozem ducens, conuersus sum ut renunciarem cordi meo in omni labore quem laboraui sub sole, hoc est circa res uanas.

Quoniam fit homini in omni labore suo electio cordis sui, pro eo quod ipse laborat sub sole. Quoniam omnes dies eius in doloribus & in distentione animi sui, neq; in nocte dormit cor suum: & hoc etiam uanitas est.

Aduenit, inquit, homini labor, quem laborat, siue bonus sit siue malus, ab electione consilij. Quod si operam uirtutibus impendat, laudandus hic labor: sin uero
circa

circa uitium occupetur, omnes illius dies transeunt in plenitudine dolorum, iracundiæ, occupationis sollicitæ, ac uigiliarum. Hæc enim omnia consequuntur eos, qui circa inane studiū uitæ huius uersantur, quare & hoc etiam uanitas est.

Et non est homini bonum nisi quod comedit & bibit, & ostēdit animæ suæ bonum in labore suo. Et hoc etiam uidi ego quod est de manu dei. Quis enim ex seipso bibit & comedit?

Quæ media, inquit, sunt & indifferentia, nec mala per se, nec bona, ab ipso deo hominibus tribuuntur, quælia sunt diuitiæ, bona uoletudo, autoritas. Sumpta igitur aduersarij persona inquit Ecclesiastes: Quod si hæc dantur ab ipso deo hominibus, nihil ergo in hominibus inuenietur boni præter edendi bibendiq; uoluptatem. Tum uero soluens obiectionem, inquit:

Quod homini bono in cōspectu suo dedit, scientiam, sapientiā, & lætitiā: peccatori autem dedit occupationē addendi & congregandi, ut tradat ei qui est bonus in conspectu dei. Quoniam & hoc uanitas est & electio spiritus.

Nolite, inquit, dicere ô insani, quod transitoria & corruptibilis hæc cibariorū uoluptas bona sit: homini enim bono deus scientiam & sapientiam dedit, ut in ijs

latetur in conspectu dei, hoc est, custoditus & aspectus à diuina prouidentia. Homini autem peccatori negociū dedit circa hæc sensibilia, ut laborās & congregans asfligatur. Quod si in hoc laborādi studio & cōgregandi persistat, & hoc sanè ipsum est uanitas & electio spiritus. Sciendum uero est, deum hanc dedisse homini peccanti & congreganti occupationē, non ut peccet quidē ac congreget, sed magis ut cōtemplationē ac tædio uanitatis mundanæ, in cognitionē ueniat laboriosæ huius uitæ, desideretq; immortalem ac iucundā uitam, quæ in futuro seculo sanctis in præmium danda est.

CAPVT III



MNIBVS est tēpus, & occasio est omni rei quæ sub sole est.

Rerum aliæ quidem tēporariæ sunt, aliæ uero æternæ: ac æternæ quidem inuisibiles sunt, supraq; solem constitutæ. Hic autem est sermo de ijs quæ sunt sub sole ac tempori subiiciuntur, (quandoquidem & temporaliter esse cœperunt) suoq; tempore, hoc est oportuno fiunt. Et tempus quidē spacium illud significat, in quo fit aliquid: occasione uero dicimus cōmodum tēpus ac oportunū aliquid faciendi. Potest itaq; tempus & occasio esse, sed occasio tamen tempus non est, sed illa quam nanciscimur rebus peragendis temporis oportunitas. Et cuncta quidem quæ fecit deus oportuno proueniūt tempore, ut æstas, autumnus,

nus, hyems, ac uer. Quæ uero homines facimus, laudabilia quidem sunt si fiant tēpore oportuno: sin uero ante tempus fiant, aut præter tempus, iure damnantur. Oportuno quis tempore suæ cōmiscetur uxori, cum appetit filios procreare: præter tempus uero, cum uoluptatis & concupiscentiæ causa hoc facit. Qui æstate seminat, ante tempus seminat: qui etiā hyeme ad messem sese accingit, præter tempus hoc ipsum aggreditur. E disciplina autem horum uerborū docemur, omni in re defectus uitare atque excessus, eo quod res firmè omnes, hinc atq; hinc assistentes ac propinquas enormitates habeant. Nam qui deficit à medio fortitudinis statu, labitur in timiditatē: qui uero illum excesserit, audax efficitur. Potest itaq; & alia significatione accipi tempus, pro ipsa mediocritatis norma: occasio autem pro tempore oportuno. Nam qui & ad normam & suo tempore, actiones omnes suas moderetur, hac ueluti regula & amussi utens, facile in omni uirtute consummatus euadet.

Tempus gignendi & tempus moriendi.

Sæpe contrariarū rerum distincta sunt tēpora, contingit tamen quandoq; & eodem tempore utraq; fieri. Corporalis itaq; natiuitas & generatio aliud habet tempus, & aliud corporalis interitus: spiritualis uero natiuitas, per lauacrū regenerationis, unū & idem tempus habet cum morte. Nam qui renascitur in diuino laua-

cro, conſepulti ſunt Chriſto in baptiſmate. Et corporaliter quidem naſci ac mori in noſtra poteſtate non eſt, ſed arbitrio dei & generamur & morimur. Spiritus uero natiuitas & interitus pendet à nobis: opus enim eſt cum diuina operatione et gratia, noſtra quoque electione, ut moriamur quidem peccato, naſcamur autem iuſtitie. Sapienter autem ac notanter Eccleſiaſtes à natiuitate coepit, & morte & temporarie huius uitae nos admonens. Propterea enim & Moſes, ut aiunt, primum quidem ſuum uolumen Geſen inſcripſit, Exodus uero ſecundum nominauit, ut in hiſtoria figurate nobis hanc temporariam uitam deſcriberet.

Tempus plantandi, & tempus euellendi quod plantatum eſt.

Præter literæ ſenſibilem ac manifeſtum intellectum, myſtice ſic intellige. Sæpe quidem uno eodemque tempore plantat aliquis & euellit, uidelicet cum euellit zizaniam, quæ ſeminauit malus homo: plantat autem ſueſcit legitima uerbi ſemina, amputans uitium, inferens uirtutem. Sæpe uero hæc facit alio atque alio tempore, ut cum Paulus abſcindit fornicarium à cõmunionẽ eccleſiæ, plantat uero eundem, poenitentia emendatum.

Tempus occidendi, & tempus ſanandi.

Occidendi quidem peccatum, ſanandi uero animam cuique ſua, poenitentiae medicina. Huiusmodi uero actio, ſuo ſemper & oportuno ſit tempore, præſertim uero nunc dum ſumus in præſenti uita, & in teſtamento gratiae

Paulo

Paulo testante qui ait : Ecce nunc tempus acceptabile, 2. Cor. 6
 ecce nunc dies salutis. Corporalibus autem ita mysticum sensum accommodabis. Principi ac domino tempus est perdendi homicidam, curandi uero ac fouendi eum qui bene de se meritus fuerit, minusque etiam ac clementius corrigendi eum qui leuius in se deliquerit.

Tempus destruendi & tempus ædificandi.

Diuina ædificatio diuiditur in practicam, theoreticamque uirtutem. Qui igitur officiose operatur et ex uirtute, moralem domum practicamque ædificat. Qui uero spiritualia et inuisibilia contemplatur, speculatiua sibi construit domum : atque is quidem utcumque ædificat, domum non manu factam semper sibi parat in coelis. Qui poenitentiam facit, demolitur ac destruit ante actæ uitæ peccatum. Et bonum quidem nobis pulchrumque est tolli procul à peccato, super ædificari autem super fundamentum apostolorum et prophetarum.

Tempus est flendi & tempus ridendi.

Est tempus quoddam non secundum spacium temporis motusque sumptum, sed à rebus ipsis. Nam qui non in profundo cordis, sed in superficie uultus fleuerit, audire poterit illud de se dici, quod dictum est olim de Hierusalem : Voce sua serò lamentata est, et lachrymæ eius Thren. 1
 in maxillis eius. Qui uero decenter lachrymas fuderit, et tactus dolore cordis intrinseco poenitentiam fecerit, exaudietur utique iuxta illud : Planctum planxit Hierusa

94 OLYMP. IN ECCLESIAST.

salem, clamorem lachrymarum tuarum quando uidit, misertus est tui. Et est etiam in tempore spacium significante, lugere in hac uita ut in futura rideamus. Nam & ob peccata, ac ruinam discipulorū uel fratrum opportunè lugemus: de profectu uero illorum meritò ridemus & exultamus.

Tempus plangēdi & tēpus saltandi.

- Plangunt se ac percutiunt, qui pœnitentiæ student: at uero saltant, qui præcincti sunt temperantia, exultiq; prudentia, immoti fortitudine, perfecti iustitia. Saltauit itaq; Dauid in cōspectu domini, sed non temere. Ideo & prophete facti uelut pueri in plateis ac foro uitæ huius, propter immunitatem maliciæ, infantilemq; simplicitatem dicebant Iudeis: **Matth. 11** Luximus uobis & non planxistis: hoc est, tristitia uobis prædiximus, & pœnitentiam non egistis. Apostoli quoq; ad eosdem dixerūt: **Luc. 7** Tibi uobis cecinimus & non saltastis: hoc est, regnū cœlorum annunciauimus, instar tibiæ sonoram uocem fundentes, neq; tamen tripudium duxistis, neq; præ lætitia domi huius saltastis. Hæc enim nos docet euangelica Saluatoris parabola.

Tempus iaciendi lapides, & tempus colligendi.

- Qui mortaliter peccauit sine proposito emendationis & pœnitentiæ, eiicitur è spiritali domo: qualis est lapis scabiosorum, de quo symbolice & figurate apud **Leuit. 14** Moſen scribitur. Qui uero ita peccat ut curari uelit, colligitur

colligitur per poenitentiam in ædificationē apostolorū
 & prophetarū. Omnis itaq; qui saxeus est corde, duci-
 tur foras, preciosi uero lapides colliguntur. Lege etiam Leuit. 20
 cautum erat lapidari adulterā. Et magister quidem la-
 pidibus cædit discipulos peccantes, hoc est, correctiuis
 sermonibus. Cum uero satis illos erudierit ac reprehen-
 derit, cessat à correctiuis sermonibus, colligitq; quos ia-
 ctasse uisus fuerat lapides.

**Tempus amplectendi, & tēpus lon-
 ge fieri ab amplexibus.**

Iuxta literam, tempus amplexandi propriam uxo-
 rem, quando tempus orationis non impediat, aliāue ho-
 nestā necessitas. Tempus est inquam, licetq; id nobis fa-
 cere, uel propter filios procreandos, uel ut consulamus
 fragilitati atq; incontinētiæ nostræ, ne uidelicet libidine
 succensos, callidus hostis nos ad adulteriū puocet. Tem-
 pus uero abstinendi à cōplexibus, uel propter orationes
 deo fundēdas, uel ut grauidæ uxori parcamus. Aliter,
 tēpus amplectendi erat in principio creati orbis, ut mul-
 tiplicantes impleremus terram: nunc uero tempus absti-
 stendi à cōplexibus, quādoquidē extrema hora diei nos
 occupauit, & ad finē seculorū mundus festinat. Spiri-
 tualiter uero ac mystice ita intellige. Honora sapientiā
 ut te amplectatur, atq; hic quidē cōplexus semp est op-
 portunus. Cū uero in sacris scripturis, lex ipsa per leuā
 manū significetur, per dextrā uero euāgelica doctrina,
 ipsaq; mens nomine capitis innuatur, totius uero corpo-

ris appellatione intelligatur ecclesia: meritò canit spon-
 Cant. 2 sa in Cantico canticorū: Leua eius sub capite meo, &
 dextera ipsius amplexabitur me. hoc est, ipsa quidem
 lex ad sapientiorū quorundam tantūmodo peruenit in-
 tellecū, ipsumq; perficit: euangelica uero doctrina di-
 uino quodam complexu totam ecclesiam cōprehendit.
 Ab hoc quidem complexu, nullum unquam tempus est
 abstinendi. Cum tamen arca iam fabricata esset, ac ter-
 ris diluuiā imminerēt, tempus erat abesse procul à com-
 plexibus matrimonij: ideoq; hinc masculi, inde uero fœ-
 minæ seorsum disiunctæ intrarunt in arcam. Postquam
 uero aquæ diluuij iam resederant, Noë cum uxore sua
 exiisse arcā narratur: tēpus enim tunc erat coniugalis
 amplexus. Semper autē tempus est elongari à uitio &
 peccato, agglutinari autē deo, illiq; ppetuò adherere.

Tempus querendi & tempus per- dendi.

Si literalem sonum ordinemq; inspicias, uidetur hæc
 sentētia ordine præpostero esse accipiēda. Nemo enim
 querit, nisi quod prius perdidit. Mystico tamen sen-
 su nihil immutando lectionem, ita intelliges. Qui est in
 ignorātia constitutus, tempus tunc habet querendi ue-
 ritatem: qua inuenta tempus aliud sibi aduenit, ut igno-
 rantie perdat tenebras & relinquat. Aliter. Qua-
 rit aliquis animam suam, quæ periit: ea uero inuenta ab
 errore resipiscens, debet quantū ad priorem spectat ini-
 quitatē, perire prorsus ac mori. Ingruente uero marty-
 rio

rio tempus est perdendi animā, ut ipsam inueniamus.

Tempus custodiēdi & tempus abijciendi.

Qui pecuniarū dispensator est, nouit quo tempore pecunias uel apud se custodiat, uel expendat. Mystice autem, tempus est custodiendi sacram doctrinam, ne illam temere quibuscunq; nullo delectu habito profundamus. Tempus uero effundendi, cum dociles fuerint, ac bene dispositi auditores. Oportet enim, inquit, abijcere argentū meum trapezitis, non autem sancta dare canibus, neque suis margaritas. Aliter. Tempus est seruandi euangelica præcepta: idem quoq; tempus est abijciendi legales umbras.

Tempus scindendi & tempus consueuendi.

Qui ecclesiæ hostes aduersariosq; conciliat, & ad unitatem catholicæ fidei perducit, ille proculdubio consueuere dicitur: qui uero fornicantē cum uxore patris sui ab ecclesiā eijcit, opportune hic scindit. Aliter. Qui coram domino per contritionem ac pœnitentiā cor suum discindit, sese ipsum assuit in ecclesiā primogenitorum fidelium.

Tempus tacendi & tēpus loquendi.

Qui in silentio et sub monasterij disciplina doctrinam sacram fuerit perdoctus, cum auctoritatem conseruat fuit loquendi ac prædicandi, tunc dominus illi præbet opportuno tempore linguā eruditionis, ut co-

gnoscat quando uerbum proponi oporteat: atq; ita fit,
 ut tempore suo tunc loquatur. Auditorio enim populo
 Exod. 14 dicitur in ueteri lege: Audi Israël & tace. Senior autē
 Eccles. 32 prudens ita ad loquendum excitatur: Loquere senex,
 tibi enim hoc conuenit.

Tempus amandi, & tēpus odio pro-
se quendi.

Mulier quæ erat in ciuitate peccatrix, magna cū di-
 lectione saluatoris pedes osculata, hoc est, semitas pieta-
 tis ac ueræ fidei ingressa, magno se prorsus odio ab ini-
 quitate auertit, ut iam utriusq; rei atq; effectus unū tem-
 pus idemq; fuerit. Aliter. Semper quidem anima in
 amore uersari debet, atq; in odio, ut amet quidem secun-
 dum opera sponsum suū, ac dicat: Osculetur me ab oscu-
 lis oris sui. oderit autem inimicū hominem, hoc est dia-
 bolum, qui zizania seminat.

Tempus belli, & tempus pacis.

Qui bellum gerit cōtra spirituales nequitias, pacem
 cum deo habet. Et in hac quidē uita tempus est assidue
 pugnandi contra principatus & potestates. Qui uero
 palmam consequetur, deinde in futuro seculo letabitur
 in delitijs, & in multitudine pacis.

Quid habet amplius homo in ijs quæ
laborat?

Postquā ea persecutus est quæ ad actionū tempora
 occasionesq; pertinet, iterum redit ad personā hominis
 contemplandā, docetq; laborantem circa res humanas

nihil

nihil deniq; plus cæteris habiturū: quandoquidē & aduersa & prospera omnibus fermē cōmunia sint, præcipue uero mortalis uitæ interitus. Solus itaq; sapiens qui hæc cognoscit, amplius nōnihil cæteris hominibus assequutus fuerit.

Vidi igitur occupationē quam dedit deus filijs hominū, ut occupētur in ea. omnia quæ fecit bona sunt in tēpore suo.

Iam superius dictū est quod filijs quidē hominū, hoc est, secundū passionē carnis uiuentibus, sapiētibus uero nequaquā, deus occupationes ac difficultates dedit: ut dum occupantur circa ea quæ media quadā ratione indifferenter se habēt, tam ad malum quā ad bonū, penitus ad alterā partem, hoc est, ad iniquitatis uiam non delabantur. Omnia igitur media & indifferētia bona sunt, modo suo tempore exerceātur, & ad necessarios usus: sicuti est agrū colere, opibus cōparandis studere, bibere & comedere: atq; ut semel dicatur, operandi bonū tempus est semper, sicut cōtrā, semper tēpus à flagitijs abstinenti. Aliter. Tempus hic appellat usum ipsarū rerum, hoc est cum quis rebus utitur quantū naturæ leges iurāq; permittunt. Ait itaq; Ecclesiastes: Contēplatus ego hominū mores, quo pacto uidelicet occupentur & cōuertantur ab ijs quæ natura permittit, ad ea quæ sunt præter naturā. Hæc, inquit, prudenter considerans, uidi quod natura quidem nihil est malum, sed omnia quæ secundum naturā mouentur ac fiunt, per se bona sunt.

40 OLYMP. IN ECCLESIAST.

Oculi enim boni sunt, qui sine praua intentione aliquid intuentur. Sed cum occupantur & conuertuntur à simplici operatione naturæ ad curiosa spectacula, non iam amplius boni sunt. Omnia igitur bona in tempore suo, hoc est, si secundū simplicem naturæ operationem, & iuxta quod decet usurpentur & fiant.

Et seculum tradidit deus in cordibus eorū, ut nō inueniat homo opus quod fecit deus ab initio usque in finem.

Permisset, inquit, deus sollicitos esse & occupari sapientes mundi huius, ne si assidue tranquillo animo attendissent ad fabricam & structurā mundi huius, perspecta & cognita illius pulchritudine, uisibilia hæc deū esse, uel deos arbitrarentur. In multiplici tamen occupatione non reliquit illos sua prouidentia destitutos, sed humane naturæ cōmunem mortis cogitationē adiunxit, ut scientes quod hic perpetuū futuri non sumus, æternæ uitæ curam habeamus. Aliter. Seculum significat temporale spaciū, completiturq; omnia quæ in ipso fuerit. Inquit ergo: Deus filiis hominū seculi præsentis dedit cognitionē, uidelicet quod temporale initium habuit cœlū & terrā, & quæcunq; conspiciamus, & quod hæc ipsa tempore immutantur. Eorum uero quæ ante initium temporis fuerunt, quæq; post hoc seculū futura sunt, certam et manifestā scientiā non habemus, ideoq; Eccles. 3 nobis dicitur ab alia scriptura: Altiora te ne quesieris, & profundiora te ne scrutator.

Et cognoui

Et cognoui quod non est bonū in ipsis, nisi lætari & facere bonū in uita sua,

Sapiens cognoscit quod natura bonum est. Natura autē bonus solus est deus, qui omnia protulit ex sua ingenua bonitate. Qui tamen quantū in se est, quantūq; sua facultas patitur, bonū operatur erga deum & proximum charitate seruata, hic ineffabili & uera letatur lætitia. Cognoui igitur, inquit, quod nihil est boni in uita nisi hoc ipsum bonum operari, & in bona operatione lætari.

Et omnis homo qui comedit & bibit, & uidet bonū in omni labore suo, hoc donum dei est.

Sapiens quidem nouit quod uere bonum est: omnis autē homo, hoc est, uulgaris, & in multitudine media sumptus, qui aberrat à cognitione ueri boni, cum uoluptate sola bonum diffiniat & metiatur, comedere ac bibere bonū esse existimat. Et sanè manifestum, quod sensibilibus rerum copia, dei munere hominibus data est: non tamen ut concessis rebus abutamur, sed ut eas communicemus in proximos liberales, deo gratias de acceptis muneribus exhibentes. Cōmiscuit autem hoc loco personas Ecclesiastes, eius scilicet qui uere sapiēs, quod proprie bonū est cognoscit, & eius qui errore malo ductus, fallitur circa ipsius boni cognitionem.

Cognoui quod omnia quæcunq; fecit deus, ipsa erunt in seculū: ad ea non

42 OLYMP. IN ECCLESIAST.

est addere, & ab ipsis auferre non est,
ut timeant faciem eius.

Rerum aliæ quidē uisui sunt obnoxie, aliæ uerò uideri non possunt. Hic autē sermo habetur de uisibilibus rebus: & harū quidem aliæ semper eodē modo perdurant, ut terra, cœlū, sol, luna: aliæ uero per successionē seruātur in specie, ut homines, plantæ, & similia. Noui igitur, inquit, quod nō est apponere ad ea, quæ in mundi constitutione deus creauit, cum eiusmodi compositio perfecta sit et indeficiēs. Sed neq; ab ea quicq; ut superuacaneū est auferre. Qui uero ad speculationē mundi animum adiiciunt, rationesq; singularū rerum quantū in se est, consequūtur, timore dei occupantur, attonitiq; redduntur, auctoris omniū sapientiā demirātes. In omni itaq; hominū mente insitus est à natura dei timor, uel legitima quedam ratio, quæ ab ordine ac pulchritudine uniuersi, hominū corda cōuertit ad creatoris sapientiā cōtemplandam. Sciendum uero est, hæc quæ uidemus, esse ueluti symbola quedam ac signa spiritaliū rerum. Quare si finem spectes ob quem facta sunt, omni prorsus carent defectu. Nam siue quid eorum principaliter deus produxit, siue quid in secundas causas referendum est, non est eis apponere quicquam nec demere. Omnia igitur bona & pulchra, perfecta omnia sunt, ac necessaria dei opera.

Quod est factum, iam est: & quæ futura sunt, iam fuerunt: & deus quæret

eum qui persecutionem patitur.

Si quid olim fuit, nunc etiam est. Homo fuit, homo
est: arbor fuit, arbor etiam est. Sed pari ratione fue-
runt, et quæ futura sunt. Homines futuri sunt post nos,
et iam priores illis fuerunt alij. Deus autem queret per-
secutione affectum, hoc est, innocuū, qui alij persecu-
tionem non inferat, et seruabit eum.

Et etiam uidi sub sole locum iudicij,
ibi impius: & locū iusti, & ibi pius. Dixi
ergo in corde meo: Simul iustum & im-
piū iudicabit deus, quoniā suum tem-
pus est omni operi.

Ab his sensibilibus ad spiritualia nos attollens, ait se
prognostice ac puro mentis intuitu contemplatum esse
locum iudicij, qui repositus est impijs sub sole, quasi di-
cat, infernum. Sed et locum iusti se uidisse cōmemorat.
Addidit autem et ad locum iusti, particulam illam uide-
licet, sub sole. Quod si secundum literam simpliciter ac-
cipiatur, nulli dubium quin in paradiso, et in coelis fu-
turi sint iusti. Sin autem ad utrunq; inferas illud, sub sole,
ad iustum uidelicet atq; ad impium, contemplatū fuisse
intellige eos qui nūc ex hac uita decedunt, qui nondum
ad regna peruenerunt coelorum. Digna sanē inquisitu-
res est, ubinam sub sole iusti uita functi collocentur.
Constat autem quod in paradiso, cum dixerit Christus
latroni, Hodie mecum eris in paradiso. Sciendumq; est

44 OLYMP. IN ECCLESIAST.

quod literalis traditio paradysum docet esse in terra. Nōnulli uero dixerūt quod paradysus etiam est in inferno, id est subterraneo loco: ad quam suam opinionē illud accommodant euangelicū, Diues Lazarū uidit, ipse tamen in inferiore loco demersus, cum Lazarus enim ueniente esset in loco, ubi esset Abraham. Verum quomodo cūq; hæc se habeant, illud proculdubio constat, tum ex præsentī Ecclesiastæ nostri loco, tū ex omni sacra scriptura, futuros pios in prosperitate ac pace, iniustos uero in supplicijs ac tormentis. Alijs autem placuit paradysum esse in cœlis. Bonus autem ac ingenuus Ecclesiastes, historiæ sensum potius cōsecrabitur. Tum uero secundum examinans ita infert:

Dixi intra meipsum: Nunquid cum impio damnatur & iustus?

Hæc sanè uerba disquisitionem ambiguum habent, non absolutam affirmationē. Semel enim docuit alium esse locum iusti, alium impij, sed postea nos admonet & in metum adducit, cum deus sit omnes homines iudicaturus, nostrasq; res omnes diligētī examine discussurus. Inquit ergo:

Tēpus erit omni rei & omni operi.

Hoc est, erit uniuersalis iudicij tempus. Mystico autem intellectu sic accipe. Vidi sub iustitiæ sole dominum nostrum Iesum Christum, qui scilicet uenturus est iudicare uiuos & mortuos. Vidi inquā locum impij à sinistris uidelicet constitutū, & iusti item uidi locum qui est

qui est à dextris eius: & dixi in corde meo, quod deus omnes ad iudicium conuocabit, pro dignitate unicuique distribuens, illud tempus definiens ac decernēs, in quo nostra omnis actio & operatio districto examine perpendetur.

Ibi dixi ego in corde meo de sermone filiorum hominis, quod diiudicabit illos deus.

Simile est hoc illi quod in euangelijs legitur: Omne Matth. 12
uerbum ociosum quod loquentur homines, reddent de eo rationem in die iudicij. Intellige autem cum hoc loco dicit sermonem, subintelligi & internum mentis uerbum, occultamque cogitationē: nam & de his quoque ratio à nobis diligens exigitur.

Et ut ostenderet quod ipsi iumenta sunt, & ut ostenderet occursum filiorum hominis, & occursum iumentis: occurrit enim æque his. Vt mors huius, ita & huius mors. Et spiritus est in cunctis, & nihil plus habuit homo quam iumentum.

Propterea, inquit, uidi & consideravi rationes iudicij quod exercetur sub deo, ut ostendam hominibus, hoc est, ut homines doceam nihil eos à iumentis differre secundum corporis rationē, uitamque illā, quæ tota corpori uiuat & indulget. Eundemque namque aërem cum brutis animantibus homines respiramus, eundemque interitum subimus, & in his sanè rebus, homo iumento amplius

46 OLYMP. IN ECCLESIAST.

nihil habet. Iumentorū itaq; brutalis uita, quæ Veneri indulget, uanitas mera est. Monet autem nos per hæc Ecclesiastes, ne corpori indulgeamus, sed animam quæ prædita est ratione, uirtutibus excolamus: hac enim similes angelis sumus, cum uis ipsa sentiendi, nobis cum iumentis brutisq; animalibus sit cōmunis.

Omnia pergūt in unū locū. De terra facta sunt, & omnia in terrā reuertūtur. Et quis nouit spiritū filiorū hominis, & si ipse ascendat sursum, & si spiritus iumenti descendat ipse deorsum in terrā?

Manichæi animas huc et illuc transferri asserentes, immortales quidē illas esse aiunt, sed omnia subire corpora tam hominū quàm brutorum, reptilium quoq; ac plantarū. Nos Christiani, quos diuinæ scripturæ meliora erudiunt, iumenta accipimus pro ijs hominibus, qui non utentes munere rationis, comparātur iumentis insipientibus. Homines autē meritò illos esse cognoscimus, qui distincti à bestiali ritu uiuendi, secundū rationem se moderantur. Quis igitur scit, num ij qui apud multos uidentur prudētiores, in ipso iudicij tempore digni censentur regno cælorū, an potius ad inferni barathrū demittentur? Quis item contrā illud scit, an qui carere quodāmodo ratione uidentur, occulto dei iudicio ad superna tollētur? Quod enim rationalis anima sit immortalis, brutorū uero anima corpori īmoriatur, cuius planè manifestū est, qui paulū modo rationis sit particeps.

Aliter.

Aliter. Multis in locis Ecclesiastes uoluptuarij hominis personā subiens, cōuenientes susceptæ personæ sermones loquitur. quasi dicat, quis nouit quæ futura sunt? Edamus & bibamus, cras enim moriemur. Explicans autem Apostolus qualia sint quæ ad præsentem uitam pertinent, inquit: Si in hac uita in Christo tantū sperantes sumus, miserabiliores sumus omnibus hominibus. Vbiq; igitur Ecclesiastes per ænigmata nos erudiens, ad futuræ uitæ cogitationem transmittit. 1. Cor. 15

Et uidi quod non est bonū, nisi cum lætabitur homo in operibus suis. Quis enim adducet illum, ut uideat quæ post se futura sunt?

Si ē persona uoluptuarij hominis intelligantur hæc uerba, ita intellige. Vidi, inquit, ego uoluptati addictus quod nihil sit boni in uita, præterquā lætari in suis operibus & uoluptatibus, & quod hæc portio est hominī hæreditasq; concessa. Quæ cum uerba uoluptuarius temere effuderit, docet subinde Ecclesiastes unde sit, quod huiusmodi cogitationes huic hominū generi innascantur, quia uidelicet nemo illis potest intellectum cæcum habētibus ostendere, quæ futura sint eis post illas, quibus nunc fruuntur, uoluptates, æterna scilicet tormenta suppliciaq; grauissima. Sin autē uerba eadem ē persona sapientis dicta intelligantur, altior quidam ac nobilior illis inerat sensus. Non est, inquit, homini bonum, excepta illa lætitia ac felicitate, quæ illū excipiet

ex ijs operibus quæ fecerit in hac uita. Actio enim ex qua lætitiā habere expectat, ipsa scilicet secundum uirtutem, hæc erit portio sua & sors. Eum namq; qui officiose non uixerit, non continget uita persunctū redire huc amplius, ut per pœnitentiā emendet quæ perā peram gessit.

CAPVT IIII



T cōuerti ego me, & uidi calumnias quæ fiunt sub sole. Et ecce fletus, calumnias patientiū, & non est qui eos consoletur, neq; potestas quæ liberet eos à manu calumniantiū, & non est qui consoletur eos.

Ad alia me, inquit, examinanda conuerti: & contemplantus homines, uidi calumniatores iniustos, & qui calumniā patiebantur lugentes ex infirmitate, eo quod nullus pro illis contra calumniātes uindictæ potentiam exerceret, atq; ita eos consolaretur. Calumniatores autem sunt, alij quidē in pecunijs, alij uero in opinionibus sectarū, sicut hæretici contra fideles. Quin et ipse princeps autorq; malorū diabolus, cum apostaticis potestatibus, assidue calūnias texunt, mendaciāq; moluntur.

Et laudaui mortuos qui iam decesserunt, magis quā eos qui uiuunt usq; nunc. Et felicior mihi utrisq; qui nondum natus

dum natus est, nec uidit opus malum,
quod patratur sub sole.

Mortuos uiuis putat beatiores. Quid ita? Nempe quia iusti iam laborum omnium desuerunt, peccatores autem lassati sunt in peccatis: utiliter itaq; utrisq; mors cōmunis aduenit. Mystico autem sensu ita intellige: Qui peccato mortui sunt, uiuētes in Christo, longe meliores sunt illis qui uiuunt in peccato. Tum sequitur: Et felix mihi super utrosq;, qui nondum natus est, neq; nouit laboriosam hanc uitam, quā opus malum nominat. Ab ijs autem uerbis Ecclesiastę quidam adducti sunt, ut dicerent animā pręexistere ante corporis institutionem. Quomodo enim, inquit, uocari potest beatus ac felix, qui nihil scit? Quibus ita respondemus. Si quem admodum ipsi dicitis, anima in corpus hoc detruditur, ut tanquam in carcerem coniecta corripatur & castigetur, ob ea delicta quę antequā subiret corpus admisit, quomodo tunc felix esse poterat, cum peccaret neq; argueretur? Quem enim diligit dominus arguit, & castigat omnē filium quem suscipit. Si autem a deo diligere bonum est, si etiam bonum est corripī, descendit autem anima in corpus ut corripatur, ergo bona erit corpore a hac uita, & in corpore hoc felicius erit anima illis, quę antequam subirent corpus peccabant, neq; dignę habebantur correptione diuina. Facile est itaq; euertere illatam ab illis rationem. Neq; enim anima corporis constitutione prior existit: & Salomon feliciorem uos

Heb. 12

Cyrillus in

cap. 1. Ioan
nis

Matth. 14

cat utrisq; qui nondum natus fuerit, hoc est, qui in existentiâ nullam uenerit, nihilq; fuerit: ut sermo hic cum domini uerbis prorsus cōueniat: Bonum illi erat, si natus non fuisset homo ille. Hac autē absoluta quæstione, alia nos & quidem grauior quæstio suscipit. Si melius sit homini non natū ipsum esse quàm natum, ob malum igitur contigerit homini natum esse. Erit ergo malorū causa deus, qui hominē produxit in uitam. Quomodo itaq; uidit deus cuncta quæ fecit, & ecce erant ualde bona? Cui quæstioni sic respondemus. Quod cū duas hoc loco personas attulerit Ecclesiastes, alteram quidem calumniam inferentis, alteram uero patientis, non simpliciter loquitur de calumnia patiente, sed lugentem illum inducit pro ijs quæ iniuste patitur. Verba igitur hic expressa non prodeunt à persona sapientis, aut fidelis hominis, sed eius qui in hoc mundo pacem habere percipiat. Philosophus enim neque si iniuste quid patiatur lachrymas fundit, quin letatur potius & exultat, sicut

Hebr. 10

& Apostolus scribit: Rapinam bonorum uestrorum cum gaudio suscepistis. Cum itaq; Ecclesiastes duas hoc loco personas induxerit, ad philosophiæ normam nequaquam se moderantes, quarum altera est inferentis, altera uero calumniam patientis, ac præ dolore nimio & ignorantia rerum lachrymas effundentis, subiunxit quod in comparatione horum duorum hominū calurentium philosophia, bonum sit in natura rerum non esse: quam sanè sententiam facile posset experientia ac exemplo

exemplo nobis ueram ostendere. Si quis enim interrogaret sanctos martyres, apostolos, aut prophetas, uel cunctos homines qui secundum uirtutem uixerunt: Agite nobis hoc dicite sancti uiri, proposita uobis optione, uel nascendi autore deo, uel non nascendi, utram in partem propensiores fuissetis? Nonne ilico responsuros putas: Gratias agimus deo nostro, qui secundum bonitatem suam nos fecit, quiq; nos in uirtutis gymnasio uoluit decertare, ut has nobis aeternae gloriae coronas placeret et imponeret? Satis itaque ostensum est, quod de peccatoribus et imperfectis hominibus loquitur Ecclesiastes.

Et uidi ego omnem laborem & omnem fortitudinem operis, quod aemulatio est homini. hoc uanitas & electio spiritus.

Fortitudo et industria digna uituperatione censetur, cum quis uires suas circa uanitates intendit, et uoti tamen compos efficitur. Zelus autem uituperabilis est, qui proxime uicinam habet inuidiam. Vidi igitur, inquit, laborem hominum circa res uanas, et alios uidi homines illis inuidere. Vt, exempli gratia, iniuste aliquis diuitias sibi comparat, ecce alij statim huic inuidere incipiunt: uel ipsi similes consequi diuitias affectantes, idem et ipsi studium aemulantur. Huiusmodi igitur occupatio hominum uanitas est, et ut saepe iam diximus, electio spiritus.

Stultus complicuit manus suas, & co-
medit carnes suas.

Manus homini datæ sunt, ut illis opportuna sibi & conuenientia operetur. Ociosus itaq; cessator, manus clausas & cōplicas tenens, cum subinde poenitentia tangitur, ac dolore distabescit, dicitur meritò carnes proprias deuorare. Mystico autem sensu, qui operationes suas non exercet in uirtutibus, carnes deuorat suas, cum ipse sibi sit suppliciorū mediator & tormentorū proxeneta. Aliter. Complicare, complecti ob dilectionē, & salutando blandiri. Stultus itaq; cum diligit turpes suas operationes & amplectatur, proprias deuorat carnes, ipse sibi iustum supplicium parans.

Bona est plenitudo pugilli cū requie,
super plenitudinē pugillorū duorum
cum labore & electione spiritus.

Melius est modicum iusto, super diuitias peccatoris multas. Mystico autē sensu, pugillus est indeficiens fides, quæ est in dominū Iesum Christum. Duo autem pugilli intelligendi sunt, cum quis duobus dominis seruire studet, deo scilicet & mammonæ, & opprobria illa pati quæ Propheta cōmemorat: Vsq; quo claudicabis in utroq; poplitem? Melius est ergo sine ulla controuersia quod hic prius ponitur. Aliter. Pugillus, unus, unitas ipsa quæ materia caret: pugilli duo, materialia quæ diuidi possunt. Habetur præterea ipsa dualitas in scripturis sacris immūda atq; impura. Nam im-
munda

mundi animalia bina ingrediebatur in arcã Noë. Me- Gen. 6
lius ergo est uanitatẽ sequi, ac officiosam uitam ducere
cum quiete, hoc est sine inanis glorię fũco, quã occupari
circa dualitatẽ, hoc est, res materiales. Aliter.
Contemplari possumus hominẽ fuisse olim pugillum,
cum uidelicet Deus puluerem de terra accipiens, ac ueluti
pugillo concludens plasmauit hominem. Pugillus etiam
fuit mulier: à latere nanq; Adam costam manu
Deus apprehendens, Euam plasmauit. Melior ergo est
cœlibatus pugillis duobus, hoc est, dualitate & copula
coniugali. Quamuis enim coniugiũ damnandũ non sit,
cœlibatus certe laudabilis & molestia carentis.

Et conuersus sum & uidi uanitatem sub sole.

In circuitũ, inquit, mouens oculos mentis meę, nihil
uidi eorum quę sub lunaris huius mundi gratia fiunt ab
hominibus, quod nõ uanitas mera sit. Per hæc autẽ uer-
ba intellige significari nequitias hominũ & peccata.

Est unus, & non est secundus, nec filius nec frater: nec est finis in omni labore eius, nec oculus eius impletur diuitijs: & cui ego laboro, & fraudo animã meam bonis: hoc etiam uanitas est & occupatio mala.

Amplius, inquit, res humanas considerãs uidi quos-
dam, qui ne legitimos habẽt hæredes, insatiabili affectu
circa diuitias occupari, oculum habentes inexhaustum

& inexplebilem. Quod cum satis contēplatus sit, in-
 troducit inexplebilem huius hominis personā ex aua-
 ritie pœnitentia ita loqui: Et cui ego laboro & fraudo
 animam meam bonis? Iure ergo & huic labori uanita-
 tem attribuit. Aliter. Mystice sic intellige. Est unus.
 Vnum hoc loco accipit, qui seipsum tantūmodo fouet
 ac diligit, qui ne habere quidem uelit filios ac fratres.
 Nam qui desiderio illorū tenetur, quamuis natura nul-
 los affines et consanguineos habeat, quia tamen secun-
 dum dei præcepta charitatem sectatur, omnes homines
 quamuis externos, esse sibi filiorū loco putat & fratrū,
 iuxta illud: Esto orphanis tanquam pater, & tanquam
 maritus matri eorum. Hic itaq; unus ac solus, qui ha-
 bere non curat filiū neq; fratrem, laboriosa quadam ele-
 ctione uiuendi ac solitudine fraudat animam, suam bo-
 nis, neq; ad futura bona attendens, neq; in uita quicquā
 boni efficiens. Huic ergo & uanitas attribuitur.

Boni duo super unū, quibus est bo-
 num precium in labore ipsorum.

Concordiam duorū in operibus bonis laudat, hæc
 nanq; precium consequitur apud deum. Itaq; Saluator
 bene cōcordes apostolos binos misit ante faciem suam.
 Eos uero qui turrim superbie fabricātes in malo opere
 cōueniebant, dissipauit deus atq; dispersit. Mystice
 autē sic accipe. Laudabilis est & apud deum præciosa
 duorū (hoc est animæ corporisq;) in bono concordia.
 Quomodo autē meliores sint duo quā unus, exemplo

nunc proposito planè intelliges. Si corpus quidem uoluptatibus abstineat, & tēperate se gerat, anima uero ipsa inani gloria capiatur, irrita quodammodo uanaq; redditur corporis temperantia. Rursusq; si anima quidē humilitatē colat, libidinetur autem corpus, animæ uana est humilitas. Vna enim parte compositi hominis delinquente, aut anima uidelicet, aut corpore, necesse est & partem alteram comprehendī.

Bona itaq; duorū copula & concordia, si cōueniant ad preciosam uirtutē, quoniā si cadant, unus eriget participē suum. Et uæ uni si cadat, neque sit alter ad illum erigendum.

Qui bonis de rebus conueniunt, mutuū sibi auxiliū pręstāt. Si enim accadat ut alter ex humana fragilitate omittat aliquid quod faciendū sit, alterius cōsilio emendabitur. Quod autē dicit, si cadat, nō est accipiendū de ambobus eodem tēpore, sed modo de hoc, modo de illo.

Et si dormierint duo, calor ipsis erit: unus autem quomodo calefiat?

Ex eo quod corpori solet accidere, spiritualiter erudimur. Qui enim simul cubāt & dormiūt, magis quā qui solus iaceat, calefiunt: ita etiā qui spiritualiter conueniunt & concordant. Vbi enim fuerint duo aut tres Matth. 18 cōgregati in nomine meo, ibi et ego sum in medio ipsorum, dicit dominus, qui uidelicet sancti spiritus ignem caloremq; fidelibus suis gratificatur.

Et si quispiā preualuerit contra unū,
duo resistent aduersus eum.

Iterum per ea quæ sensibilibus solent accidere, spiri-
tualem nobis tradit doctrinā. Sicut enim duo concordī
animo uel per forum plateasq; ciuitatis ambulantes, uel
per desertas eremi solitudines, tutius ac facilius repel-
lunt irruentis contra se alterius impetum, ita & futurū
intellige in spiritali pugna. Nam cum Ecclesiastes edo-
cere nos uelit, quæ ad corpus animamq; pertineant (si-
cut etiam Paulus apostolus fecit, quo loco & ipse trium
quæ homini insunt rerum mentionē facit, cum ait: In-
teger uester spiritus & anima conseruetur) tria nobis
latenter contēplanda proposuit, uidelicet quod si unus
quispiam nobis insurgat, hoc est, superbia carnis, tunc
anima spiritui amicē coniuncta, carnem compescit ac
frenat, ut spiritalibus animæ motibus subijciatur, &
pareat. Sciendum nanq; est (quod ad hunc locum per-
tinet) hominē tribus ex rebus constare, anima scilicet,
corpore ac spiritu: non quod secundum substantiæ uim
aliud sit spiritus, aliud anima, (neq; enim duo rationalia
insunt homini) sed quod ratione sola, ea seorsum consi-
derantes, aliud esse spiritum dicamus, aliud animā. Vo-
camus enim spiritum, actum animæ ipsius, dexteriore
sublimioremq; uim: qui spiritus est idem, puto, qui &
intellectus, siue ipsa mens, sicut in Esdræ libris accipi
animaduertimus. Aut ita intellige. Spiritus est ipsum
charisma spiritus, quod animam lætificat & illustrat,
diuina

diuina nobis insufflatione transmissum. Itaq; si impol-
lutū seruemus quod nobis inest ad imaginē dei factum;
integrū habemus charisma spirituale. Sin uero ad pec-
catorū semitas declinemus, donum sancti spiritus ui-
lamus in nobis. Hoc est, puto, quod Apostolus nos pre-
catur manere integros sicut ab initio fuimus, immacu-
latum habentes corpus & animam, purumq; seruantes
charisma spirituale. Aliter quoq; ita potest intelligi.
Motus animæ diuiduntur in rationabilem, irascibilem,
concupiscibilem. Si igitur tria hæc ex uirtute officioq;
cōueniant, tunc secundum rectam naturæ normam, ira
excandescit contra malas affectiones ac dæmonas: con-
cupiscentiæ ipsa uis potiora tantum desiderat: unde &
Daniel uir concupiscentiarū uocabatur: rationalis au-
tem pars omnia iuste moderatur, irascibilem uim con-
cupiscibilemq; compescens. Sin autem contrā eueniat,
ut præter legem rationis, altera illarum uirium, uel ira
scilicet, uel appetitus quod delectat persequatur, tunc
duæ reliquæ partes concordī fœdere puritatem seruan-
tes, ut rationalis puta concupiscendiq; uis, iracundiam
deprimunt, ac sibi obedire cogunt: aut contrā, iracun-
dia rationi adiuncta, concupiscentiam sedat. Ita ergo
fit ut concordēs duo, tertium reluctātem redigant in
seruitutem.

Funiculus triplex nō citò rumpetur:

Rursus Ecclesiastes exemplo triplicis funiculi ad spi-
rituales nos euehit contēplationes: ac primum quidem

charitatē nos docet, in concordia nexum nos uocans. Inquit ergo: Si anima, corpus & spiritus in bonum conueniant, non facile dissoluuntur ab hostis incurſu.

Aliter. Cum rationalis animæ uis, irascendi ac concupiscendi potentiæ unitatis puritatem custodiunt, animam seruant prorsus innoxiam. Aliter. Qui credunt in consubstantialē trinitatem patrem & filium & spiritum sanctum, à resistantibus hæreticis & aduersarijs expugnari non possunt.

Bonus est puer pauper & sapiens, super regem senem & stultū, qui nescit prouidere in posterum: quod & è carcere uinculisq; interdum quis ingredia-
tur ad regnum, quodq; in regno ipsius natus sit pauper.

Pueri firmè non eo digni sunt honore quo senes, neque ita pauperē ueneramur ut regem. Comparans igitur Ecclesiastes stultitiam cum sapientia, quantum hæc ipsa præstet ostendit. Inquit enim longe potiorem esse puerum & pauperē, modo sit sapiens, eo qui sit senex & ornatus regia potestate, sed stultus. Amens enim nō intelligit posse sapientiā è seruili quandoq; conditione atq; in uincula coniectum hominē ad fastigium regium euehere. Cuius rei exempla sumi poterunt ex Ioseph, quem dei munere insita sapientia, & adolescentem, & precio coemptū, & in carcerē detrusum, totius Aegypti gubernatorē constituit. Hæc eadem sapientiā si regi insideat,

insideat, modestiam tueri docet ac frugalitatē, ita ut regia dignitate qua pollet nequaquā extollatur, ac timeat. Nam ex dei gratia & sui cognitione pauperem se esse intelligit, neq; in regno, neq; in diuitiarum copia paupertatis humilitatē deponit, ut beatus & ipse sit quem admodum & pauperes spiritu. Aliter. Senescens ac stultus, Hebræorū populus dici potest. Cui qui iunior successit, in dei cognitionem populus ex gentibus conuocatus, uere sapiens, ac redemptus à diabolica seruitute, per fidem Christi saluatoris cōsequutus est regale sacerdotiū: spiritu quidem pauper, sed euangelica beatitudine decoratus. Exemplar autem ac dux huiusmodi pauperum ipse Christus est saluator noster, qui sapientia quidē patris est dei, iuuenis autem si corpore & genitura tempus consideres. Idem quoq; rex dignitate diuina, pauper factus propter nostram salutem, quam per se ditissimus. Euasit idem catenas mortis, & inferni carcerē fregit ac soluit, suo nos erudiens exemplo mediocritatem sectari, cum dicit: Discite à me, Matth. 11 quia mitis sum & humilis corde.

Vidi cunctos uiuentes, qui ambulānt sub sole, cum adolescente secundo qui exurget pro eo. Non est terminus omni populo, omnibus inquam qui fuerunt ante eos. Et postremi non latābuntur in eo. Sed & hoc uanitas & electio spiritus.

Totus hic locus ad allegoricum intellectum mysticumq; pertinere putandus est: quādoquidem nullus est qui corporali intuitu cunctos possit uidere homines, qui ambulant sub sole. Cum uero mysticū sensum alij aliō referri contendunt: nam adolescentem secundum alij Christum dominum uolunt intelligi: alij autem filium perditionis antichristū: nos utranq; prosequemur expositionem. Vidi, inquit, cunctos iuuenes qui ambulant sub hoc uisibili sole, hoc est, ipsos peccatores, cum adolescente secundo, hoc est, antichristo, qui exurget pro ipso domino uidelicet nostro Iesu Christo: & non erit finis multitudinis peccatorū, eorū scilicet qui ab initio seculi præcesserunt. Sed & postremi, qui temporibus antichristi scilicet in eum credent, non lætabūtur in eo: neq; enim seruire potest impietas adherentes sibi. Vt autē doceat hunc errorem infidelitatis non necessitate, nec casu, sed electione liberæ uolūtatis esse populis aduenturū, adiunxit dicens: Sed & hoc uanitas est & electio spiritus. Aliter. Vidisse se, inquit, ambulātes sub iustitiæ sole, omnes scilicet qui uere uiuunt ex fide cum adolescente secūdo, qui proculdubio est saluator noster homo de cœlo cœlestis, qui nobis natus est ac surrexit pro adolescente primo Adam, qui fuit homo de terra terrenus. Et infiniti erant, inquit, sub hoc sole in anteriora progrediētes, hoc est, secundum uiuentis fidei disciplinā, præteritæ quidem uitæ obliti, tanquā mortui peccato, tendentes autē de uirtute in uirtutem, semper

oculos

oculos mentis ad propositā uitæ æternæ gloriam dirigentes. Sed quoniam sunt postremi ipsorum, qui non delectabuntur in adolescente secundo domino nostro Iesu Christo? Nimirum uel Iudæi sunt, qui cum primi essent, facti sunt nouissimi: uel qui in fine seculi credent in antichristum: uel generaliter omnes qui post primos officiose pieque uiuentes, ipsi cum sensus et uoluptatis illecebras consecretur, merito postremi ac nouissimi et habendi sunt et uocandi. Sed hos quoque nouissimos ostendit electione propriæ uoluntatis non gauisuros esse in adolescente secundo, ideoque tritum iam sibi uerbum illud adduxit: Sed et hoc uanitas et electio spiritus. Sciendum est autem (quod ad prædictorum enarrationem pertinet) Adam hominem primum adolescentem uocari, sub intellectu eius temporis, quo recens creatus erat adhuc in paradiso uoluptatis, et uigore iuuentutis suæ strenuus erat operando uirtutes. Vocatur adolescens et Christus saluator, propter magnum robur diuinæ uirtutis. Vocatur et antichristus, qui iuuenili temeritate frivolidus est in malo, robustusque nequitie innouator.

Custodi pedem tuum cum ingrederis in domum dei, & propinquus esto ut audias.

Aequiuoca quadam ratione loquendi, exterioris hominis membra et de interiore dicuntur, ut oculus puta, manus, ac pes, et membra reliqua. Non tamen contraria contingit, ut interioris hominis partes de exteriori

Psal. 67 dici consueuerint. Dicuntur enim pennæ alæq; de anima, iuxta illud: Si dormiatis inter medios clericos, pennæ columbæ de argētata. Inquit ergo: Custodi animæ tuæ pedem in omni opere tuo cum incedis, ut in conspectū uenias domus dei, hoc est, cœlestis Hierusalē. Qui uero custodit pedem animæ suæ, propè est ut audiat, hoc est, ut obediat uerbo diuinæ præceptionis, & proficiendo mandata legis exequatur. Quod si de corporali pede dictum intelligas, custodi, inquit, totum corpus tuū (à parte enim totum significauit) ne instrumentis eisdem quibus in bono utimur, abutamur in malo. quasi dicat: Ne quæso pedibus eisdem quibus templum dei frequentas, theatrales adito ludos, & obscœna spectacula. De alijs quoq; humani corporis membris idem intellige faciendum. Et profecto qui impolluto pede subeunt ecclesiam dei, debēt ab impijs locis & prophanis se penitus, ut deo contrarijs, continere.

Super donū stultorū sacrificiū tuum, quia ignorant quid faciant mali.

Quia stulti quoq; nonnunquā munus offerunt deo, ut qui ex inani gloria eleemosynam faciunt, sicut & Cain, qui recte quidem offerebat, male autē diuidebat: ideo tuum, inquit, sacrificium cum prudentia fiat & discretionē. Insipientes enim non intelligunt, quoties male offerunt, eo quod illorum zelus careat discretionis iudicio. Qui enim prudens ac sciens operatur bonum, pari quoq; cognitione malum deuitat. Qui uero prius
illud

illud ignorat, facile & alterum ignorabit. Illud itaq;
quod ait, Quia ignorāt quid faciant mali, ita intellige:
ignorantia occupantur, & tenebris obteguntur men-
tem. Proprie autem ac distincte locutus est cum dicit,
donum stultorū: sacrificium uero prudentium tantum-
modo intellexit.

CAPVT V



NE festines in ore tuo, neque
properet cor tuū ad offeren-
dum sermonē in conspectu
dei: quoniā deus est in cœlo
superius, & tu inferius es in terra.

Promptam ad loquendum linguam corripiendam
monet: tum uero quia ē temerario ac prompto corde
ipsi linguae fatuae sententiæ quas efferat, suggerūtur. Ut
fontem quoq; ipsum ac caput obstruat insipientiū uer-
borum, inquit: Ne properet cor tuum efferre uerbū in
conspectu dei. Quasi dicat, Quia deus ubiq; præsens,
omnia perspicit, etiam deprehendens occultas animæ
cordisq; cogitationes, quanquam per sermonis indicatiū
non emergant. Deus enim qui in altissima cœlorū spe-
cula sedem habet, quæ in imo sunt conspiciit uniuersa.

Aliter. Ne temere de diuinis mysterijs uerba pro-
funde, neq; utcunq; omnia quæ in buccā ueniunt. Mor-
talis enim homo cum sis, ac graui corpore circūseptus,
& orbis infimus habitator, nequaquā potes inuisibilis dei

substantiam supercœlestisq; comprehendere.

Idcirco sint pauci sermones tui.

Ob omnes causas superius dictas, sint tui sermones non solum pauci numero, sed etiam diligenti examinatione perpenſi.

Quoniam in multitudine tentationis aduenit somnium, & uox stulti in multitudine sermonum.

Si more prouerbij absolute ac libere hoc dictum putes, ita intellige. Sicut qui per diem multis tentationibus curisq; agitantur, per quietem subinde somnijs conturbantur, ita & stultus in multiloquio peccans, sua ipsius uoce arguitur. Aliter. Sicuti somniũ dormientem quempiam uel ad auaritiam, uel ad libidinem tentans, euolat mox & irritum euaneſcit, ut nihil eorum quæ facere uidebatur certum eſſe contingat, ita & uox hominis stulti nihil utile cõmodumq; concludens, somnio uidetur eſſe perſimilis. quasi dicat, somnijs comparatur stulti hominis sermo. Sin autẽ uelis Ecclesiasten quasi ratione confirmantem quæ superius attulit, hæc uerba proferre, uidelicet, quoniam aduenit somnium in multitudine tentationis, & uox stulti in multitudine sermonũ: ita accipies, ut quasi nos moneat dicens: Ne multiloquus esto ac nugax, neq; stultitiam tibi insitam tuo profer sermone, quoniam multæ nugacibus adueniunt tentationes, quæ ipsos nõ interdiu solum uigilantes conturbent, sed per quietem quoq; dormientes exterreant.

Sicut

Sicut uouisti uotum deo, ne moreris illud reddere, quoniam non est uoluntas in stultis. Tu igitur quacunque uoueris redde.

Votum est, cum quid deo pollicemur nos reddituros. Vouemus autem deo & pollicemur non pecunias modo, sed abstinentiam uictus, & castitatem, & quæ sunt generis eiusdem. Quia ergo stultos persæpe pollicitorum pœnitentia subit ac dolor, nolentes uota persolvere, hortatur ut citò ac uelociter quæ promissimus deo reddamus.

Melius est te nō uouere, quàm post uotum promissa non reddere.

Malum est proculdubio ac detestabile si nihil unquā uelis deo tribuere: multo tamen est peius si pollicearis deo quid daturum, neque persoluas. Duobus igitur propositis malis, bonum dixit, quod minus est malum.

Alio quoq; sensu ita intellige. Caue ne quid temere prōmittas in conspectu dei, quia simulac reus uoti factus fueris, multitudo te circumueniet temptationū, quæ persolvere promissionem impediat, ita ut ne dormiens quidem sine molestia sis futurus. Vt, exempli gratia, pecunias auarus quispiam uouit deo se redditurū, mox autem non interdiu solum torquetur & auocatur, rationibus hinc inde subductus, e gestatē sibi ac pauperiem ante oculos ponens, sed (ut par est) dormiens quoq; eisdem imaginibus curisq; conturbatur, ne uota deo persol-

soluat. Quanto autem supplicio torquendi sint qui contemnunt uota complere, docent nos in Actibus apostolorum Anania & Saphira repentina morte sublatis.

Ne dederis os tuū, ut peccare facias carnem tuam.

Lingua si nugax fuerit, corpus totum coinquinat: præsertim uero si cum mulieribus incautus sermo commisceatur, carnem stimulat ad peccandum.

Nec; dixeris ignorantia esse in conspectu dei.

Cum effrena, inquit, lingua peccaueris, ad poenitentiam redi, neq; consuetam prætende excusationē, quod imprudens nesciusq; peccaueris. Aliter. Qui in ipsa fce nequitie uoluntantur, ita prudentiam dei negant & aspernantur, ut dicant dedignari deum curare ac scire quæ hic ab hominibus scelera committantur. At tu nequaquam hæc dixeris: nihil enim latet oculos dei.

Ne fortè irascatur deus contra sermonem tuum, & destruat opera manuum tuarum.

Ne, inquit, ore tuo ac lingua peccaueris, ne & fructum bonorū operum tuorū amittas. Iratus enim deus contra temerarios sermones, delet è libro uitæ, si quid est quod uideamur nobis bene laudabiliterq; fecisse.

Aliter. Caue dicas, deus ignorat quæ ab hominibus perpetrantur. Irascitur enim talia dicentibus, neq; approbat

bat opera illorū. Simples quoq; ac tardiores ingenij peccatores, nihilominus è medio tollit, aut paupertate eosdem plestit, illorū fortunas operaq; corrumpens.

Quoniam in multitudine somniorū, ac uanitatum, copiaq; sermonum. Tu deum time.

Tria simul ualde similia comparauit, inania scilicet somniorum phantasmata, uanos hominum labores, & ineptam multiloquij loquacitatem. Somnij enim per similia sunt nugacis hominis uerba: neq; sanè multum à somnijs differunt irrita hominū studia. In multitudine igitur somniorum, hoc est, somniantium hominum frustra; laborantium, necnon uerba plurima effundentium, irascitur deus. Multitudinem autem hoc loco non simpliciter multiloquium intellige, sed ociosiloquium. Paulus enim loquens de regno dei, quamuis ad mediam usque noctem uerba produceret, nullo tamen auditores afficiebat fastidio. Qui autē multa quidem uerba profundat, rem uero ipsam de qua agitur minus facillè reddit, nihil fermè uidetur loquutus fuisse. Sed et qui ociose ac præter rem loquitur, in uerbo quoque uno nugax esse deprehenditur. Semel autem nobis cunctarū uirtutum obseruantiam suggerens, Tu, inquit, deum time. Timor enim omnia excedit.

Si calumniam pauperis, & rapinam iudicij uideris in prouincia, ne mireris sup hoc negocio, quoniā excelsio excelsio

sior est alius qui custodiam habet, & super ipsos alij quoque excelsi sunt, & superfluitas terræ.

Rapinā iudicij uocat, cum ditiores in prouincia & ciuitate largitionibus corrumpunt iudices ad iniqua iudicia. Aliter. Etiam rapinam iudiciorū exercet, qui causas nihil ad se pertinentes, uiolenter sibi uendicat & extorquet. Ait ergo: Quotiescunq; uideris calumnia & largitionibus inopes à potentioribus premi, ne admireris, hoc est, ita ob hanc ipsam rem indigneris, ut fluitare mundum sine ulla prouidentia suspiceris. Deus enim super omnes excelsus, omnia specularans & obseruans quæ ab ipsis patrantur, qui sibi uidentur excelsi, locupletes & gloriosi, reddet unicuiq; pro suorū operum dignitate. Et super ipsos excelsi, hoc est, qui sese ipsos inaniter iactant & magnificiūt, nihil aliud firmè censendi sunt quàm superfluitas terræ, hoc est, inutilis terræ globus & massa, iuxta illud: Quid superbis, inquit, terra & cinis?

Eccles. 10

Super omnes autē rex est dominus agri elaborati.

Generali quadam conclusione utens, Deus, inquit, instar uiridarij mundum sibi hunc excoluit & ornauit, & in eo dominatur ut agri dominus, cuius & assiduam prouidentiam gerit. Non itaq; decet opinari mundum carere gubernatione regnantis, ob eas quæ inter homines sunt iniquitates: imò reuocare mentem oportet.

Quod

Quod cum mundus hic ager nuncupetur, iuxta euangelicam parabolam, deus hominē mundi huius regem dominumq; constituit, sicut scriptum est: Omnia subieciſti ſub pedibus eius. Admonet itaq; nos hoc loco Eccleſiaſtes dignitatis noſtræ, ut debitam uenerationē deo exhibētes, qui nos regia honeſtauit corona, pie officioſeq; uiuamus. Aliter. Quando quidem deus uniuerſi huius mundi uerus eſt dominus et poſſeſſor, uelut agri cuiuſdam diligentia ſumma elaborati, idcirco ſeduli caueamus ne demoliamur uineā domini Sabaoth, aut iniſtis actionibus, aut impijs dogmatis, aut pernicioſis doctriſinis. Omnibus enim præeſt, omnia ſpeculatur agri dominus et poſſeſſor elaborati. Aliter. Diuina ipſa ſcriptura eſt uelut ager quidā ſerax et odoratus, quaſiq; paradīſus optimis arboribus conſitus, habensq; theſaurum occultū. Par eſt autem ut qui hūc habere quæſtunt theſaurū, placere ſtudeāt regi domino agri huius, hoc eſt, deo omnipotenti. Placebunt autem, ſi cunctis mundi delicijs renūciauerint, et ſi neq; Iudeorū more ſolum literæ iacentis ſenſum conſectātur, neq; è cunctis etiam ſcripturæ uerbis allegorias et myſteria perſcrutantur, ita ut tanquā inutilem poſthabentes literæ ueritatem, plantas agri huius radicitus ſubruāt et euellant, cum potius deceat fideliter quæ ſunt ſcripta rimari, et duce ſpiritu lilonibus terram uerſare. Ita nimirum deo placebimus agri huius domino, et ſpiritualem illi paradīſum reddemus excultum.

Pſal. 8

Qui pecuniam diligit, pecunia non explebit, & qui amauit fructus in multitudine ipsius. & hoc etiam uanitas.

Huius sententiæ posterior particula ita cōstruenda est. Et qui amauit fructus, hoc est, quicumq; amauit sibi ipsi, non autem cōmunis utilitatis gratia congerere fructus quasi dicat: Qui laborat auaritiæ morbo, siue pecuniam congerat siue fructus, nunquam expletur plura semper affectans, ut potius pecuniarum dici seruus quàm dominus mereatur.

Multitudine bonorum multiplicati sunt qui comedunt ea. Et quæ uirtus ac fortitudo possidenti bonarū Principatus enim est illi ut uideat oculis suis.

Symmachus interpres posteriorem particulam ita conuertit. Quæ enim uirilitas inest habēti ea bona, nisi ut tantūmodo ea spectet oculis suis? Sensus autē hic est. Inuenias qui summa animi ui, & corporis contentione flagitiū aliquod aggrediatur, ut auarus solet, qui quacūq; potest ratione pecunias cogit, estq; fortitudo hæc strenuitasq; damnanda. Qui uero sic impudenter auari sunt, hoc sibi tanquam bonum summum proponunt, ut inter pocula patinasq; uersentur, & ut spectaculo fruantur quas congeffere pecuniarū. In multitudine ergo bonorū, hoc est, in affluentia pecuniarū quæ illis asidue multiplicatur, gestiunt non secus ac si bonis illis pecunijsq; uescantur. Et quæ illis demum resultat utilitas

ex huiusmodi strenuitate atq; uirtute? Solo nanq; intuitu principatū gerit in pecunijs, auaritia tali correptus. quasi dicat, nullo alio usu dominus est earum præterquā quod appositas contēplatur. Aliter. Quibus legitimo honestatis iure opes atq; diuitiæ augeſcunt, multiplicentur etiam qui illis utantur. Qui enim uere cupiunt probitate ſibi augeri, multis, hoc eſt, pauperibus ſuas opes impertiunt. Vt itaq; à tenacitate nos dehortetur, ad miſericordiam uero conuertat, quid prodeſt, inquit, impudenti auaro ac tenaci ſua turpis huiusmodi uiriliter & fortitudo, quæ oculorum ſolo intuitu pecunijs uti diuitijsq; permittit?

Dulcis eſt ſomnus ſerui, ſiue parum comedat, ſiue multū: pleno autem diuitiarū non eſt qui ſinat eum dormire.

Poſita cōparatione oſtendit felicius euenire homini ſeruili cōditioni ſubiecto, quā ei qui liber cum ſit, auaritiæ tamen eſt ſeruus. Famulus enim ſecuram uitam ducens, quocunq; demum uictu alatur, dulci ſomno reficitur. At qui pecunijs ſeruit, herū habet importunū, qui dormire eum nō ſinit, curā ſcilicet augendi lucri anxietatibus plenam. Myſtice autē: Qui deo famulantur æquo animo ſeruntur, atq; letantur de tēporaria huius ſeculi uita in æternā transferri, quā uitæ præſentis translationem pulchre atq; appoſite uocauit ſomnū. Auaros autem nō ſomnus excipit, ſed horribilis mors, quæ non ſinit eos quieſcere, ſed æterno tradit ſupplicio.

Est infirmitas quam uidi sub sole, diuitias cōseruatas apud dominū in perniciem suam, & pereunt diuitiæ illæ in occupatione mala.

Omnes iniquitatis species, morbi sunt ipsius animæ. Adcò uero grauis est & intensus auaritiæ morbus, ut radix malorū omnium meritò nominetur. Inquit ergo: Vidi asseruatas opes in perniciē possidentis. Aut enim peregre proficiscens, perdit auarus diuitias, cum propter eas nōnunq̃ grassatorū insidias raptorūq; patiatur: aut si cætera euadat incōmoda, uita demū excedēs pecunijs tunc priuatur. Planeq; intelligit se pro incertare atque instabili laborasse, ut quibus omnino cariturus erat pecunias congregaret: hoc enim significat cum dicit, in occupatiōe mala. Quia uero multi sub prætextu heredum filiorū diuitias cumulant, meritò subiungit:

Et genuit filium, & nihil est in manu eius. Sicut egressus de uētre matris suæ nudus reuertē, ut pergat sicut uenit.

Et si auarus sub prætextu filiorū se excuset, tamen hunc monemus, ut nascētis sibi filioli manum inspiciat. Et cum inuenerit illum sine pecunijs de uentre matris in hunc mundum uenisse, rursus inspiciat morientis manum: etenim inueniet eum sicut nudus & inanis pecuniarum uenit è matris utero, ita & pauperem subire sinum telluris ex hac uita commigrantem. Meritò ergo sequitur:

Et nihil

Et nihil accipiet in labore suo ut ueniat in manum ipsius, & hoc infirmitas mala. Sicut enim aduenit, ita & abibit. Quid ergo est illi amplius? laborat enim in uentum, & omnes dies in tenebris, in luctu & tristitia multa, in infirmitate & ira.

Si itaq; neq; auarus ipse, neq; illius filius quem hæredem sibi instituit, neq; hominū prorsus aliquis potest secum moriens quid efferre sensibiliū facultatū, nōne infelicis animæ morbus est auaritia? Quid itaq; laboras in uentū, cum sint diuitiæ prorsus instabiles, & aequalis bullæ cum detumescit, persimiles? Sed & ipsa auaritia in tenebris elanguescit, hoc est, in ignorantia & luctu. Auarus enim neque sui ipsius miserebitur, cum parce ac uix congestis utatur, sed etiā tristi in super iracundia stimulatur, & leui occasione in contentionem surgit & excandescit, anima graui ægritudine occupatus. Vide igitur quot aurum incōmoda circūueniant, post quæ defunctū uita etiā tenebræ inferni suscipient, repulsum à conspectu dei, iusta illius ira seuerissime puniendum.

Ecce, uidi ego bonum, hoc est ut comedat quis & bibat & uideat bonum in omni labore suo quem laborat sub sole, in numero dierum uitæ suæ quos dedit ei deus. Diuitias enim dedit, substantias

74 OLYMP. IN ECCLESIAST.
& potestatem ut comedat ex eis, & accipiat partem suam, & lætetur in labore suo: hoc est donum dei. Non enim recordabitur multis diebus uitæ suæ, eo quod deus occupet illum in lætitia cordis sui.

Auari personam miseriamque superius ostendit Ecclesiastes. Cumque uisus sit in eum grauiter irruisse, nunc uicissim aliam aggreditur curandi rationem, ut non inuehendo perterreat, sed ut blande ac sensim cōtrectando, si fieri possit, liberum metu, suspicionibus, cōciliet. Quia enim auarus sic malis affectionibus occupatur, ut simplicem uirtutis exacte medicinam ferre non possit, multa cum prudentia noster Ecclesiastes quæ iucunda homini cōtingunt in uita, breuiter percurrendo, præceptis suis admiscet: atque ita mox docet non oportere uentri omnia & gulae luxuriosius indulgere, cum breuis hoc in seculo nobis futura sit uita. Hortatur itaque, aliud intendens, auarium, ut dum uiuit suis utatur bonis, ita dissimulatè appositis uoluptatibus, abducere illum studens ab auaritiæ morbo. Inquit ergo: Bonum est tibi auare locuplex comedere, bibere ac lætari, donec ea meditaris quæ sunt sub sole. Sed perfectio decet etiam te id cogitare, quod paucos ac numerabiles dies tibi ad uiuendum dederit deus. Tempus enim uitæ tibi cōcessæ secretum est tibi in sortem, terminisque descriptum. Cum itaque diuitias à deo acceperis, facultatemque illis utendi, cogita non solum ut comedas & bibas, sed ut portionem tuam sortemque accipias.

Vide

Vide autem quàm sit admirabilis Ecclesiastæ nostri doctrina. Postquàm blande permulcendo metum auaro suspicionemq; imminuit, edendi scilicet ac bibendi uoluptate propofita, tunc sensum irrepit docēs, non esse hanc sortem hominis, partemq; propriam ut esculentis scilicet poculentisq; perfruatur. Monet ergo ut partem sibi decentius decretam accipiat, hoc est, hereditatē ac sortem quæ sit illi stabilis ac perpetuò duratura. Ea uero est, dispergere pauperibus opes suas, & de huiusmodi dispensatione solidam lætitiā capere. Hoc enim uere est donum dei, in eleemosynis & charitate pauperum uitam operamq; consumere. Tunc uero ut magis illi persuadeat partem hanc sibi propriā capere, hoc est, bene uti suis diuitijs, ut ita stabiles illi fiant, reuocat illi in memoriā breuitatē uitæ huius cum dicit, quod non multos recordabitur dies uitæ suæ. Huiusmodi autem hominis occupatio in pauperibus subleuandis, & acceptissima est deo, & misericordis cor animamq; lætificat. Et hæc quidē quæ docuimus ab Ecclesiastæ adducta, nunc blande auaros adhortando, nunc contrā seuerius increpando, satis fuerint ad ipsius literæ ordinem sensumq; explicandum. Qui uero diuinius ac sublimius loquentem potest audire Ecclesiasten, cum meminerit ad se pertinere illud euangelij dictum, Qui habet aures audiendi Matth. 13
audiat: idem profecto nouit qui solus sit bonus: unus enim bonus est deus. Idem quoq; nouit, quod qui manducat Matth. 26
carnem filij hominis, & bibit eius sanguinē, futuræ felicitatis partem hic aliquam, fruitionemq; accipit. Bene

igitur operam insumit suam, uirtutesq; exercet dum est sub sole, hoc est, in præsenti uita, secū animo deputans, quod deus numerabiles posuerit dies suos, neque deceat ne unum quidem illorum pati uacuum ac sterilem præterire. Labor enim quem uirtuti homo impendit, proprie dicenda est hominis esse pars, quæ sola nimirū efficiet ut pars nostra sit deus, iuxta illud quod pater Ecce

Psal. 118 siastæ nostri canit in psalmo: Portio mea es domine. Et

1. Cor. 2 profecto hæc sunt illæ diuitiæ, de quibus ait Apostolus: In omnibus diuites facti estis in ipso, in omni cognitione et sapientia. Nam qui hæc bona spiritualia bibit & comedit, et in his lætitiā suam ponit, planè intelligit quod hæc charismata dei sunt, auctq; peruenire ad æternam uitam. Temporariā uero hanc, ut exigui spaciū despicit & contemnit. Accidit enim hoc omnibus qui dei munere circa spiritualia occupantur, & ad ea contēplanda mentem attollunt, ut mundana hæc omnia paruipendant. Si qui uero putant diuitias istas, sensibilesq; fortunas summū esse hominis bonum, hi mihi paucis rogādi sunt: Quid ita sit quod illas deus æque cunctis hominibus non impartiat, cum tamen idem personarū non sit acceptor? Atqui cernitur quæ uerè sunt bona, cunctis æque liberaliter effudisse, hoc est, liberū arbitriū, dispositionemq; ad exercendas obeundasq; uirtutes. Quæ propter licet ad bene officioseq; uiuendum diuitiæ adminiculo esse possint, & uirtutes ipsas quādoq; ut præmia consequantur, non absolute tamen, neq; suapte natura

tura uel bonæ uel malæ dicendæ sunt & habendæ. Sed cum per se mediæ sunt, ac susq; deq; accipiuntur, facile transeunt & immutantur in habitum bene illis malæ utentis.

CAPVT VI



EST & malum quod uidi sub sole, & quidem frequens est apud homines. Vir cui dabit deus diuitias, substantiam & gloriã, & non est quod desit animæ suæ ex omnibus quæ concupiscet, nec tribuet ei potestatem deus ut comedat ex eo: nam uir extraneus uorabit illud. & hoc quoq; uanitas & infirmitas mala.

Literæ huius intellectus rectè fertur in auaros & nimia parcitate astrictos. Quod autē inquit, Nec tribuet ei potestatem deus ut comedat ex eo: simile est illi quod ait Apostolus scribens ad Romanos: Tradidit illos deus Rom. 1. in passionēs ignominie. Non quod deus ipse quenquā hominum cogat auaritiā intemperantiā uē sectari: sed quod ea permittat quæ homines electione liberæ uoluntatis aggrediūtur, dum liberi arbitrij naturam facultatemq; conseruant. Mystico autem sensu ita intelligendum. Sæpe accidit ut aliquis magnas sibi diuitias in dicendi copia, et in scientia scripturarū cōpararit, aliarumq; rerum cognitione: sed quia deinde forditas morū

uerbis suis dissidet, ac doctrinæ, hinc fit ut qui in libros illius traditionesq; incidunt, magnam inde ipsi quidem utilitatē capiant, nihil uero ipse autor emolumenti percipit, eo quod correspondentes uerbis mores non habuerit. De huiusmodi uiris intellexit saluator, cū dixit:

- Matth. 23** Quicquid dixerint uobis facite, secundum uero opera eorum nolite facere. Aliter. Diues olim fuit populus Iudæorum, locupletatus lege, prophetis & sacerdotio: qui tamen ex diuitijs fructum non cepit, morbo graui correptus, impietatis in saluatorem suum commissæ: propterea uenerunt extremi, & bona sua comederunt, populus scilicet è gentibus in ecclesiam cōuocatus, de quo **Ephes. 2** scriptū est: Qui alienati erant à gubernatione Israël, & externi à testamento promissionis.

Si genuerit quispiam centū liberos, & uixerit multos annos, & multitudo magna fuerint dies annorū eius, & anima illius non impleatur bonis substantiæ suæ, & sepultura illi non fuerit, ego dixerim quod melior illo sit abortiuus. In uanitate enim uenit, & pergit ad tenebras, & in tenebris occultabitur nomen eius, non uidit solem neq; cognouit: requies huic super hunc.

Quod ait, si genuerit quispiam centum, per hyperbolen dictū intellige. Vtitur autem hoc loquendi modo scriptura, cum à paruo declinat in immensum aliquod.

Hyperbole

Hyperbole enim est sermo ueritatem excedens, ut aliquid expressius ante oculos ponat, sicut et Apostolus ait: Adhuc per excessum uiam uobis ostendo. Si linguis angelorum loquar, et si habuero omnem scientiam, et cognouero cuncta mysteria, charitatē uero non habeam, nihil mihi prodest. Atqui sine charitate habere illa quae recensuit, non est possibile. Sed quo pacto sit accipienda quod dicit, ipse praeueniens nos edocuit, cum dixit: Per hyperbolē uiam uobis ostendo. Dicit ergo Ecclesiastes: Quamuis tam fecundus in numero filiorum quispiam fuerit, quod est impossibile: si uero etiam ad annosum uixerit senium, flagitiose autem, neque secundum uirtutem duxerit uitam, atque ita perdat, ut defunctus ne sepultura quidem dignus censeatur (quandoquidem et hoc per se ipso contingit) facile dixerim tali homine longe meliorem esse abortiuum. Hic namque homo uere in uanitatē uenit, et in tenebras pergit, in ignorantia uiuens, et nomen ipsius in tenebris occultabitur, cum delendus sit à libro uiuentium, neque dignus habendus sit iustitiae sole. Quare autē abortiuus foetus aut mortui enascantur, aut unum uiuant diem alterum uero, explicare hoc loco non est consiliū, sed potius inscrutabili diuinae prouidentiae relinquendū puto. Mystice autem quae superius dicta sunt intellige. Apostolus quidem et ipse erat Iudas Iscarioth, et doctrinae suae uerbis multos genuit filios: sed quia subinde non impletus est bonis ut perseveraret in finem, sed conuersus est ad iniquitatem.

1. Cor. 13

repletusq; est potius spiritu satanæ: sepultura etiam caruit, hoc est, non immortalis fuit Saluatoris sepulture.

Qui enim Christo cōsepulti sunt in baptismo, munusq; dei custodiunt in uirtute uiuentes, hi profecto & cum Christo resurgunt. Talis itaque magister ac doctor qui multos quidē genuerit sua doctrina discipulos (hoc enī significat centenarius ille numerus) multūq; ætatis edocendo cōtriuerit, tali autem quam modo diximus sepultura dignus non habeatur, eo quod mortuus peccato et sepultus nō fuerit, pergit dubio procul ad tenebras, neq; uidebit iustitiæ solem. Paulus uero apostolus qui de se-

1. Cor. 15

ipso dicit: Nouissime autem omniū tanquam abortiuo uisus est & mihi: sepultura dignus est habitus, qui & bonum certamen certauit, cupiens dissolui, & esse cum Christo. De illo autē qui male uixit, & Hieremias scri-

Hier. 22

bit: Sepultura asini sepelietur, hoc est, non habebitur dignus quiete hominū rationalium, cum passionēs carnis consecratus instar pecorum uitam finierit.

Et si mille annorum uixerit cursum, bona non cognouit. Nōne ad locum unum omnia pergunt?

Etiam si ad copiam filiorū, congestasq; diuitias hoc cuiquam dei munere accedat, ut mille annorū spatio sit in uita, non tendat autem ad uerum bonum, hoc est, ut secundum uirtutem laudabiliter uiuat, quid sibi deniq; omnia illa prodeunt? Etenim in eundem pariter pergit locum, in quem abortiui pergunt, & qui acerba morte intercepti

intercepti rapiuntur è uita . Terra est enim hic quoq;
 & in terram ibit.

**Omnis labor hominis in ore ipsius,
 sed anima eius non implebitur.**

Quia superius de esculentis ac poculentis mentio-
 nem fecit, ne quis fortè suspicari possit ipsum uentris &
 gulæ illecebras attulisse, apte nūc inquit : Et si homines
 ad indulgentiā uentris plurimos labores insumunt, nihil
 tamen corū quæ gulæ gratificantur, ipsius animæ parit
 saturitatem : sed inanis penitus ac ieiuna persistit, cum
 sibi conueniens alimentū, uerbi scilicet ac uirtutum, ex
 inertia hominū non accipiat. Aliter. Nequitia, im-
 perfectū quid esse censetur . Anima ergo quæ huic an-
 nexa perdurat, semper aliquid profert flagitiosi, contu-
 melias scilicet, iurgia, blasphemias, dolosa uerba . Neq;
 propterea tamen expletur, eo quod nequitia, sicut di-
 xi, imperfecta, incompletaq; sit.

**Quid enim est amplius sapiēti quā
 stulto? Quoniam nouit pauper ambu-
 lare in conspectu uitæ.**

Quid habet, inquit, amplius sapiens ab ipso stulto?
 quasi responderi deceat, Multum sanè habet, atq; omni-
 bus modis. Stultus enim sese uoluptatibus more pecudū
 mancipauit, sapiens uero pauper spiritu, iuxta euāgelij
 dictū, ambulat coram uita, hoc est, per uirtutū semina-
 tas pergit, donec demum perueniat ad ultimū appeti-
 bile . Dissolui enim cupit & esse cum Christo, qui pro-

facto est uita aeterna. Aliter. Populus stultus & insipiens Iudaeorum, in ligno uitam suspendit. Gentilis uero populus olim pauper & uacuuus gratiarum dei, ad crucifixum accurrit: ita profectus in conspectum uitae salutaris, in dominum Iesum Christum, fide locupletatus est.

Melius est prospicere oculis, quam ambulare iuxta uoluntatem animae suae. Sed & hoc uanitas est, & electio spiritus.

1. Cor. 2 Inquit Apostolus: Animalis homo non percipit ea quae sunt spiritus. Est uero animalis homo, qui traditus appetitui sensitiuo semitas rationis egreditur. Et in euangelio scriptum est: Si oculus tuus lucidus fuerit, totum quoque corpus tuum lucidum erit: hoc est, si rationalis animae uis, ipse scilicet intellectus, luce fuerit illustrata, appetitus sensitiui licentiā in ordinem suum rediget. Longe itaque melius est perspicaces habere oculos animae ac rationis, luce sancti spiritus illustratos, quam pergere iuxta uoluntatem animae, hoc est, animalis hominis ritu, qui in tenebris ambulat. Neque enim aliud iste homo censendus est quam uanitas & electio spiritus, cum certa electione consilij animalis homo affectus sit, ad uanitatesque commigrarit. Sed ex euangelij uerbis, quae nos ad huius loci comparationem attulimus, suboriri dubitatio potest, cum illic unius oculi tantum, hic uero duorum mentio facta sit. Dicimus autem, ibi quidem intellectum unius oculi appellatione signatum esse, hic uero spirituales operationes intellectus, practicam scilicet ac speculam
- latinam

latiuam, oculorū dualitate mōstrari, quibus qui pie of-
ficio seq; utatur, perspicacem sanè habebit oculorū in-
tuitum. Est præterea & illud scitu dignissimū, morem
hunc esse diuinæ scripturæ, ut pro una tantum poten-
tia, totam animam nobis quandoq; proponat: ut à con-
cupiscibili, cum dicit: Et comedet uuas donec impleat
animā, hoc est appetitū. Ab irascibili autem, cum dicit:
Anima benedicta tota est simplex, homo autem iracun-
dus caret pudore. Pro parte nanq; irascibili ipsum to-
tum, hoc est, animā protulit. Cum uero inquit, animas 1. Pet. 3
nostras sanctificari ad obedientiā ueritatis: quia ratio-
nalis tantū potentia sanctificationis est capax, ad hanc
unam uim sensum intendens, totum ipsum, hoc est, ani-
mam nominauit. Quandoq; uero totum cum partibus
suis animæ appellatiōe uult intelligi, ut cū dicit: Omnis Rom. 12
anima potestatibus superioribus subdita sit. Hoc etiam
loco ad rationalem aspiciens potentiā, quam dualitate
oculorum expressit, longè melius esse ait homini spiri-
tuali quàm animali.

Siquid fuit, iam uocatum est nomen
eius, & est cognitū quod est homo, &
non poterit iudicari cum eo, qui sit for-
tis super eum: quoniam multa sunt uer-
ba augmentia uanitatem.

Multi sunt, inquit, sermones uanitatem multiplican-
tes, qui impudenter effruntur contra prouidentiā dei.
Sunt nanq; permulti qui inconsultius querant, Quare

hunc deus paupertate oppressit hominē, huic uero contrā magnas opes diffudit? Cur hunc uenustū esse uoluit, hunc deformem? & quæ sunt huiusmodi curiosæ migrationes. Quas ut è medio tollat noster Ecclesiastes, ait omniū rerū quæ factæ sunt rationes, cur ita factæ sint, repositas esse apud autorem decum, qui tantæ est sapientie, ut non solum eas sciret esse futuras antequā fierent, sed earū quoq; nomina recondita haberet in præscientie suæ consilijs. Si quid enim deus in generationē produxit, huius & rationem & nomen cōprehensum habuit apud seipsum. Cum itaq; multò ante præsciret quæ cuiq; homini utilia essent futura, ita deniq; unūquēq; produxit in uitam: cum inquam præsciret omnes hominis conditiones, quod mutabilis, quod mortalis, quod imbecillis erat futurus. Nullus itaq; hominū ausit effrære uerba contra illum, qui nouit omnia antequā fiant, & cōuenienti loco singula statuit iuxta sibi uni cognitæ rationes. Non enim poterit quisquam iudicari, hoc est, contendere in iudicio cum fortissimo omnium: uincet enim proculdubio fortis, iuxta quod David canit in psalmo: Vt iustificeris in sermonibus tuis, & uincas cum iudicaris.

CAPVT VII



VID est amplius hominī? Quoniam quis nouit quid sit hominī bonum? quid futurū est sibi? Et in umbra ea fecit.

Quis.

Quis enim homini nuntiabit quid post eum futurum sub sole sit?

Non officiosam hominis uitā, sed uanam stultamq; carpit, cum dicit: Quid habet amplius homo qui circa uana & peritura occupatur? Dices ne hunc habere uenustam coniugem? Verum cui satis constat ob eandem ipsam coniugē doliturus nec ne sit? uel in adulterio deprehensam, aut alias afferentem doloris causas? An pecunias habere hunc dices? Atqui pecuniæ Iudam ad laqueum cōpulerunt. An uero potius uincam? Quasi non propter uincam sit Naboth insidias mortemq; perpessus. Quis enim homini nuntiabit, quid illi sit euenturū donec est in hac uita? Præsens uero hæc autoritas nostri Ecclesiastæ, omnem funditus euerit diuinandi superstitionem, uanasq; astrologorū nugas de hominum genituris. Nullus enim mortaliū certam futurorū scientiam consequi potest. Vt uero etiā concedamus homini cuncta ad uotum in hac uita cessura esse, illo tamen calculo hūc urgebimus, qui eum male urat et torqueat, numerabiles scilicet positos esse suæ uitæ dies, qui uelut umbra transcurrunt. Ex quo planè comprobatur, uiuendum esse nobis secundū uirtutem, mentis oculos erigentibus ad futuram uitam, mortis & umbrarum immunem, de qua nobis abunde per prophetas, apostolos, & redemptorem mundi est traditum. Quæ enim uentura nobis in hoc mundo sint, penitus ignoramus. Quæ uero nobis reposita sint in futuro seculo, fide iam scimus, quod

tormenta uidelicet peccatores, æterna uero gloria iustos accipiet.

Melius nomen bonū, oleo bono: & dies mortis super diem natiuitatis eius.

Symmachus pro eo quod legimus, super oleum bonum, trāstulit, super unguentū bene olens. In unguento autem omnes hominū delicias significauit. Melius itaq; est, inquit, ex officiosis actionibus laudabilis famæ fructum percipere, & exultare ob nomen suum scriptum in cælis, propter uiuam bonorū operum fidem, quā frui omnibus humanis delicijs. Bonam etiā decernit esse transitus uitæ huius diem, super diem natiuitatis. Natalitius enim dies in turbulentū uitæ huius pelagus nos inducit, ubi draco latibulum suum posuit: transitus uero dies, è stadio nos educit. Et si quidē peccator fuerit qui decessit, peccare ultra iam desinit: qui uero fuerit iustus, uita perfruetur æterna. Mystice autem, melius est habere nomen bonum, hoc est, habere Christum in portione ac sorte propter fidei christianæ sacramentū, & uocari eius cognomine christianū, quā sine illius fide, in eleemosynas facultates suas profundere. Multi namq; gentilium quia hoc carent nomine, sine ulla utilitate ac fructu animæ suæ fortunas suas erogāt indigentibus. Si tamen hoc fecerint affectu misericordiæ moti, ipsi quoq; in cognomen hoc sanctum aliquo pacto peruenient: sicut & Cornelius ipse uenit Centurio. Bonum est etiā interitus dies, quia peccato mortui, Christo consepelimur

sepelimur, super diem uulgaris huius ac mundane natiuitatis, qua nos Adam pater primus in uitā progeniuit

Melius est ire ad domū luctus quā ad domū conuiuij, propterea quod hic futurus est finis omnium hominum.

Luxurię maculas & desidie, quas anima cōtrahit ē conuiuijs, etiam sanctus ille Iob cum secum tacite reputaret, sacrificia pro expiandis filiis offerebat: quamquam illi non malo consilio, sed tuendę concordie gratia conuiuia inter se quasi cognatorū charistia celebrarent. Funebris uero luctus longe utilior est conuiuio. In eo nanq; cōmuncem fragilitatis humane conditionē reputantes, & orbatis compatimur, & errores proprios emendamus, ac in melius resipiscimus. Hoc enim significat quod statim subsequitur:

Et uiuēs affert bonū in mentē suam.
Super risum, bona est ira. In tristitia enī uultus, cor & animus emendabitur.

Irasci sine peccato, bonum laudabileq; censetur: ut cum quis uel contra demones, uel contra carnis passionē insurgit & excandescat: & huiusmodi iram, hoc loco bonam appellat. Quę autem non odio peccati, sed appetitu uindictę illatas ulciscitur iniurias, hæc damanda est ira. Melius itaq; est hoc pacto irasci, quā risu lento dissolui. Grauis enim uultus nec resolutus, correctionis est index, & ad solidum uirtutis gaudiū animam parat. Aliter. Irasci quodammodo dici potest,

qui seuera delinquentes corripit obiurgatione. Melius est ergo uel præceptori uel domino subditos oratione graui coërcere, quàm per risum atq; blanditias pati illorum mentes languescere. In uultus enim austeritate, quam hoc loco tristitiam nominat, et sibi melius con-
sulet, et subditos in uiam probitatis conuertet.

Cor sapientiũ in domo luctus, & cor stultorũ in domo lætitiæ.

Vir sapiens est funebri luctu secũ animo deputans, sese natum de corruptibili carne, breui ex hac uita migraturum: mortales cæteros, qui eadem sunt nati conditione affectu pio prosequitur. Contemnit autem quæcunq; suis oculis obuersantur, ut casui mortiq; subiecta. Stultus autem cum mentis hebetudine, solida putet esse quæ sunt in mundo, neq; illorũ mutationem intelligat, proptereaq; futuri exitus sit securus, delicijs effluit, uoluptatibusq; indulget. Animaduerte autem quod initio te admonui, ac sæpe obiter repetiui, Ecclesiasten nostrum non ingenue quidem ex sententia sua loquẽtem, sed ex persona uoluptarij, quam nonnunq; ut sibi commodum est assumit, ita de patinis, poculisq; differere, ut uideri possit ijs, qui non intelligunt obliquum sermonis ductum, uelut Epicureus quidam, bonum hominis uoluptate metiri. Sed animi sui consilium compluribus in locis planè ostendit, tum proxime à nobis loco expósito, ubi sapientis ait mentem uersari in domo luctus, stulti uero in domo lætitiæ.

Melius

Melius est audire correctionem sapientis, super uirum audientē carmen stultorum.

Hoc nanq; effœminat animum, sapientis uero correctione colligit & confirmat.

Quia sicut uox spinarū sub olla, ita risus stultorum.

Ebulliens, inquit, risus & cachinnatio spinis uidetur esse persimilis, quæ sub ollæ fundo strepitantes conflagrant. Primo quidem, quia sicut ille fragor ardentium spinarum planè percipitur auditu, quanquā oculis non cernatur, ita & immodestus cachinni sonus stultos facile prodit. Tum uero, inde à spinarū globo fumus attollitur, hic quoq; caligo quædam mētis ex huiusmodi risu cognoscitur. Ibi ollam spinæ succendūt, hic animā stulti risus peccati sorde nō carens, igni parat æterno. Sapiens enim uix tenui ac modesto risu uultū resoluit.

Sed & hoc uanitas, quia calūnia uexat sapientē, & perdit cor uigoris eius.

Aliam uanitatis speciem nobis ante oculos ponit. Quem uero hic sapientem uocat? Si profectō accipiens dum putes, qui cum ceciderit non collidetur in tentationibus, tunc ita intellige. Insipientes corde, qui non sunt dei gratia confirmati, non solū in seipsis, sed in dei prouidentia scandalum patiuntur, ita ut calumnijs ac blasphemijs abstinere nō possint, quod uel deum intueri humana non putent, uel contemptu quodam humanarū

90 OLYMP. IN ECCLESIAST.

rerum, pati omnia temerè immutari, cum sæpe uideant
 impios lætis exultare successibus, contrà autem iustos
 grauius premi. Ad hoc pertinet illud, quod in psalmis
 Psal. 72 cecinit Dauid: Penè effusi sunt gressus mei, quia zelau
 super iniquos pacem peccatorū uidens. Sentis ne quo
 modo animæ uires labefactus sit, et nescio quid ineptire
 uideatur? Sed quia perfectus erat sapiens ac spiritu san
 cto plenus, statim subdidit nouissima, ad quæ peccato
 res demum perueniant: Facti sunt in desolationem, su
 bitò descenderunt, perierunt propter iniquitatem suam.
 Si uero sapientem pro eo accipias, qui nuper sacra sit
 imbutus doctrina, planè scito quod neophyti huius hæ
 reticorum contagia & calumniæ & diabolicæ tenta
 tiones, & quæ modo retuli iustis impijsq; contingere,
 facile poterūt animæ uigores infringere. Quod nisi ma
 ture ad se rediens conualescat, huic quoq; uanitatis sar
 cina insidebit.

Melior est finis orationis quàm prin
 cipium.

Orationis, in qua agitur de uirtute, melior est finis
 principio: neq; enim solum cœpisse pulchrum est, sed
 multo magis rei cœptæ finem imposuisse.

Melior est longanimis, eo qui spiri
 tu est elatus.

Superius est à nobis dictum, quæ contraria sint, in
 comparationē proprie dictam uenire non posse. Non
 itaq; cōparatiue ad amussim accipienda sunt quæ nunc
 tradit

tradit Ecclesiastes, sed discretis rationibus ita ut se habent reputanda. Inquit ergo sapiētem ac longanimem bonum esse: illi autem, qui per superbiam spiritus leuiter effertur, deum resistere.

Ne sis uelox in spiritu tuo irasci, quoniam ira in sinu stultorum requiescet.

Ne sis uelox, id est, caueto ne malum iracundiae concipias habitum, ita ut transeat in affectum cordis: sed si oporteat fortasse ex enata occasione nonnihil irasci, caue inquam ne in passionem ac peccatum temere cadas. Ira enim quae culpabilis est, habitat & quiescit in stultorum mente ac capite, quod hoc loco sinum uocauit, tanquam irae sit receptaculum quoddam, sedesque.

Aliter quoque: In sinu accipies, quasi dicat, ne stultorum more ac ratione carentium hominum iram in sinu confoue, neue illi blandiendo indulge atque adulare, quod profecto efficiunt, qui procliuiiores sunt ad ulciscendum.

Ne dicas, quidnam factum est quod priores dies fuerunt praesentibus meliores? Non enim sapienter de hac ipsa re interrogasti.

Quotidie sic stulti homines loqui solent. Dicunt enim, Patrum nostrorum temporibus illis priscis, loqui deus hominibus modo per angelos, modo per prophetas solebat: licebat antiquis patribus uxores multas accipere, multas diuitias possidere, quae tamen nobis euan-

gelica lex coërcuit. Sunt præterea qui dicant, olim me deus auxilio suæ gratiæ protegebat, nunc uero me pernitus solum dereliquit, ideoq; bona operari nō possum. Hec autem omnia sunt insipientiū uerba. Est & alios ita blasterantes audire: Tempestate nostra mundus hic malis hominibus est refertus: alij sunt boni dies, alij uero mali. Cæterū qui duce uirtute suam moderatur uitā, de uita in uitā transit, ac de fide in fidem proficit operibus bonis, neq; apud illum est aliqua dierum differentia: sed congruis rationibus nouit euertere, quas paulo ante adduximus, stultorū hominū quæstiones.

Bona est sapiētia cum hæreditate, & amplius est uidentibus solem: quoniā sapientia est in umbra ipsius, sicut umbra argenti. Multa quoq; cognitio sapientiæ uiuificabit habentem se.

Ille cui per dona spiritus datur sermo sapientiæ, habet proculdubio sapientiā cum hæreditate ac portione sancti scilicet spiritus. Hic etiam copiam magnā habet cognitionis in uidendo sole hoc, quem lumine magnū uocamus. Neq; enim pulchritudine attonitus illū cultu latriæ ueneratur ut deum, neq; in sola illius admiratione spectaculoq; consistit: sed ab hac solari luce, proportionem quadam ducitur ad autorem solis contemplandū, atq; diuina superiori luce perfunditur. Præstat enim sapientia, quæcunq; argentū præstat, siue pecunia: eripit à periculis, extruit ciuitates, protegit habentem. acci-
pitur

pitur enim umbra hoc loco pro ipsa protectione. Habet autem adhuc amplius sapientia, uiuificantē scilicet cognitionē suae scientiam, dum persuadet uisibilia cuncta contemnere, solam uero suspicere uitam aeternam.

Aliter. Sapientia, inquit, cum hereditate ac sorte, hoc est, fides cum operibus, amplius aliquid praestat habentibus se, quā alijs qui mortuā sine operibus fidem habeant. Quid autem amplius praestat? Nempe solem ipsum: ad solem namq; iustitiae contuendum perueniūt, qui uiua sunt praediti fide. Argentum uero in scripturis mystico sensu pro eloquio ipso accipitur. Sicut igitur enarratiuus et dilucidus sermo docet nos sapientiae disciplinas, sic et umbra sapientiae, hoc est, practica uirtus, quae introductio quaedam est ac ueluti umbra, perducit nos ad perfectam sapientiam diuinarū scilicet rerū contemplationem et intellectum. Huiusmodi uero sapientiae possessio, uitam nobis confert sempiternā. Per umbram itaq; argenti, hoc est, uerborū enunciationem quae rerū quasi umbra quæpiam est, ad res ipsas et scientias peruenimus. Per sapientiae uero umbram, hoc est, practica uitam, quae est ueluti praevia introductio ad theoricam, peruenimus ad contemplandā diuinarū rerum sublimitatē. Ita uero literam compones. Sapientia est in umbra ipsius, id est, sublimis contemplatio mysteriorum, est in practica uita ipsius possidentis: ac per hoc qui prius hanc habuerit umbram, habebit et mox sapientiam: sicut umbra argenti scilicet se habet ad sa-

pientie disciplinas, hoc est, sicut uerba sunt prauia & inducunt ad sapientie disciplinas.

Vide opera dei, quoniā quis poterit adornare quem deus peruerterit in die prosperitatis eius?

Fuere permulti, qui uidentes enormitates rerū magnas contingere in uita mortaliū, dum nolunt autorem malorum & iniustitie deum asserere, egregie se putarent illius partes tueri posse, si in aliud blasphemie genus ac stultitie laberentur. Dicebant enim heque à deo mundum creatum esse, neq; ulla dei prouidentia gubernari. Si enim curā gereret deus humanarū rerum, cur, inquiunt, nō omnes æque diuites statuisset? Cur'ue non omnibus uegetam tribuisset ac prosperam corporis sanitatem? Hanc ut radicitus tollat opinionē noster Ecclesiastes, manifeste asserit esse deum mundi autorem, nec posse quenquā corrigere quæ sint prauæ obliquata, illo excepto: ut claudos, puta, reuocare in sanitatē, & quæ sunt generis eiusdem. Quod si uelis planè cognoscere omnia nobis ad utilitatē nostrā deum dispensare, adijce animū ad ea quæ protinus insequuntur, uidelicet:

Viue in bono, & intueri in die malī. Intueri (inquam) hoc enim congruū. Huic fecit deus de dissertatione, ut non inueniat homo post eum quicquam.

Viue, inquit, secundū uirtutem: hoc est enim, uiue in bono:

in bono: & observa cū tibi tentationes infortuniaq; acciderint, ut uideas congrue ac opportune nec ne cuncta fecerit deus. Hanc uero humanorum casuum rationem pulchre nobis deus occuluit, quam & dissertationis nomine significauit Ecclesiastes, quod de huiusmodi rerū causis soleant homines inter se multiplices dissertationes afferre. Pulchre, inquam, deus illam nobis occuluit, ne cognoscat homo quæ sibi sunt euentura. Congruue uero deus atq; apposite quod uidetur nobis malum adducit, post id, quod uisum est nobis bonū. Contraq; nōa nunquam bona malis superinducit, ut, exempli gratia, bene quis ualeat, & hoc fruitur bono uiuens secundum uirtutem, pauloq; mox in aduersam incidit ualeitudinē, uel de opulento pauper efficitur. Et quid ita nobis hæc euentura non præuidemus? cūrue horum euentuū causas ignoramus? Nempe ad maiorem nostram cōmoditatem. Si enim quæ uentura nobis essent homines præsciremus, nullus dei nobis inesset metus, nulla religio. Hac autē perutili rerum ignoratione conclusi, cum ad singula pendamus, & deum pio colimus metu, & cognoscimus ab eo, & quidem solo, nobis malorū omniū finem futurū. Nullus quippe potest, illo excepto, quod peruersum est in hominibus emendare. Consonum est itaq; quod esse uidetur dissonū: & æquale est quod inæquale uidetur. Vnde omnes eodem pacto communiq; futurorum ignoratione commouentur ad timorem dei. Protinus uero subsequitur:

Omnia uidi in diebus uanitatis meæ.

Hæc, inquit, ut sapiens consideraui in diebus uanitatatis. Vocat autē uanitatis dies præsentē uitam: primo quidem, quia uiuentes homines pleriq; quod fas piumq; est, minus sequuntur: tum uero etiam, quia fugit uelut umbra, neq; consistit. Eapropter futuræ uitæ desiderio nos extimulans, inquit:

Noli esse iustus multū, neq; nimium sapias, ne obstupeas: noli esse multū impius, neque sis durus, ne moriaris in tempore non tuo.

Cum uirtus ipsa in mediocri quadam norma consistat, uitia utrinq; assident per exuberantiā & defectū. Inquit ergo, Ne sis multū iustus, hoc est, ne exuberanti odio uitiorū, omnem abijcias erga delinquentes beneuolentiam, tanquam rigidus & inhumanus: sed neq; sis nimīū sapiēs, aut plura quā sit opus quærito, ne quando obstupeas. Nimia sunt ac plura necessarijs, quæcunq; sunt extra limites sacræ doctrinæ. Inquit ergo: Quæcunq; nostram ad utilitatem diuinus sermo nobis uoluit esse occulta, ne solliciti simus ea inquirendo. Hæc enim per scrutari, stupor est quidā ac phreneticæ mentis uitium. Sed neq; circa dogmata opinionesq; sectariū multum cōmorando sis impius ac superstitiosus: studeat autem quærere quod uerum est, curatoq; ut salubri pœnitentia tua deleantur peccata. Noliq; esse durus, hoc est, qui emolliri nesciat, quiq; aduersetur spiritus sancti

sancti doctrine. Subinde autem generali quadam comprobatione concludit: Ne moriaris tempore non tuo. Importuno tempore ac non suo decessit è uita, qui consummatus non fuerit in uirtutibus, sed qui in peccatis moritur quibus conuixit. Qui uero est uirtutū plenitudinem consequutus, sicut granum frumenti quod maturum est, cadit in tempore suo.

Bonum est te hoc tibi asciscere, hoc autem ne pollueris manū tuam: quoniam quideum timeat egredietur omnia.

Cum proxime de uitio præceperit ac uirtute, nunc apposite subinfert, quod bonum est hoc sibi, id est, uirtutem cōparare: bonum quoque suas actiones, quas hoc loco manus uocauit, impollutas uitij contagione seruare. Tum uero et de timore domini sancto, qui nos sanctificat, facit mentionem cum dicit: Deum timens omnia egredietur. Cum enim suas orationis actiones ex uirtute moderetur, et profectibus assiduis augeatur, euadet illesus omnia tentationum certamina.

Sapientia auxiliabitur sapiēti, super decem qui potestatem habent in ciuitate. Non est homo iustus in terra, qui faciat bonum, & qui non peccet.

Dominus noster Iesus Christus, qui est ipsa sapientia, ei qui in se crediderit, iam per fidei lumen sapienti effecto, auxiliatur multo ualidius quam decem præcepta legis, quæ in ciuitate Iudæorū potentiam et aucto-

ritatem magnam habent. Vt enim quis decem seruaret præcepta legis, non tamen erat quin ex mortali fragilitate in peccatum aliquod laberetur. Ipsa præterea lex nullum iustificabat: noster uero dominus Iesus Christus sapiëntia nobis fuit, iustitia, sanctificatio, & redemptio.

Aliter. Ipse homo paruus est mundus, sed hoc loco ciuitas nominatur, quinque sensus habens in corpore, quinque in anima. Si itaque putet homo, posse sibi ipsi satis auxiliari per decem sensuum, qui sibi sunt insiti, facultatem, nisi reipublicæ suæ curam gesserit dei sapientia Christus noster, frustra se sciat omnem operam desumpturum: homo enim cum sit ex peccati carne progenitus, non peccare non poterit.

Cunctis sermonibus quos impij loquentur ne adhibeas cor tuum, ne etiam tu audias seruum tuum imprecantem tibi. Sæpe enim tibi iniquus erit, & descensibus quamplurimis affliget cor tuum, sicut & tu alijs imprecatus es.

Hoc loco nos admonet Ecclesiastes iniuriarum penitus obliuisci, nomine impiorum conuiciatores & iniurios peccatoresque; demum omnes significans. Tum generali quadam cõprobatione concludens, non oportere, inquit, autem accommodari cõtumelijs ac maledictis, ne si tuus quidẽ seruus tibi mali quid imprecetur, ita ut plerumque serui faciunt, ira succenses: credibile est enim uehementer illũ tibi ac sæpe insidiari. Hoc enim significat quod dicit,

icit, Et descensibus quamplurimis affliget cor tuum. Aut aliter ita intellige. Conuicium persæpe cum auditur, animã turbat. Si igitur quispiam in quemlibet sibi cõuiciantem ira succendatur, in multos cadit labiturq; descensus, à sublimi sede rationis detractus in iracundiæ passionē, atq; ita tristi turbulentia implet cor suum. Cogita autē quod & tu frequenter alijs conuiciatus fueris & imprecatus, atq; ideo in melius resipiscens, inducere maledictorū omnium & iniuriarū obliuionem.

Hæc omnia tentavi in sapiētia. Dixi sapiens efficiar, & ipsa procul elongata est à me multo magis quàm erat. Et alta profunditas, quis inueniet eam?

Cum spiritaliū rerum & sensibilibium cognitionem attigisset Ecclesiastes, & ex parte aliqua sapientiæ magna mysteria prospexisset, contemplatus illius patentissimū pelagus, quod quanto ulterius quis processerit, tanto illi maiora spacia relinquuntur, in eiusmodi uoces erupit. Quod & multo pòst uidemus apostolo Paulo contigisse, cum ex admiratione proclamat: O altitudo diuitiarū scientiæ & sapientiæ dei, quàm inscrutabilia sunt iudicia eius, & inuestigabiles uie eius. Rom. 11

Circuiui ego & cor meum, ut cognoscerem & considerarē & quærerem sapientiam, & rationem ut cognoscerem impietatem stulti, & turbulentiam, &

errorem: & inuenio amariorem morte ipsam mulierem, quæ laqueus est uenatorius, & sagma cor ipsius. Bonum est uinculū ad manus ipsius. Qui est in conspectu dei, educetur ab ea, qui autē peccator est, cōprehendetur in ipsa.

Vir sapiens cum ad intelligendum aliquid uires intendit, collecta mente omnia in circuitu rationibus lustrat, sese ipsum suasq; facultates speculatur atq; perpendit. Tum & obiectam rem, materiamq; intelligendam optime consulit, neq; prauo animi iudicio à ueritate aberrat. Neq; item recta linea fertur ad sensibilia prospectanda: sed clausis sensuum fenestris, ac recedens in suæ mentis penetralia deambulat in circuitu: ibi arcano reflexu in se rediens intellectus, sese speculatur ipsum, & quod intelligendū obijcitur. Hoc itaq; pacto colligens me ipsum, inquit Ecclesiastes, quæ siui scire quænam esset mundanarū rerum sapientia, & eiusdem ratio: siue illam intelligat rationem quæ positis calculis numerisq; subducitur, ut in arithmetica sit facultate: siue potius numeros genethliacis obseruationibus seruiantes: aut simpliciter rationes omnes, quæ per numeros colliguntur à studiosis secularibus, gentilibusq; philosophis. Quæ siui ergo scire quænam hæc sit multorū sophistarū stultitia & turbatio, & inconstans error, mentisq; circūductio, & inueni demum hanc ipsorū sapientiam per se millem esse adulteræ mulieri. Sicut enim illa blandis sermonibus

monibus ac dolosis iuuenes lactat, ita & hæc stultos uenatur irretitos syllogismorum laqueis & sagenis. Ac sicut illa molli cōtrectatione animam frangit, fractamq; deuincit, ita hæc mala eadem adducit titillanti orationis concentu. Peccator itaq; sine ulla controuersia atq; præsidio facile in illius captiuitatem protrahitur: pius uero ac fidelis auxilio dei suffultus, ab illius extrahitur laqueis. Afferit autē uel morte peiorem esse huiusmodi sapientiam, siue potius stultitiam dici oporteat: tantoq; nostræ animæ damnosiorē esse, quanto peius est morti animā tradere (quod hæc præstat sapientia) quàm eandem animā nexu corporis expedire, quod temporariæ mortis est munus.

Ecce hoc inueni, dixit Ecclesiastes. Singillatim inspexi ut inuenirem rationem, quam querebat & expectabat inuenire anima mea, neq; tamen inueni. Virum de mille unum inueni, & mulierem in his omnibus non inueni. Verū tamen hoc inueni, quod fecerit deus hominem prorsus rectum, ipsi uero sibi homines quæstiones multiplices, rationesq; compararint.

Totus hic locus sensu mystico ac morali exponendus est, ita uidelicet. Cum inspicerem, inquit, uniuersum genus muliebre, non sexu quidem corporeo, sed enervi ac effœminato ingenio muliebre, in nulla mulie-

rum rationem inueni, quam querebat anima mea, for-
tem scilicet uirilemq; rationē: huiusmodi nanq; ratio-
nem sapiens exigit ac requirit. Neque uero solum hoc
mihi accidit in ijs qui mollitie enervati, à uiris ad fœ-
minas descuerunt: sed quod grauius multo est, cum ad
illos quoq; inspiciēdos me transiuissem, qui putabātur
mulieres non esse, perquam raram in his quoq; inueni,
qui uirili ingenio ac uirtute uerus esset uir, diciq; mere-
retur. Ex admiratione itaq; cum mecum tacitus repu-
tare cœpiissem, unde nam hæc enormitas orta esset, in-
ueni demū quod deus omnes homines rectos protulerit,
carentesq; prauitate, ipsi uero sua electione, in obliquas
uiuendi rationes commigrarint, dissectiq; sint: ut alius
quidē libidinibus, alius auaritiæ seruiat, alij passionibus
alijs sint subiecti.

CAPVT VIII



QUIS nouit sapientes? & quis
nouit uerbi solutionem? Sa-
pientia hominis illuminabit
faciem eius, & impudēs uul-
tu suo punietur.

Qui uere sapiens ipse non fuerit, neq; discretionis
donum fuerit dei beneficio consequutus, non facile sa-
pientem uerum discernet ab eo qui uideatur sapiens &
non sit. Ille autē quem deus discretionis dono dignatus
sit, nescit planē quid inter uerum sapientem, existima-
tumq;

tumq; intersit: hic etiam potest soluere quæstiones, ac sermonū uertices explicare: hic profecto habet animæ suæ faciem luce magna conspicuā, iubare scilicet diuinæ sapientiæ illustratam. Qui uero nequaquā sapiens fuerit, effreno tamen uultu impudentiā præ se tulerit, hoc est, qui contentiosus sermonibus captiunculisq; sophisticis sese effērat, redargutus impudētiæ poenas dabit, odioq; habebitur.

Os regis custodi, & de uerbo iuramenti dei ne studeas à facie eius ambulare.

Bonum quidem censetur homini, ut terreno regi ac mortali pareat subiectusq; sit. Bonum uero eidem est, si os regis omnium dei seruarit & custodierit, sicut & scripturæ nobis custodire præcipiunt. Est autē os regis dei custodire, diuina mysteria silentio occultare, neq; indignis ac prophanis auditoribus explicare. Bonū quoq; est homini præcepta legis, quæ suo deus ore pronunciauit, fideliter obseruare. Bonum item est cauere ne iurando per deum, sacrosanctū illius nomen temerè ac leuiter usurpemus: nèue etiam studeamus extra faciem dei ambulare, sed omnia nostra opera sic peragamus, ut deum uere amur tanquā præsentem iudicem & inspectorem. Aliter quoq; ita uerba hæc punctis distinguas, uidelicet: Et de uerbo iuramenti dei nequaquā studueris & festinaueris, hoc est, iuramenta ne frequenter ac temerè usurpato, sed à facie ipsius scilicet iuramenti ambulato,

*hoc est, absiste longius ac discede, neq; omnino sustine,
ut iuramentum in os tuum admittas.*

**Nec cōsistas in sermone malo, quia
omne quod uoluerit faciet. Tanquam
rex potestatē habens loquitur, & quis
nam illi dicet, quid fecisti?**

Simpliciter ac absolute bonum est, nullo mali genere animam occupare, neq; consistere in ijs, quæ quouis modo male loquuti sumus aut opinati: quia tamen subsequētia uerba de præceptis, ut uidere mox poteris, mentionem faciunt, ita intelliges quæ modo exponenda proposui, uidelicet, cum ille præceptorū legem tulerit, qui est omnium rex et dominus, auctoritatem habens, neq; propterea liceat cuiquam intercedere ac reluctari. Ne quæso ut peruicax contrariam tu legem præceptis feras, rationem curiosius perscrutando, quare hoc potius quàm illud præceperit obseruandum. Qui enim sic loquutus fuerit, malignitatis crimine non carebit. Tu uero stans in timore ac fide, cura ut quæ præcepta tibi sunt exequaris.

Qui custodiet præceptū, nesciet uerbum malum. Et tempus iudicij cognoscit cor sapientis, quoniam omni negotio est opportunitas tēporis & iudiciū.

Qui custodierit, inquit, dei præceptum, nesciet uerbum malum, hoc est, opus malum non faciet. Est enim duplex cognitio: altera quidem generica, in pura mentis

tis intelligentia et notitia: altera uero quæ in actionem prodit atq; emergit, iuxta quod scriptum est: Cognouit Gen. 4. Adam Euam uxorem suam: non quod prius illam nesciret, sed cum ad illius carnalem copulam accessisset, tunc illa dicitur exteriorē quadā actionis notitia cognouisse. Qui ergo secundum hanc agendi cognitionem, præcepta custodit, ignorat proculdubio malum, quia illud non operatur. Cæterum secundum priorem simplicem ac latentem in intellectu cognitionem, qui nouit bonum, nouit protinus et quid sit malum: contraq; bonum nouit, qui non ignarus fuerit mali (contrariorum enim eadem est cognitio) non usu quidem, sed sciendi uis ac facultate. Inquit ergo: Cum sapiens uir omnia suo tempore ac discrete faciat, in iudicioq; disponat, nouit affuturum uniuersalis iudicii tempus, in quo deus iudex iustas iniustias iudicabit, unicuiq; reddens pro dignitate.

Quoniā scientia hominis multa est super eum: quia non est qui futurum cognoscat. Quo enim pacto futurum sit, quis renunciabit ei?

Immensa cum sit ipsa scientia, premit hominem atq; obruit. Si enim uoluerit omnia scire, uasta mole irruens super eum, angit eius mentem ac suffocat. Sunt tamen quædam necessaria ad salutem, à quorum cognitione homo nequaquam repellitur: ut puta hominem esse animal rationale, mortale, cuius anima sit immortalis: esse bonis malisq; paratas repensiones, et quæ demum ad

eruditionē fidei spectant. Præterea uero creatum fuisse hominem ad imaginem dei, suūq; officij esse puram & immaculatam imaginem cōseruare. Quæ autem post ipsum futura sint, solum scire deum, & eos duntaxat quibus idem deus uoluerit nota facere. Quia uero Ecclesiastes hoc loco ultimi iudicij potissimū mentionem facit, ita hæc omnia ad intellectū iudicij accommodabis. Multa est scientia & immensa de rationibus sermonibusq; iudicij, neq; est qui homini certas unquam iudicij rationes renunciarit, hoc est, quo tempore, aut ubi locorum iudicium sit futurum, uel quo pacto deus uniuscuiusq; uitam moresq; disquiret, aut quomodo qui hora undecima in uineam uenerunt, precium primi retributionis accipiant, aut quo dei iudicio sibi approbantur boni, quos ipsi fortasse malos esse censuimus: contra uero damnabiles deo sunt, qui nobis esse probi uidebātur. Itaque propter hæc omnia, noli esse sollicitus ac sapere plus quàm oporteat, ne obstupescas, ut superius idem Ecclesiastes te monuit.

Non est homo qui potestatē habeat in spiritu, ut prohibere spiritum penitus possit: neq; est qui potestatē habeat in die mortis.

Spiritus significatio late patet. Nam & ipsa anima spiritus nuncupatur: ipse quoque uentus & aer quem respiramus: & donum sancti spiritus hac appellatione significatur. Itaque secundum prædicta omnia significata,

cata, nullus sanè est, qui potestatem habeat super spiritum, solo deo excepto. Neque enim animare corpus, aut animam cassum reddere, neque uentum impellere, ut Notum puta uel Aquilonem, neque infundere charismata spiritus, aut reuocare, neque item aërem uitare, temperatum uel efficere, alterius est cuiusquam quam solius dei.

Non est itaq; potestatem habens in spiritu, ut illum prohibere possit, neq; est potestatem habens in die mortis. Non est emissio uel nauigatio in die belli.

Verba hæc literaliter intellecta hæc sonant. Bello ciuitatem ac prouinciam occupante, non est comodum neq; tutum classes educere ac nauigare ad negocia externa. Mystico autem intellectu sic accipe. Quem deus iusserit mori in bello, non est qui extinctum emitat seu reuocet in hanc uitam. Aliter. Quando in iudicio quis incoeperit conscientie scelerum suorum belula sentire, nequaquam poterit huiusmodi preces effundere: Mitte me domine in uitam ut poenitentiam subeam peccatorum meorum. Sed neq; qui in articulo mortis animam agit, potest precari, Da mihi queso domine ut poenitentiae causa modicum quid adhuc uiuam. Nullus est itaq; potestatem hanc habens in die mortis.

Neque impietas saluum faciet sibi subiectum.

Cum itaq; non sit qui in die mortis potestatem habeat, neq; sit in die belli tuta nauigatio uel emissio, im-
pietatem summo studio euitemus.

Et omnia uidi ego.

Hæc se omnia uidisse affirmat Ecclesiastes, & cognouisse, ut tanquam conscio rerum omnium atq; experto, fidem dociles habeamus.

Et dedi mentē meam in omne opus quod factū est sub sole, ut uiderē quæcunque potenter operatus est homo in hominem, ut ipsum damno molestiaq; afficeret. Et tunc uidi impios in sepulchra inductos, etiam de loco sancto.

Attente, inquit, applicui mentē meam, ut uiderem opera hominū, & quā multiplici ratione homo homini damnum inferat: quia uero per sepe homines scandalizantur, & iniquā rem putant eosdem esse impios, qui & potentes fortunatiq; sint, ideo profundius, inquit super hac re contemplatus sum, & uidi demum postremam impiorum ruinam, cum scilicet non tantum corpore, sed anima moriantur. Quod enim ait hoc loco, in sepulchra inductos, in supplicia & tormenta intelligit. Eis uero qui in sepulchra hæc inducantur, nihil potentia profuit, nihil quod habiti olim iusti sanctiq; fuerint, nihil quod in templo dei sacra ministeria muneraq; obtulerint. Docet itaq; nos Ecclesiastes nequaquam scandalizari, propterea quod in hominū uita enormem statuū
dissidentiam

disidentiam conditionumq; cernamus : cum contrà potius spectare debeamus ad eam quæ in futuro seculo est retributionem.

Et processerūt & laudati sunt in ciuitate, quod ita effecissent.

Qui uidebantur, inquit, esse pij ac sancti, cum tamen in impietate sua ambularent atq; procederent, nihilominus laudem ab hominibus retulerūt, uel ignorantibus illorū impietatem, uel eisdem callide adulantibus. Nihil uero illis profuit aut simulatæ species pietatis, aut adulantiū laus. In uanitatem namq; abiit hoc totum negotium, quandoquidem in sepulchra miseri corruerūt. Quod autē ait, & hoc etiam uanitas, posset à superioribus distinguī sententijs, & ad insequentes apte uersus transmitti, ut ita uidelicet legatur:

Et hoc etiam uanitas. Quia enim nō est contradictio faciētibus malum citò, propterea impletum est cor filiorū hominū in ipsis ut faciant malum.

Hoc est, inquit, quod uanitatem auxit & confirmauit, quia non sunt qui contradicant facientibus malum citò, neq; qui eos coarguant, ut citò hic ad contradicentes referatur, significetq; sedulò ac uehementer contradicant, aciq; reprehensione cōpescant. Vel illud, citò, ad operantes malum referto, quasi uelociter ac studiose peccantes. Inquit ergo : Quia mali non arguuntur, sed potius laudibus & plausu efferruntur, idcirco impletum

est, & in malo habitu stabilitum cor filiorum hominū,
ut studeant operari mala. Apposite autem dixit filiorū
hominū, filij enim dei mala non operantur.

Qui peccauit, operatus est malum
ex tunc, & à iuuentute sua.

Peccatum dolo ac fraude mala diaboli inuictum est
in orbem terrarum, eapropter orationem dominicam
concludimus orantes, sed libera nos à malo, hoc est, à
diabolo. Qui ergo peccat, diaboli iussum exequitur &
uoluntatē. Diabolus autem ex tunc, et à iuuentute sua,
hoc est, ab initio, dux fuit & autor peccati. Aliter.
Non est, inquit, recens peccatum, sed peruersum. Hinc
est quod & Noë dicentem deum audiuit, cōsedisse iam
& confirmatam fuisse hominum mentem, ut seduli es-
sent in peccatis, ac uehementer operarentur malum.
Iuuentutem autem hoc loco intellige, non quo ad æta-
tem, sed similitudine quadam, quo ad temerarios mo-
res, & ritu iuuenum à rationis semita leuiter aberran-
tes: quos mores dici possunt habere diaboli, autores pec-
cati, & qui uestigia illorum sectantur scelesti, pecca-
toresq; homines. Aliter. Qui habitum peccati iam
contraxit, & iam proposuit in mente sua peccare, ex
tunc peccare iam incipit, ex quo uoluntatis assensum
præbuit, tametsi deinde multò post propositum illud in
actum producat, aut etiam non producat quod cogita-
uit, retardatus fortasse non electione immutati consilij,
sed aliquo intercedente impedimento. Aliter. Qui
peccat

peccat malumq; operatur, etsi nobis solummodo immanescat cum flagitium patrat, tamen apud latens præscientiæ diuinæ iudicium, iam pridem multoq; antiquā nobis peccator appareret, reus esse cognoscebatur.

Et hoc ego noui, quod erit bonum timentibus deum, quomocunq; timeant à facie eius: & bonum non erit impio, & non prolongabit dies in umbra, qui non timeat à facie dei.

Postquam satis coarguit uanitatem mundi huius, sanctum domini timorem ecclesiasticæ concioni conatur inferere. Cum enim pii uiuant in conspectu dei, caueantq; sibi in omni sua actione & cogitatu, tanquam deo iudice cuncta cernente, omnium bonorum operum & conceptuū deus illis causa existit: contra uero, ipsi impio nullum est bonum. Quod autem ait, non prolongabit diem in umbra, ita intellige: peccator diu non erit in uita, quoniā uidelicet totum tempus uitæ suæ quantumuis longum sit, non reputauit esse umbram, sed sollicito studio sibi comparare studuit quæ fluxa & temporaria sunt, tanquā essent perpetuò duratura. Vel aliter ita intellige. Quanquā peccator in præsentī uitæ per patientiam dei protegi quodammodo defendiq; uideatur potius quàm puniri, paulò tamen post, æternis supplicijs transmittetur.

Est uanitas quæ facta est super terrā. Sunt iusti, quoniā peruenit ad eos tan-

quam opus iniustorum, & sunt iniusti, quoniam peruenit ad eos tanquā opus iustorū. Hoc etiā dixi quod est uanitas.

Nunc Ecclesiastes personā eius inducit, qui è scansalo labitur in errorem, aitq̃: Vidi iustos in hac uita ab ijs malis correptos, quæ potius impijs debebantur, ut puta ægritudine, paupertate, uel alio difficili casu adueniente. Contraq̃, inquit, uidi quæ pijs deberentur, ad impios peruenisse: idcirco talis insipiens tanquā contemptor factus diuinæ providentiæ: & hoc, inquit, uanitas est. Sapiens autem uir euentus rerum prospiciens, & quæ singulis pro dignitate retribuātur, planè nouit atque intelligit deum nequaquā casu hæc permittere euenire: sed ut iusti maiori præmio coronentur, impij uero grauiore poena torqueantur. Notanter autem hic quod quæ uanitatem supra terram uidisse se ait: in cælo siquidem nihil est uani.

Et laudaui cum lætitia, quod non est bonum homini sub sole præterq̃ quod comedat, & bibat, & lætetur: & hoc ipsum aderit sibi in labore ipsius omnibus diebus uitæ suæ, q̃s sibi dedit deus sub sole. In quibus dedi cor meū, ut cognoscerem sapientiam, & uiderem occupationē quæ facta est super terram: quoniam die ac nocte non est qui uideat somnum oculis suis.

Si adhuc

Si adhuc uoluptuariã personã loqui existimes, hæc in uoluptate ac usu sensibiliũ rerum gaudium hominis repositum ducit, atque metitur. Sin uero quis loquentem sibi proponat audire Ecclesiasten, statim percipiet quis sit uerus cibus ac potus, cum fideles christiani iam in præsentí uita arrabonẽ spiritus acceperimus. Quod autem ait, Dedi cor meum ut cognoscerem sapiẽtiam: noster Ecclesiastes acutissimo suæ mentis oculo contemplatus, intellexit ac uidit nullum hominũ uacuum esse occupatione atque solitudine, nullumq; denuum esse, qui somnum, hoc est, quietem uideat: sed ipsorum alij quidem officiose circa res diuinas occupati uersantur, alij uero inutiliter ac reprehensione dignissimi, circa perituras res student. Et iustus quidem hoc pacto non dat somnum oculis suis, neq; palpebris suis dormitationẽ, sed uigilat: quoniam sibi nox processit, dies autem appropinquauit. Vigilat ergo, neq; cadit in caliginẽ ignorantie, neq; per diem, hoc est tempus prosperitatis, neque per noctem, hoc est tempus tentationis. Iniustus autem in perpetua iniquitate insequentẽ diei noctem coniungens, dulcem oculis somnum non capit, uel assidue cogitans quonam pacto consequatur quæ concupiscit, uel timens ne amittat quæ possidet.

Et uidi omnia opera dei, quoniã non poterit homo inuenire opus quod factum est sub sole, quantũcunq; laborauerit homo ut quærat, & non inueniet.

Et quæcunq; dixerit sapiens se cognoscere, non poterit tamen inuenire.

Recondita illa dei cognitio, per quã facta sunt omnia, soli deo est nota. Nos autem mortales quicquid uel scribimus, uel loquimur, uel de his rebus intelligere nos arbitramur, ex parte cognoscimus, participatione quada[m] suæ gratiæ illustrati. Nullus itaq;, neque secularis scientiæ, neq; diuinæ sapientiæ, uel mediocriter consultus, uel, quantũ homini licet, perfecte eruditus, poterit omnium rerum certam habere cognitionem. Neq; enim scire poterit substantias rerum, neque mensuram cœli, terræ, ac maris: aut quomodo hæc ipsa concreta coaeluerint, quibus ue adminiculis innixa cōsistant. Quod si fortè quisquam sapiens uideatur probabiles rationes afferre, ipsam tamen intimam ueritatem inuenire prorsus non poterit.

CAPVT IX



OMNIA hæc transmissi in cor meum, & cor meum omnia hæc uidit, quod sint iusti atq; iniusti, & opera ipsorum in manu dei.

Dixit superius quærũ rerum cognitio sit abstrusa, ut nos auerteret ab inutili ac uana perquirẽdisolicitudine. Nunc autẽ proponit, qua in re satisfacere sibi possit sapientis intuitus & cognitio: quod uidelicet iusti sapien-
tesq;

tesq; homines, unà cum operibus suis sub umbra dei & protectiōe suæ dextræ conquiescāt. Neq; enim permittit deus illos impetentiū uiribus deuastari. Probi nanq; homines & officiosa opera protegūtur à deo: at uero de impijs scriptū est: Et ipsi de manu tua repulsi sunt.

Psal. 87

Dilectionē & odium non est homo qui sciat: omnia ante faciem eius, uanitas in omnibus.

Symmachus pro eo quod nos attulimus, uanitas in omnibus, ita exposuit: Omnia incerta sunt in conspectu ipsorū: hoc est, nescit homo si quem nūc maxime odit, mutatis uicibus amicum & beneficū sit experturus: contraq; an timendū sibi quandoq; sit ab eo, quem nunc amore prosequitur. Altiori autem intellectu: Qui adhuc sapit quæ hominis sunt, neque planè deo se tradidit, nescit discreto iudicio quæ dilectione sunt digna, quæ odio. Ardua enim uirtus atque difficilis, amore est digna: odio autem prosequenda uoluptas, quæ de sensibilibus prouenit. Homo autem qui peruersè aberrat in intellectu rerum, facile sibi omnia quæ uana sunt, ante oculos ut bona proponit: deq; ijs iudicat non ut ueritas habet, sed ut uoluptas subdola subministrat.

Euentus unus iusto & impio, bono & malo, mundo & immūdo, sacrificanti & non sacrificanti: sicut bonus, sic & peccator, sicut iurans, sic qui iusiurandū timet. Hoc malum est inter omnia quæ

sunt sub sole, quod uidelicet idem cunctis sit euentus.

Sæpe superius ostensum est, quod quæ media sunt, usq; deq; habenda, per se nec bona nec mala, ut agritudo, ut sanitas, ut diuitiæ, ut paupertas, & quæ generis sunt eiusdem, iustis ac peccatoribus communia sunt atque æque contingunt, quatenus scilicet hi quoq; animalia sunt morti subiecta. Quatenus autem rationales sunt, plurimū sanè inter sese differunt: quandoquidem libera electione consilij, alteri quidem quod pium fasq; est operantur, alteri uero ad impietatem feruntur. Aduertere autem quod iurantem posuerit inter peccatores: Quod autē malum uocarit cōmunionem illam, æqualitatemq; euentuū, ita intelligendum est, ut hæc uerba proferantur è persona præuè de rebus ipsis iudicante: cum propter æquales cōmunesq; casus, nihil opinetur ab impio iustum differre. Pariter enim uterque labores perpetitur, donec est sub sole: cæterum post huius uitæ curriculum, unicuiq; redditur pro dignitate.

Ipsū quoq; cor filiorū hominis impletum est malicia, & circuitus in corde ipsorū, et posteriora ipsius ad mortuos. Quoniam quis communicat ad omnes uiuentes?

Cor filiorum hominis impletum est malicia, huc & illuc in circuitu ambulant, neque desistunt unquam homines fatigari, donec ipsi quoq; ad mortuos deueniant:
nullus

nullus est enim qui perpetuā & indeciduā habere possit cum uiuentibus societatem. Sed & ipsum, quicumque is demum sit omnibus, finis excipiet. Aliter. Filij hominis, hoc est, gregarij ac uulgares, uidentes communi quadā sorte iustos iniustosque uexari, implentur iniquitate atque malicia, & ipsorum mens in flagitiosis laboribus circūfertur, donec prauis operibus mortui, mereantur inter uitam sanctos adnumerari, cum nullam habeant societatem cum ijs qui uixerunt secundum uirtutem, qui nūc proprie ac uere uiuere dicendi sunt, propterea quod ad repositam sibi eternam uitam peruenierunt.

Est spes, quoniā melior est canis uiuens leone mortuo.

Mendicus qui uiuit secundum deum meliorem habet spem, quā proteruius & arrogans, qui in peccato suo mortuus est. Aliter. Populus gentilis ueluti canis immundus, cum per fidem in ecclesiam uenerit, iam regeneratus in domino, meliorem spem habet quā regius ille populus Iudeorum.

Viui norunt se morituros esse, mortui uero penitus nihil cognoscunt.

Illi quorum intellectus humore uiuido irrigatur, cum secum reputant temporariū uitæ huius curriculū, officiose uiuunt, confirmati spe uitæ eternæ. Qui uero in peccato mortui sunt, ignorantiæ nebula occupati, uiuunt sine ratione pecorum more.

Nec est amplius illis precium, quo

niam desijt memoria ipsorum.

Quid enim precij sit peccatoribus, quorū ne meminisse quidē dicitur deus? Nouit enim dominus eos solos, qui sibi sunt. Hoc uero ad Iudaicū populū referendū est.

Amor quoque ipsorum & odium & zelus iam perierunt.

Qui in peccatis mortui sunt, quorū est populus Iudaeorū, neq; charitatem erga deum habent, neq; odium erga iniquitatem: neq; possunt dicere iuxta illud Phi-

Numer. 25 nees: Zelans zelaui super dominum.

Neque habent partes in seculum, in omni opere quod sub sole est.

Iudaeorū populus terram promissionis, quæ sibi sorte obtigit, amiserunt. Ciuitatem quoque Hierusalem ac sacerdotij dignitatem: ita ut neq; in præsentī uita partem suam habeant super terram.

Vade ergo & comede in lætitia panem tuum, & bibe in corde bono uinū tuū, quoniā approbauit deus opera tua.

Literali sensu, in lætitia & corde bono uti quis dicitur bonis sibi à deo concessis, cum modeste utitur & ad naturæ necessitates: hic est enim proprius usus rationalis creaturæ: & propter inquit, panem tuū. Nam qui in exhausta cupidine gulæ uentriq; deseruiūt, pecorum uitam potius confectantur. Mystico autē sensu, panis & uinum rationalis creaturæ sunt ipsæ uirtutes, ex quibus animæ nutriuntur. Aliter. Verbum caro factum

etum

Etum homines cohortatur, ad mysticā sui corporis participationē, cum propter nostram salutem carnem assumpserit. Approbat ergo hoc fieri, congaudet mysteriori, ritibusq; ecclesiæ.

In omni tempore candida sint uestimenta tua.

Hoc est, actiones et opera quæ uirtutis normam sequuntur, necnō tradita nobis indumēta per lauacri regenerationē, quæ proculdubio candida asseruātur per omne tēpus quo à peccatorū sordibus abstinemus. Candida quoq; habere dicitur uestimenta, qui lauat per singulas noctes lectum suū, et lachrymis suis stratū suum rigat, ita sordes peccatorū per poenitentiā tergens.

Et oleum tuo in capite non deficiat.

Literali sensu, mites ac perhumanos uult esse eos, qui uirtutes exercent, ne scilicet extenuent ac decolorēt facies suas ficta hypocrisis austeritate. Mystico autem intellectu, oleum duo hæc præstat, ut lumen scilicet tueatur, et defessa membra cōfirmet. Vtraq; uero hæc affert unctio sancti spiritus, mentem namq; fidelium illuminat, et in solida tranquillitate cōstituit. Hanc uero unctionē proculdubio habebimus, nisi ipsi sancto spiritui molesti, ingratiq; resistamus. Aliter. Nostrū caput Christus nuncupatur in scripturis sanctis, qui sibi ipsi collatas accepturus est quasq; pauperibus electos synas conferemus. Ne itaq; desistamus caput hoc nostrum perungere oleo misericordiæ, hoc est, Christi pau-

peres & egenos misericordii affectu protegere.

Vitam cognosce cum uxore quam dilexisti omnibus diebus uitæ uanitatæ tuæ, qui datī sunt tibi sub sole, omnibus diebus uanitatæ tuæ: quoniam hoc pars tua in uita tua & in labore tuo, quo tu laboras sub sole.

Verba hæc si absolute accipias, ita mystice intellige. Cum uxore dilecta, hoc est, Ecclesia, quæ sponsa est Christi: in hac siquidem inuenitur uita æterna. Quod si ad uxorem mariti cuiusque referas, tunc literali sensu nos admonet, ut iuxta monogamie legem, uxore una contenti simus. Coniugalis namque castitas & obseruantia, ipsa quoque nobis est æternæ uitæ cōciliatrix. Vitam igitur cognosce, & uide cum uxore quā dilexisti. quasi dicat: Caue ne ab uxore tua decipiaris, sicut est Adam deceptus ab Eua uxore. Tu uero cōtrā stude, ut mutue societatis debiliorem partem, hoc est mulierem, in melius ipse conuertas, ad æternæ uitæ cognitionē. Mystico autem sensu, sapientia uxor nostra dicitur, cui si conuiuiamus, æterna proculdubio uita perfruimur.

Quæcunque inuenerit manus tua ut faciat, quantū paritur facultas tua operare: quoniā neque opus, neque ratio, neque cognitio, neque sapientia est in inferno quō tu perrecturus es.

Hortatur

Hortatur nos ut omni contentione ac studio practicas aggrediamur uirtutes, non tamen supra facultatem elaborantes. Qui enim quod potest in his exercet, secundum congruam cognitionē uiuit, & dignus inuenitur scientiæ dono ac sapientiæ, quantū permittat deus, atq; ad illius utilitatē impartiat. In inferno autē cum practicae operationes esse non possint, quas medijs sensibus exercemus, qui ibi propter patrata flagitia sunt sepulti, non ualentes amplius practicas obire uirtutes, neq; sapiētes effici possunt, neq; aliter officiosi ac probi: ad id enim tantummodo delati sunt in infernum, ut æternis torqueantur supplicijs.

Verti me & uidi sub sole, quia non esset leuib. cursus, neq; bellū potenti bus, neq; sapiētibus panis, neq; diuitiæ prudentibus, neq; sciētibus gratia: quoniam tēpus & casus continget omnibus ipsis, neq; nouit homo tempus suum.

Verti me, inquit, hoc est, aliud contemplatus sum, quod uincere in cursu, brauiūq; accipere nō sit cuiuscunq; leuis ac expediti ad currendum: neq; omnium qui potentes sunt, egregium se ac inuictū præstare in bello: neq; ad prudentes sapientesq; uiros atq; industrios diuitias deuolui: sed neq; eos qui multa nouerunt, gratiam consequi. Casus enim omnibus communes contingunt, hoc est, incerti rerum euentus. Nihilq; est hominibus unquam satis, nihil undiq; perfectū, nihil æquale, om-

niaq; frè dissimili fine terminantur. Transeunt enim omnia & immutantur, inaccessis dei iudicijs. Sed neq; homo, inquit, nouit tempus proprij finis, idcirco uigilare oportet, operariq; uirtutes. Mystico autem sensu, quicunq; sunt uirtute agiles atq; expediti, quique potentes, qui sapientes, qui diuites, sibiipsis nequaquam debent cōfidere: contrā uero dicere id debet, quod uere sapientes testantur: Nisi dominus edificauerit domum, in uanum laborauerūt qui edificant eam: debentq; deo ut auctori, omnia referri. Vt enim ait Apostolus, neque uolentis est neq; currentis, sed misereantis dei, brauium, uictorianq; referre. Nam neq; gratiā habet quispiam, quod multa cognoscat, nisi ex deo gratiam accipiat. Neque scire potest aduenientis sibi gratiæ tempus, nisi mente diuino lumine illustretur.

Sicut pisces capiuntur in rete malo, & sicut aues in laqueo, ita illaqueantur filij hominis in tempore malo, quando repente irruat super eos.

Rete malum est è multiplici uitio ac iniquitate contextum. Est siquidem & bonum rete, sagena scilicet è præceptis institutisq; tum antiquis, tum recentioribus saluatoris nostri contexta. Homines ergo, qui fluitans & instabile uitæ huius pelagus sulcant, uarias uoluptatum illecebras consectantes, quasi carentes ratione pisciculi, malis retibus implicantur. Illi quoq; qui opinione uana scientiæ superbiunt & efferruntur, cum sibi uide-

antur excelsi esse atque aër ambuli ueluti uolantes aues,
dæmonum laqueis facile capiuntur, & incidunt in ma-
lum tempus infernorum suppliciorum, cum repentinus
interitus illis adueniat.

Et hoc etiam uidi, sapientiā sub sole:
& meo quidem iudicio magna est ciui-
tas parua, & in ipsa pauci uiri, & ueniet
super eam rex magnus, & circumdabit
eam & ædificabit munitiones magnas
circa ipsam, & inueniet in ea uirū pau-
perem sapientem, & seruabit ciuitatem
in sapientiā sua, & homo non recorda-
tus est uiri illius pauperis. Et dixi ego:
Bona est sapientia super potentiam. Et
sapientiā pauperis nihili facta est, & uer-
ba eius non sunt audita.

Locus hic ad personam scandalum patientis perti-
net, qui tanquam secum loquens, uidisse se dicit magnā
sapientiam sub sole, ciuitatē quampiam exiguam pau-
cis inhabitatā hominibus: quam cum obsideret rex ma-
gnus, seruauit quidam ciuis pauper quidem, uerūtamen
sapiens, cuius solerti cōsilio uicta fuerint arma obsiden-
tis: ingratos uero fuisse ciues in pauperem illum. Solent
enim plerunq; homines beneficiorum esse immemores,
consiliaq; pusillorū hominum, quanquam sint peruti-
lia, paruifacere, cum tamen opulentis ac potētibus adu-

lentur, eorumq; sermones laudibus in cœlum ferant. Sed ego, inquit sapiens, longe à vulgari opinione abhorrens, aliter dicam: sapientiam scilicet longe meliorem esse potentia. Atque hæc quidem ad literalem pertinent intellectum. Altiore autem mystico sensu ita intelliges. Parua ciuitas, est militans deo in terra Ecclesia: parua inquam, comp. ratione eius quæ triumphat in coelis. Pauci in hac ciuitate sunt uiri, sancti scilicet & electi dei. Magnus autem rex, iniquitatis caput, est diabolus. Hic assidue hanc circuit ciuitatem, ut illius ciues redigat in seruitutem. Pauper autem sapiens in hac ciuitate, cuius consilio ipsa seruatur, ipse est Christus dominus deus noster. Dicit enim ciuibus suis sanctis:

Ioan. 16 Confidite, ego uici mundum. Ac huius quidem pauperis uerba, à stultis gentilibus & perfidis hebræis non audiuntur. Sapiens uero Ecclesiastes intelligens in spiritu, quod deus nō per solam diuinitatis suæ potentiam & uirtutem, sed sapientiæ societate utens, uerbumq; caro factum, tyrannum diabolum deiecturus esset, nullam sibi per fugi excusationem relinquens, ut sicut olim ipse antiquum uicerat hominem Adam, ita demum sub homine fractus corrueret nouo Adam. Propterea nunc afflatus spiritu, multo antè hoc mysterium patefecit, in hæc uerba prorumpens.

Sapientia melior est quàm potentia: uerba sapientium audiuntur in quiete, plusquàm clamor potentium in stultitia.

Locus hic non est accipiendus, quasi per comparationem dicatur: neque enim est comparare sapientiam cum stultitia. Fit enim cōparatio inter similia, non inter contraria. Inquit ergo: Verba sapientum audiuntur in quiete: hoc est, cum auditores iucunde accipiunt quæ dicuntur, fit requies quidem in mente ipsorum. Clamor uero stultorū dignus est qui damnetur, licet illi potentia magna polleant: anima enim quæ stultitia repleta est, cum clamore & turbulentia sermones prōfert sine quiete, ordine, ac constantia. Aliter Apostoli sapientiæ ministri, auditorū mentes quietas ab omni passione sedatasq; reddebant: insipientium uero clamor Iudeorū, cum iniuste clamarent, Tolle tolle crucifige eum, & illos perdidit, & omnes qui huiusmodi acclamationibus assensus faciles præbuerunt.

Melior est sapientiā, quā bellica instrumenta.

Melius est consiliū cuiuscunq; prudentis, quā omne auxilium quod ab armis expectari possit. Mystice autem ostendit potētiam saluatoris nostri Iesu Christi, qui utique est sapientiā. Huius enim uirtus, arma belli, hoc est, diabolū tartare asq; phalanges euertit, omnesq; species suæ iniquitatis ad debilitatem redegit.

Et peccator unus multa bona perdet.

Adam peccauit, & in omnem generis humani posteritatem, peccati labem mortemq; transmisit, ipseq; imaginē dei, ad quam factus fuerat, uiolauit, & uiola-

tores sibi similes quāplurimos propagauit. Vnus quicumq; is demum sit, dum sese peccati sorde cōmaculat, & bona corrūpit, quæ sibi ex acquisitis uirtutibus insidebant, & multos etiam malo exemplo ad imitationem inducit.

CAPVT X



MUSCÆ mortificātes putrefaciunt apparatus olei suauitatē.

Apparatum oleum est unguentum, sicut & Aquila interpretatus est: musca uero impurum animal, quod putredines & ulcera insidendo exugit, appetitq; lacerae cutis scissuras. Mortificat autem & corrumpit oleum unguentarium musca, cum in illud sese temere proijcit: nam & ipsa immoritur, & olei uim extinguit. Iudæi ergo propriam uitam contemnentes, animæq; salutem, uerè sunt muscæ mortificantes, cum suaue redolens uerbum saluatoris Iesu Christi semper uitare ac foedare studuerint, semperq; affectarint ansas calumniarū arripere, quibus illum urgere possent. Parum sapientiæ preciosius est, quàm gloria magnæ stultitiæ. Multi è sua stultitia gloriam & laudem retulerunt, ut puta qui dicendi facultate pollentes, iniustum clientibus patrociniū præstant: qui ex opulentiâ clari ampliū habentur: uel qui seculari sapientiâ præditi, circa inutiles quæstiones uitam cōsumunt. Sed longo interuallo preciosior est habendus, qui ianuas &
initium

initium sapientie, quæ est secundum deum, ingreditur, & in ea eruditur, incipitq; eam libare, omnem stultorum gloriam paruipendens.

Cor sapientis in dextrũ ipsius, & cor stulti in sinistrum ipsius.

Cor hoc loco pro intellectu ac mente accipi decet. Materiale enim cor & carnicum, omnibus in ea parte corporis situm est, quam thoracis cratem appellat. Sapientis itaq; intellectus semper in dextras uergit partes uirtutis ac laudabiles, stulti autem mens in sinistra stratur, & in ea quæ facile culpæ posint.

Sed & cum stultus in uia ambulauerit, cumq; cor ipsius retardetur ac desipiat, omnia sunt stultitia.

In hac uita quã uerè uiam dixeris, stultus perambulans, cum ad sinistra cor habeat, semper cessat ac posterior inuenitur: in uacuũ enim pergit, nequaquã sibi proposito supernæ uocationis brauius. In anteriora itaq; sese non extendit, nec properat ad finem: sed quamuis adhuc ipsa pergere uideatur, medio in cursu deficiet, omnia imperfecte & sine ratione cogitans & aggrediens. Quod si ipsam adeat uiam iustificationũ, uel, ut uerius dicam, adire se simulet, hoc est, diuinorũ obseruantiam mandatorũ, quia tamen illius mens flectitur ad sinistra, cessabit prorsus atq; deficiet, ut neq; quid præceptũ sit intelligat, neq; operetur iuxta legislatoris uoluntatem.

Si spiritus potestatem habentis ascen-

derit super te, locum tuum ne dimiseris, quia curatio cessare faciet peccata magna.

Spiritus potestatem habentis est diabolus princeps mundi huius, & dominus filiorum inobedientiae, qui nulla coacti necessitate, sed electione liberae uoluntatis sese ultro subiecerunt illius dominationi atque tyrannidi. Inquit ergo: Si te ad supernae patriae beatitudinem cogitatione ac studiis erectum, irruens ex aduerso spiritus potestatem habentis, deturbare conetur ad inferiores semitas mundi huius, omnes illi aditus praeclude, omnes obstrue sensuum operationes, ut neque per oculos, neque per aures, neque per linguam, neque aliunde admittatur. Primis namque affectionum sublati principiis atque causis, nulli prorsus orientur effectus. Quod si quid ad ipsa mentis penetralia callidus hostis ueneni transfuderit, tu tamen in uestigio tuo consistens, locum stationemque ne deseras: ita ut temperantia munitus, procul libidines, stupraque repellas, odiumque coerceras charitate, stationesque singulas uirtutum strenue tuearis. Si enim cadas, ut negligentius resistens permittas insidere tibi ac requiescere super te spiritum potestatem habentis, multa & magna peccata super animam tuam facile aggregabis. Aliter. Si animam tuam curaueris adhibita uirtutum diligentia, plurima sedabis. Talis est enim uirtutum curatio, ut cohibere possit spiritum habentis potestatem, ne te superueniat & conculcet.

Est malum

Est malum quod uidi sub sole, quasi non spontaneū egressum sit à facie potentis. Stultus traditus est sublimitatibus magnis, & diuites in humilitate collocabuntur.

Literali sensu, aliam se uidisse ait iniquitatem in humanis rebus, principes scilicet uiros ac magistratus, inuitos quidem quasi metu coactos maioris alicuius potestatis, eos qui stulti sunt gloria honestare, fortunas uero locupletū ciuiū populari sectioni addicere inuita proscriptio: sepe enim principes ciuitatis ac magistratus, regijs edictis contra uoluntatem suam obedire coguntur. Mystico autē intellectu, sponte sua homines atq; electione semel uoluptatis uia ingressi, inuiti mox facere plurima compelluntur, urgente eos diabolo, qui potestatem habet super filios inobedientiae, ut tanquam iniquam detestentur ac accusent iustissimam dei prouidentiam, ita stulte interrogantes: Vt quid insipientes in sublimes dignitatum gradus conspicui efferuntur? contra uero qui honesto loco nati gentilitijs polleant opibus, in paupertatem deiciuntur? Cum itaq; cæci mortales sponte primum nostra uolentes, hausto uoluptatis poculo ebrietatem contraxerimus, tum surrepit ille callidus potestatem habens, subijcitq; nobis quæ inuiti faciamus, ebrietatis nebula occupati: cuius generis sunt libidinis pollui, rixari, percutere. Neq; enim qui ebrij fiunt, talia se facturos cogitant, sed ebrij iam effecti, uel inuiti

cōpelluntur ad huiusmodi flagitia perpetranda: ita & uoluptatis studio traditi, scandalizamus sepe de inaccessis dei iudicijs, ac contra diuinā sapientiam linguam temere exertamus.

Vidi seruos in equis, & p̄cipes quasi seruos ambulare super terram.

Vitæ mutabilitatē & conuersionem nobis contemplandam proponit, ut à mundanis rebus incertis, ad stabilem illam cœlestem beatitudinē nos conuertat.

Qui fodit foueam, incidet in eam.

Locus hic totus soli uacat mystico intellectui: aliter enim semper hoc non contingit, ut qui foueam fodit in eam cadit. Inquit ergo: Peccator suam animam prius excruciat: qui enim diligit iniquitatē, odit animā suam: & unusquisq; ob ea quæ peccauerit, punietur. Ipse etiā Moyses legislator ita faciundum sanxit in homicidam, uidelicet: Facite illi eo pacto quo is contra proximum suum malignatus est.

Num. 35

Et qui dissipat sepem, mordebit eum coluber.

Sepes animæ, lex est diuina, & metus, uerāq; legalium sensuum cognitio. Qui ergo legem dei contemnit, & diuina præuaricatur mandata, qui falsa cognitione decidit in peccatum, cuius opifex est ipse callidus serpens, iste incautus ac diuina cassus gratia, morsus serpentis perpetietur.

Qui extrahit lapides dolebit, & affligetur

fligetur in eis,

Qui sibi domum uirtutibus extruit, lapides congregat, ac bene edificat: qui uero uel secordia, uel uana elatione demolitur ac soluit quæ prius erant extructæ, lapides aufert, angiturq; miser, dolet ac periclitatur. Aliiter. Lapidēs sancti apud prophetā Zachariā, sancti homines sunt. Qui ergo huiusmodi lapides eximit, hoc est persequitur sanctos atque interficit, labore affligitur, hoc est, perniciem sibi attrahit: sicut Herodes fecit qui Ioannem Baptistam gladio percussit.

Ligna scindens periclitabitur in eis, si exciderit ferrū, & ipse faciem conturbatus est, & fortitudines corroborabit, & superflua robusti sapientia.

Per symbola & sensibilia, ad spiritualia nos perducit. Inquit ergo: Qui sua fretus doctrina, ueluti ferro quodam utens, scindere ac cōminuere aggreditur diuinas scripturas, quasi ligna quædam bene olentia: si fortē decidat & aberret ab intentione spiritus sancti, neq; secundum legislatoris mentem recte ac fideliter eas interpretetur, sed à ratione procul exorbitet, in magno est periculo, ne in perniciosas hæreses impingat, faciemq; doctrinæ suæ confundit, & animas auditorum. Quod autem ait, & fortitudines corroborabit, ita intellige: hoc est, aduersantes ualidiores efficiet: ex ijs enim erroribus, quos interpret aliquis ac magister in doctrina uerbi admiserit, ualidiores assumūt uires, qui ex aduersa

so loco secum disputantes contendunt. Qui uero fortis extiterit in opere & sermone, ita ut cum sapientia eloquatur, habet omnino multum, atque adco aliquid amplius quam cæteri, ut scilicet in scindendis lignis nequaquam periclitetur. Nam qui tantummodo potens fuerit in sermone, ac uolubili præditus lingua, sophisticis autem captiunculis abundet, uacuis diuina sapientia, excidente ferro periclitabitur, in cædendis quæ superius diximus lignis.

Si mordeat serpens in silentio, nihil est amplius excantanti.

Qui clam peccat, nec emissa uoce palam suo de peccato gloriatur, siue is agendo perperam delinquat, siue in corde suo impium dogma hæreticumque concipiat, poterit tamen in melius emendari, cum nondum ad effrenam peruenerit impudentiam. Neque sanè nimium laborabit in eo reuocando, quicumque salutari doctrina excantare aggrediatur uirus inferni serpentis. Aut ita intellige. Si peccati serpens mordeat in silentio, hoc est, ita ut peccator admissum scelus confiteri nolit, nullam poterit salutem præstare qui sancta excantatione curandum suscipiat, sua peccata non confitentem.

Verba oris sapientis gratia, & labia stulti demergent ipsum. Initiū uerborum oris sui stultitia, & ultimus error eius malus: & stultus multiplicabit uerba.

Paulus apostolus cupiens eos quos in fide erudiebat sapientes

sapientes esse, ita ad eos scribit: Sermo uester penitus sit in gratia, sale conditus. Sermo enim sapientis neque austerus est inhumanius uel, neque mollis et dissolutus, sed gratia multa conditus, ita ut pariter cohibeat, neque sinat auditores diffuere. Labia uero stulti, hoc est uerba, mortem illi perniciemque conciliant. Nam et sue ipsius animae noxius est stultus, et animas quoque auditorum corrumpit. Demersio enim de qua hic loquitur Ecclesiastes, ad aeterna referenda est supplicia, iuxta illud: Praecipita domine, et diuide linguas eorum. Stultus uero cum insipienter loqui incipiat, circumfertur et errat in stultitia cordis sui, finemque sortitur malum. Sed et uerba, inquit, stultus multiplicat, hoc est, incassum blaterat et nugatur, siue multa loquatur, siue pauca. Multitudo enim hoc loco, pro nugacitate ponitur. Nam qui nil boni loquitur, nihil utile etiam in paucis uerbis nugatur. Quod si quid tamen interdum uideatur boni loquutus, cum deinde mores orationi non consonet, et hic quoque nugatur, cum plane ignoret quid loquatur, quid uel bene agendo comprobet et confirmet. Oportet enim eum qui bene dicat, prius facere, ac deinde alios edocere. Multiplicat ergo uerba, hoc est, siue multa siue pauca loquatur, suo illo sermone importunus est ac molestus.

Nescit homo quid factum fuerit, & quid futurum sit post ipsum, quis renuntiabit ei: labor stultorum affliget eos, nescit pergere in ciuitatem.

Coloſ. 4

Pſal. 54

Et si multa iam nouerimus quæ facta sunt ante nos, tradita nobis à sanctis patribus perlegētes, qualia sunt, in principio creauit deus cœlum & terrā, & per multa alia: licet etiam per fidem sciamus quæ sunt futura, ut de iustis puta, atq; iniustis, quod resurgent, hi quidem in uitam, hi uero in mortem poenamq; æternā: tamen omnia nequaquā scimus, sed quædam: Ex parte enim cognoscimus, inquit Paulus, & ex parte prophetamus. Quis autē nobis ea quæ post sunt renūciabit? hoc est, futura, ut puta, num filios genituri sumus, an genitos iam liberos amissuri, nobis ne in patria, an apud externos moriendū sit, exiguō ne spacio an contrā longinquo futuri simus in uita. Idcirco qui solliciti sunt hæc rescire, uel per auguria, uel per natalis obseruationē diei, uel per mendaces alias huiusmodi diuinationes, & qui cætera demum scire affectant, quorū habere certam cognitionem non possumus, in uanum laborant, inutilemq; sibi desumunt operam. Hæc autem sermè cuncta stultis contingunt, propterea quod minime norunt pergere in ciuitatem, hoc est, optimæ ciuitatis normā sibi ad uiuendum proponere, neq; persequi uolunt ecclesiæ simplicem fidem, pulchramq; pergere in ciuitatē supercœlestem scilicet Hierusalem, cuius opifex & autor est deus.

Væ tibi ciuitas cuius rex iunior, & principes tui mane comedūt, Beata es terra, cuius rex filius liberorū, & principes tui uescuntur tempore suo in fortitudine

titudine, & non confundentur.

Literalis quidem sensus, miseram censet ciuitatem, cuius rex instabiles habet mores iuuenum ritu, & cuius principes dimissis publicis negocijs curisq; ciuilibus, prima irrupente aurora poculis comessationibusq; indulgent. Nam qui mero & crapula sese infarciunt, quiq; leues sunt & parū sibi constantes, neq; regno, neq; principatibus alijs gerendis sunt apti. Beatam uero iudicat regionem, cuius rex sit filius liberorū patrum, hoc est, qui sit officiose ac liberaliter educatus, quiq; probæ educationis mores conseruet, ut nihil penitus uelit, quod seruile sit, quod illiberale, quod turpe, & cuius principes regionis omni studio curant quæ ad cōmoda subditorū pertineant: modeste præterea, suoq; tempore uescuntur, non ijs quæ ad uentris & gulæ gratiā cōparentur, sed quæ uirile robur bonanq; ualitudinem pariant ac tueantur, hoc est, quæ necessaria sint. Tales enī principes insitam pectoribus gerentes iustitiam, iustumq; iudicium iudicātes, nulla unquā ignominia cōfundentur.

Mystico autem sensu ac morali, anima rationalis est ciuitas, huiusq; ciuitatis rex intellectus: qui si fuerit iuueniliter leuis atq; inconstās, motusq; suos quasi principes quosdam habuerit gulæ ac uoluptatibus indulgētes, uel proculdubio adiunctū habebit: sin uero rex intellectus sacris enutriatur disciplinis, uerē filius est liberorū, & motus habet rationū, qui congruo tempore omnia exequuntur, tam quæ ad corporis curā spectant, quàm quæ

ad animæ faciunt mentisq; solertiam. Quod si ciuitas hæc et prouincia, quam animā nuncupamus, ita uiuat, ita se regat, bonisq; profectibus roboretur, nulla unquā turpi nota ignominiaq; scedabitur.

In plenitudinibus humiliabitur contignatio, & in desidia manuum stillabit domus: in risu faciunt panem, & uinum letificat uiuentes, & pecuniæ obediunt omnia.

In parabola nos erudit, hortans ne contemnamus operari bonū, ne spiritualis nostræ domus, hoc est, animæ, contignatio, id est firmæ ac cōnexæ rationes humilientur & corruant, ita ut domus ipsa persillet, defluentibus undique uitijis conturbata, atque ita si quas habebamus prius uirtutes, ex desidia & inertia amittamus. Oportet ergo assidue inspicere nostram hanc domum, neq; solum ea respectare quæ bene hætenus gessimus, sed oculos ad contignationē, hoc est, ad supremū finem erigere. Nam qui segnius sese habēt ad capeffendas uirtutes, ad solam uoluptatē oculos animumq; cōuertunt, occupāturq; circa id quod hominū quamplurimi suaue letumq; opinantur, palamq; iactant comparari pecuniis oportere, cum argento dicant omnia esse subiecta.

Aliter, Desides ociosi q; homines sinunt stillare domum suam: qui uero aguntur sanctis ecclesiæ institutis, pane quodam mystico uinoq; aluntur: cuius uirtute confirmati, demonis aduersantis insidias facile ridere possunt,

sunt, scientes quod uniuersi mundi machina argēto subiecta sit, hoc est, dei uerbo propter nos incarnato, quod argenti appellatione sacra uocat scriptura. Sciendum uero est quod nomine panis, omne siccum alimentū solet eadem scriptura designare: sicut et uinū uocat, aut aquā, quod insitam humiditatē habet. Hoc significare uoluit Moyses, cum quadraginta diebus, quibus legem accepit, neq; panem, inquit, comedi, neq; bibi uinum, hoc est, neq; siccum, neq; humidum quicquā gustauī.

In consciētia tua regi ne impreceris, & in secreto cubiculī tui ne impreceris diuiti. Volucris enim cœli asportabit uocem tuam, & qui habet alas sermonem tuum renunciabit.

Volucrem cœli sunt qui putent esse animam ipsam, uel spiritum nobis insitum: habentem uero alas, aut spiritum sanctum qui apparuit in columbæ specie, quiq; omnia complet, omnia nouit, aut ipsos sanctos angelos. Contrā uero nonnulli habentem alas, pro diabolo accipiendum dicunt: uolucres uero cœli, parentes diabolo aëreas potestates. Secundum uero utranq; expositionē ita intellige. Ne regi, neue diuiti impreceris, ac ne in penetralibus quidem. Tua nanque maledicta excurrens fama deferet ad illius aures, cui tu malum imprecatus fueris. Imprecari uero quempiam dicimus, cum malum aliquod uel sibi, uel proximo aduenire uotis exposcit.

CAPVT XI



MITTE panem tuum super faciem aquæ, quia in multitudine dierum inuenies illum.

Esa. 58

Scriptū est: Frange esurienti panem tuum. Cæterum panis appellatione, omne genus elemosynæ designatur. Dicit ergo Ecclesiastes: Cum laachrymis & misericordie affectu facito elemosynam: huius enim fructus tecum permanebit in seculum.

Psal. 143

Aliter. Aquas pro hominum conuentiunculis & congregatione solet appellare scriptura, iuxta illud: Libera me de aquis multis & de manu filiorum alienorum. Inquit ergo: O tu quisquis es diuine legis interpres ac doctor, alimentum uerbi quod tibi gratia spiritus sancti liberaliter dedit, sine ulla intermissione pauperibus & egenis imparti, præmium ministerij huius relaturus, ut cum deo uerbo uiuas iunctus in secula.

Da partem ipsis septem, partē quoque dato & ipsis octo, quia ignoras quid futurum sit mali super terram.

Qui credit ueteri testamento, partem dedit ipsis septem, propter sabbati cultum qui in lege ueteri continetur, quiq; tunc spiritali sanctificatione perficitur, cum à peccatis desistimus ac requiescimus. Qui uero nouum recipit testamentum, partem suam dedit & ipsis octo, propter dominicā resurrectionē, quam octauo celebra-

mus

mus die, hoc est, sabbatū insequente, ut primo quodam initio resurrectionis seculi; futuri. Inquit ergo: Recipe uetus ac nouū testamentū. Vel aliter. Nostræ huius uitæ tempus septem dierum numero designatur. Inquit enim scriptura: Requieuit deus die septimo ab omni opere quod patrarat. Initiū uero futuri seculi, octaua est dies, cuius symbolum nobis est dominica resurrectio. Quod ergo nos monet Ecclesiastes, hoc est: Modeste, inquit, uiue in præsentī seculo, & thesauriza tibi per operum bonorum exequutionē, quæ ad futuræ uitæ bonum pertineant, atq; ita partem ipsis septem dato, & ipsis octo. Aliter. Septē dona spiritus numerat Esaias. Potest igitur christianus populus apposita quadam collatione per septenariū numerum designari, cum septem spiritualibus donis ditatus fuerit. Octonario autem numero designabitur populus iudæorū, qui octauo die circumcisionis accepit signum. Inquit ergo: Confer eleemosynā in omnes homines. Quod autem inquit, quia non cognoscis quid mali futurum sit super terram, ad omnes potest accommodari expositiones, quas modo attuli, ita uidelicet. Recipe duo testamenta, ut ignorantie pariter ac nequitie tenebras procul abs te repellas. Vel, modeste age quæ ad huius pertinent uitæ officia, cogitans assidue & de futuro seculo. Neque enim nostri quam grauiā reposita sint tormenta ijs, qui neq; septenarijs partem suam dederunt neque octonarijs. Vel, eleemosynā omnibus confer in cordis tui simplicitate:

neq; enim nosti, quis hominū uere indigeat, quis uere sit
nudata paupertate per auaritiam petat.

Si repletæ fuerint nubes pluuiā, in
terram effundunt: & si decidat lignum
ad austrum siue ad boream, in loco ubi
ceciderit lignum ibi desidebit.

Prima quidem particula huius loci, literalī sensu
potest ad eleemosynā referri: quia sicut nubes iussu di-
uino imbrem super omnes homines spargunt, ita con-
uenit eleemosynā cunctis hominibus impartiri. My-
stico autem & sublimiori sensu, nubes pro sanctis uiris
Dent. 32 accipiuntur, quorū unus fuit Moyses, qui dicit: Expec-
tetur ut pluuiā eloquiū meum. Sancti ergo repleti diuino
uerbo, quale scilicet factum est ad Osee, sanctosq; alios,
effundunt fecundū imbrem, non super solam Iudeam,
sed & in omnem terram in quam exiit sonus eorum.
Et hæc quidem de prima particula loci huius, quæ ad
pluuiam pertinet. Ligna uero in scripturis sacris signifi-
cant modo iustos uiros, modo etiam peccatores. Auster
autem accipitur pro illustri loco ac lucido, uel pro ue-
rissima illa luce, quæ est Iesus Christus dominus deus
noster. Contrā uero Boreas pro caliginoso ac tenebra-
rum pleno accipitur loco, proq; ipso diabolo, qui in te-
nebris habitat. In quocunq; igitur loco seu illustri seu
tenebroso, hoc est, siue in turpi scelerū statione, siue in
honesta uirtutum deprehendatur homo cum moritur,
in eo gradu atque ordine permanet in æternum. Nam
uel

uel requiescit in lumine felicitatis æternæ cum iustis & Christo domino, uel in tenebris cruciatur cum iniquis, & principe mundi huius diabolo.

Qui obseruat uentum non seminat, & qui considerat nubes non metet. Sicut non est qui sciat quæ uia sit spiritus, neq; quomodo compingantur ossa in uentre prægnantis, ita non cognosces opera dei quotcuncq; faciurus est.

Qui uentos obseruant, sationi minus incumbunt. Plerunque enim contingit, ut qui hodie perflat uentus, crastina die sit quieturus: aut contrà bacchaturus sit die crastina, qui hodie conquiescit: hodie cum pluat, cras erit aër serenus. Non oportet ergo uentos obseruare, sed spe bona sationem facere, deo confidentes auctori bonorum omnium. Nam si præ obseruatione nubium ac uentorum differamus sationis tempus, irritam deinde messem experiemur. Sed etiam si maxime uelimus, obseruare nō possumus aëris qualitates: neq; enim scimus uiam ipsius spiritus. Sapienter namq; ac uarie deus humanis consulit rebus. Neque aliter ignoramus dei erga nos consilia & dispensationes, quàm & ossa quæ compinguntur & gestantur in uentre prægnantis. Quis enim nouit, masculus ne ibi deliteat an fœmina? integrum uel gignatur, an parte aliqua corporis imperfectum? Quod si ignoramus quale nam sit quod in utero genitricis compingitur, multo ignorabimus magis, quæ

nam ratione offula illa, quā embryon uocant, in corpus animalis coalescat & cōformetur, quo etiam pacto ossa componātur, quōue totius corporis sibi congruat harmonia. Inquit ergo: Tu quoq; ne tantopere sis sollicitus curiose quærendo cui sis eleemosynam daturus, cui non daturus, ut puta fidelis ne sit ille an infidelis, iustus ne an iniustus. Etenim si pendebris animo ista disquirens, amittes sationis tempus, neq; inuenies in tēpore mēsis quod metas. Sine ulla itaq; dilatione temporis, in simplicitate cordis tui eleemosynam confr: neq; enim scis an sp̄ritus eum uiuificet, quem tu fōrtasse putas iniustum, contraq; illum à se repellat, quem tu iustum existimas.

Mane semina semen tuū, & uespere ne cessat manus tua, qā nescis magis ne puenturū sit hoc an illud: quod si utraq; in idem tendant, bonum hoc erit.

Qui tenebras ignorantie ab intellectu suo procul expellit, cum sit in ipso principio uirtutū, mane primo
 Ioan. 9 sationem facit, iuxta illud: Donec dies est operamini. Quod si hic ad finē permaneat, officiose uiuens, secundum uirtutē operatus dici potest usq; ad uesperā, ita ut manū suam ab opere non remisit neq; cessarit. Inquit ergo: Virtutem aggressus, perscuera usq; in finem: neq; enim nouisti quenā ex tuis bonis opribus placitura sint iudici, illāne quæ iuxta carceres peregisti, an ea quæ iam perductus ad metam. Quod si utraque eodem pariter modo deo approbentur, bonitatis & perfectionis
 plena

plena censetur huiusmodi operatio. Aut aliter ita intellige. Ab ineunte pueritia operare uirtutem, neque dixeris, nunc adolescentior cum sim, fruor delicijs quas habet uita: postea uero cum ad senectutem peruenero, ad poenitentiam me conuertam: nequaquam enim nosti quid tibi euenturū sit, aut quando tibi aderit finis uitæ. Est itaq; operæ precii operari semper uirtutem, summaq; contentione ad hanc assequendam conari. Oportet etiam sæpe deum precari, ut quæ ipsi operamur, suæ sint maiestati placita & bonitati.

Dulce lumen, & bonū est oculis uidere solē. Si annis multis uixerit homo, in omnibus his lætabitur & recordabitur opera tenebrarū: quoniā multæ tenebræ erunt, & omne quod aduenit uanitas.

Docet nos hoc loco Ecclesiastes quale sit illud mane, quo nos hortatus est sationem facere: hoc est, suaue prorsus ac dulce oculis ipsius intellectus. Mane inquam illud, quod producit iustitiæ sol, animas nostras interno splendore illustrans. Sicut qui solem hūc sensibilem uident, per ipsius lumen uisibilia intuentur, atq; ita sensus ipsos uarijs officijs intendunt: qui uero solem nō uident in tenebris desident octiosi, eo quod non uideāt quæ solis lumine illustrantur: ita pari ratione & qui intelligibile contuetur solem, lumen in mente sua recipiūt, per quod planè uident atq; cognoscunt quæ ad eiusdem solis uoluntatem sibi agenda sunt, quæ ne etiam dimittenda. Is.

autem qui ad diuini uerbi sententiã uiuendum sibi constituat, tametsi multos annos uersetur in uita hac, quæ difficilis ferme ab omnibus existimatur, anima tamen sua uoluptate lætitiãq; perfunditur, cum non solum completatur animo & intelligat quæ agenda sibi sunt in practico uitæ cursu, uerumetiam mente pacatissima contempletur pulcherrimas illas species, quæ à materia seiunctæ, solo intellectu percipiuntur. Speculatur autẽ hæc, lucidissimis iustitiæ solis fulgoribus illustratus. Neque uero tantũ hæc ipsa contuetur, uerum reputat animo & tenebrarũ dies, qui in futuro seculo sunt impios comprehensuri. Et cum meminerit dies illos perennes fore, peccatoresq; ipsos post rerum omnium uanitatem uenturos ad æterna supplicia, omni studio & contentione declinat à malo, bonumq; operatur.

Lætare iuuenis in adolescentia tua,
& bonis fruatur cor tuũ in diebus adolescentiæ tuæ, & immaculatus deambula in semitis cordis tui, & in uisione oculorum tuorum.

Cũ dicat ambula immaculatus in semitis cordis tui, planè ostendit quod ad spiritualẽ lætitiã hoc loco iuuenem cohortatur. Iuuenẽ uero intelligit, qui sit animo robustus ac fortis, & qui tutò possit atq; intrepide contra diaboli colluctationes in campũ descendere, aptum exuere antiquũ hominem, nouumq; induere, qui sit ad imaginem dei factus. Hic autem qui ambulat immacu-
latus in

latus in semitis cordis sui, hoc est, animam in tuto loco constituens mentemq; purificans, habet utiq; & puros sui corporis sensus, redditurq; aptissimus ad mirabiles pulchritudines contēplandas, letitiam summam percipiens in spiritali adolescentia, internaq; mentis perspicua uisione. Quia uero mascula nomē clatura per se pe scriptura utitur in his locis, in quibus fœminas æque ac uiros ad uirtutē hortatur, sciendum est quod à principali parte ac sexu orationē aggreditur: mulieris namq; caput est uir: una uero utriq; animæ est substantia, & unum sumus omnes in domino, cum fœminei sexus uirilēq; differētia ad corpus solum pertineat. Quare etsi hoc loco adolescentem solum uideas adhortationē accipere, sub huius tamen adhortationis lege fœminas putato æque ac uiros ipsos cōprehendi. Verba quoq; illa Pauli apostoli, quibus inquit: Despondi uos uni uiro uirginem castam exhibere Christo: tam ad uiros pertinere quàm ad mulieres existimato. Et cognosce in his omnibus, quod ducet te deus in iudicio.

2. Cor. 11

CAPVT XII



IT remoue iram à corde tuo, & abducito malignitatē à carne tua, quoniam iuuentus & amentia uanitas. Et memento creatoris tui in diebus adolescentiæ tuæ, antequam ueniant dies afflictionis

146 OLYMP. IN ECCLESIAST.
& anni, in quibus dices, non est uoluntas mea in eis.

Hoc loco in memoriā nobis reuocat diuinū iudiciū, loquiturq; tanq̃ autoritatē habens: Remoue iram à corde tuo. Potes enim cum sis præditus ratione, iracundiā frenare. Malignitatē uero carnis, accipit pro omni peccato. Nā et Apostolus opera carnis uocat opa peccati. Præcipua uero malignitas carnis est ipsa libido. Passiones uero quas dicimus, sunt motus incōstantis animi ac iuuenilis. Animo autē iuuenili amētia ferè plerunq; annexa est, quæ nihil est aliud quàm mera uanitas. Inquit ergo: Si uelis exuere hūc iuuenilem animū, & petulantis superbiæ motum freno cōpescere, indelebile dei memoriā conseruato. Dies autē adolescentiæ, præsentis uitæ dies significāt: uerè stultiitiæ dies, si ad perfectionē cōparentur futuræ uitæ. Si enim in præsentī uitā memoriā dei abieceris, incumbit iam tibi tēpus punitionis, quod diem uocat afflictionis, cum peccatores tunc puniendi sint, & tunc dices, non est uoluntas mea in ipsis. Nullus enim cū torquetur, tormētis carere nollet. Qui ergo in hac uita non secutus domini præcepta, sed suas cupiditates, ex amentia et animi imperfectiōne facit ea quæ uult, in tēpore punitionis torquetur ita ut nō uult.

Anteq̃ obtenebrescat sol & lumē & luna & stellæ, & reuertant̃ retro nubes à pluuiā, in die in qua cōmoueunt̃ custodes domus, & in obliquū deprauati fuerint

fuerint uiri fortitudinis, & cessauerint molentes, quoniā ad paucitatē redactæ fuerint, & obtenebrescēt quę aspiciunt per foramina, & occludēt ianuas in platea in infirmitate uocis molentis.

Audiui quempiam qui uerba loci huius putaret ad particularē uniuscuiusq; interitum pertinere: alium qui ad uniuersalē mundi consumptionē: alium item qui ad altiore sensum referret: quæ omnia paucis omnino uobis explicabo. Orationem cōuertit Ecclesiastes ad eum quem admonendū suscepit, aitq;: Rationē habeto tuæ salutis, eamq; curato diligēter, donec uti potes libero uoluntatis arbitrio, integrūq; tibi est ad uirtutē accedere. Post hanc etenim uita tibi accidet non sicuti uis, sed torqueberis sicuti non uis. Rationem itaq; tuā habeto ante obitus diem, antequā scilicet tibi sol obtenebrescat, & luna & stellæ: huiusmodi enim tenebræ unicuiq; contingunt in extremo uitæ obitu. Tu itaq; curato salutem tuam, priusquā in aquā terranq; soluaris. Corpus enim hoc nostrum quod ueluti nubes quædam uidetur animæ superincumbere ac superposuū esse, defunctis nobis in similia elementa resoluitur, aquam scilicet atq; aërem. In ipso etiam mortis die domus, hoc est, animæ custodes cōmouentur, & in obliquum declinant, ac remittuntur quæ prius rectæ ac intensæ fuerant rationis uires, quæ hoc loco uiri fortitudinis nuncupantur: dolent enim ac conturbātur in ipso formidabili à corpore nostro exitu.

Possunt & custodes domus intelligi, corporis nostri
 materiales oculi ac sensibiles, qui in mortis articulo con-
 tuendi uires extinguere sentiunt. Tunc etiam molentes o-
 ciosi sunt, hoc est, dentes ipsi ac molares, qui inditos ori
 cibos molunt atq; cōminuunt: non quod prorsus nume-
 ro pauci fiant, sed quia ad paucitatem uirtutis officijq;
 deueniant. Pupillæ quoq; oculorum, quæ ueluti per for-
 ramina quædam prospiciunt, tenebris obducuntur, cum
 meatus omnes & operationū uia, quibus usi sumus in
 uita, penitus occluduntur. Incipit enim tūc homo tenui
 uocis filo ac infirmo loqui, cū in extremo respirat, uoce
 uix ægræq; & per dentes resonāte. Prius itaq; quàm tē
 hæc mortis incōmoda cōprehendant, cura ut in officio
 sis, opererisq; uirtutem. Aliter ad uniuersalē mundi
 finem ita hæc accōmodare poteris. Sicuti per uerbum
 dei creatura mundi creata est, ita & diuino iussu quan-
 doq; resoluatur. Cum enim ad seculorū finem mundus
 peruenerit, superuacuis erit usus luminariū: tunc plu-
 uia opus non erit quæ irriget terrā, sed nubes quodam-
 modo à pluuia retro cōuertentur, hoc est, pluuiam nul-
 lam dabunt: uel cum pluuia pariter soluentur & eua-
 nescant, cum neq; nubium neq; imbrium usus aliquis sit
 futurus: uel tunc in aliud ministerium domino deo obe-
 dient, uehicula fortasse gestandis sanctis effectæ. Tunc
 & custodes domus cōmoueuntur, hoc est sancti, for-
 titudinis uiri hoc loco nuncupati, qui tunc in obliquum
 paulisper declinabūt & secedent, propter antichristū:
 non quod

non quod penitus reſtitudinē iuſtitie remiſſuri ſint aut caſuri. Ipsi enim ſunt cuſtodes eccleſie & mundi huius, quorū præſidio conſiſtit & conſeruatur. Tunc & molentes redigentur ad paucitatē. Molentes pro ipsis Iudeis accipiendi ſunt, qui tanquā in piſtrino molentes, graue legis iugū laborioſumq; pertrahunt. Redigentur autem ad paucitatē, quia præter paucos, cæteri omnes ad fidem Chriſti conuerſi erunt. Tunc enim ſaluus erit omnis Iſraël, hoc eſt, plurimi ex Iſraël. Tunc pauci illi qui ad fidem Chriſti non acceſſerint, qui nunc dici poſſunt modicū quid per foramina literæ legalis aſpicere, cæcitate ultima caligabūt & tenebreſcent, cum in ipſo errore penitus fuerint confirmati, & uiuentes in obſtinatione & contumacia, ianuam ſalutis ſibiſſis occluſerint. Plateam uero ſiue forum pro præſenti uita intellege. Illud autē patientur Iudei quod ſuperius dictū eſt, eo quod permanserint contumaces in infirmitate uocis molētis, hoc eſt, legalis literæ. Grauis enim lex eſt, atq; etiam debilis & infirma, cum iuſtificare neminē poſſit, ſicut & Apoſtolus inquit: Infirmitas enim legis, in qua Rom. 8 infirmata eſt propter carnem. & quæ ſequuntur.

Et cōſurget ad uocem paſſerculi uel auiculæ, & humiliabuntur omnes filiæ cantici, & ab altitudine uidebunt & ſtupore in uia.

Hoc loco ſapiens noſter Eccleſiaſtes loquitur de extremo iudicij die, quando mortui conſurgent in iuſſu

Et uoce tubæ archangeli. Iussu autem passeris, hoc est,
 uerbi, quod carneū corpus assumpsit, qui propter solita-
 tariam suam in cruce mansionē de seipso dixit per pro-
 phetā Dauid: Factus sum sicut passer solitarius in tecto.
 Tunc humiliabūtur filiæ cantici, hoc est, animæ ratio-
 nales mortalium hominū, quæ in delicijs et in uoce or-
 gani et cantus suauitate, musicisq; instrumentis oblecta-
 te nimium fuerint. Aut animas intellige falsa docentiū
 magistrorū ac mendaciū prophetarū, quæ sonora uolu-
 bilitate uerborū quasi dulci quodam cantico, pernicio-
 sa uoluptate occuparint aures et animū auditorū. Sed
 et ipsæ Iudæorū animæ, quæ filiæ sunt cantici prophe-
 tarū, humiliabūtur, quoniā non audierūt canentes pro-
 phetas et uocantes eas ad fidē Christi: sicut cecinit Esa-
 ias: Cantabo dilecto canticū dilecti: et quæ sunt generis
 eiusdem. Omnes itaq; prædictæ peccatorū animæ, sed
 fortasse et iustorū animæ admirabūtur et obstupescunt,
 quando adducētur in uiam iudicij, et uidebunt ex alto
 uenientem in nubibus filiū hominis in gloria patris sui.

Florebit amygdalus, & pinguescet
 locusta, & dissipabitur capparitis.

Cum præsentē uitam animo Salomon reputaret, in
 Cantico canticorū inquit: Hyems transijt: tristitiā uitæ
 huius ac turbulentiā denotans. Ver autē nominauit fu-
 turā in splendore gloriæ uitam iustorū. Sequitur enim:
 Flores uisi sunt in terra nostra. Idem ergo nunc sibi in-
 mentē uenit, atq; ait, quod tunc in gloria resurrectionis
 florebit

florebit amygdalus, pinguescet locusta, & aperietur capparitis (ita enim alius interpres exposuit.) hæc autē omnia Vere ipso proueniunt. Ait ergo, futuram uitam uerno tempore esse maxime comparandam. Aliter. Qui agriculturæ sunt periti, aiunt ante cæteras arbores efflorescere amygdalū, & reliquarū postremā folia exuere, ut uideatur quodāmodo frondibus uirere perpetuis. Scimus autē nuces amygdalas triplices esse. Nam ex-
 trinfecus uiridem calicem ligneæ testæ, siue duriori putamini imposuū habent, cui nucleus inest, quem comedimus. Talis uero est homo è corpore, anima, spirituq; cōpositus. Inquit ergo: Tunc florebit iusti sicut amygdali, habentes in uigore & gloria, corpus, animā & spiritū. Aliter. Virga Aaron quam germinasse credimus, nuces protulit, gerens signū saluatoris domini Iesu Christi, qui uirga fuit egressus è radice Iesse. Ait ergo quod in futuro seculo sacer florebit sermo dignus auditoribus, perfectam tribuens doctrinā. Iustis igitur in hoc gaudio cōstitutis, locusta pinguescet, hoc est peccatorū corpora depascetur infernus, ita ut pinguescere uideatur. Locusta enim hoc loco suppliciū figurat & pœnā, quia & locustis deus Aegyptios deuastauit. In hoc itaq; statu rebus constitutis, florentibus inquam iustis, peccatoribus autem traditis ad æternū suppliciū, dissipatur capparitis & euanescit. Quæ cum amarorē quendā & falsedine habeat, anxietatē figurat solitudinemq; peccati. Ipsum uero peccatū, priuatio quedā cum sit, neq;

reuera subsistat : in nihilū redigetur atq; cessabit , cum homines exacto iudicio, amplius in hoc mundo peccaturi non sint.

Quoniam iuit homo in domū æternitatis suæ.

Psal. 119

Inquit propheta Dauid : Hei mihi quia incolatus meus prolongatus est: non perpetuam habitationē, sed incolatū uocans præsentem uitam . Tunc ergo, inquit, cōmigrans homo è præsentī incolatu, in æternā suā domum, hoc est futurum seculum perueniet.

Et circūierunt in foro plangentes.

Tunc & qui fuerunt in hac uita peccatores, plorabunt & se perculient. Forum uero siue platea præsens dicitur uita, propter crebras rerū uices ac mutationes.

Anteq̃ eueriatur funiculus argenti.

Orationem conuertit ad auditorē quem admonendum suscepit, aitq; : Cura adolescens ut pijs operibus tuāq; probitate seuerum uenturum iudicem tibi placabilem reddas atq; demulceas, antequam per supremam iudicij flammā deleantur huius mundi diuitiæ , funiculusq; auaritiæ scindatur, qui materiam præbet omnibus peccatis ad homines implicandos: radix enim malorum omnium auaritia perhibetur . Antequā igitur excedas ab hac uita, in qua uiget dolosa pecunia & auaritiæ studiū, dispone omnes operationes tuas, ut securus iudicij futuri egredi possis.

Et anteq̃

Et antequā conteratur flos auri.

Florem auri pulchritudinē intellige, uel arcam repositorium'ue in quo aurum repositū asseruamus. Ait ergo: Antequam preciosa mundi huius supellex dispareat, accede ad uirtutem. Aliter. Argentū plurimis in scripturæ locis pro diuino sermone accipitur, aurum uero pro intellectu ac mente. Thecam uero auri intelligimus nostrum cerebrū. It aigitur uerba hæc expones. Antequam transeat tibi doctrina sacræ scripturæ, quæ instar triplicis funiculi ac flagelli, malas nostras affectiones uitiaq; depellit, dum potes cerebrū tuum purgare, donecq; es in uita, multam tui rationem habeto.

Et antequā conteratur hydria super fontem.

Hoc loco Ecclesiastes noster philosophatur de massa ac globo humani corporis. Ne quis enim putaret corpus hoc nostrum, quod in morte resoluitur in nihilum, perpetuò abiturum esse, symbolice nobis ostendit suam reparabilem perennitatē. Sicut enim hydria iuxta fontem attrita, aqua non perit, nec euanescit, sed in fontem suum reuertitur, rursusq; cum quis uoluerit aquā poterit haurire de fonte: ita et corpus quod in elementa resoluitur, in fontem suum, terram uidelicet ipsam redit, paratū iterum in membra componi, quando autor ille uoluerit, qui ab initio illud plasmavit. Aliter. Aqua hydræ in fonte non perit, sed ad suam plenitudinē inter-

gritatemq; accedit, in fonte ipso existentem. Quando igitur quod ex parte est euacuatū fuerit, iuxta Apostolum, tunc ueniet quod perfectum est. Particularis itaq; hæc nostra cognitio, quæ nunc nobis inest, tunc perfectionem suam accipiens, erit uelut aqua hydrice, ad plenitudinem fontis deueniens, fonti parte tunc addita, quæ fons prius carebat.

Et antequam conuoluatur rota super lacum.

Alijs eandem sententiã uerbis expressit. Conuolui enim rotam super lacum, est rotã conuoluendo infringi ac decidere in lacum siue cisternam unã cum aqua ipsa, quam figuli suo operi superinfundūt. Rotam enim hoc loco accipit cisternæ uel puteo appositã, quæ figuli solent aquam exhaurire. Similiter autẽ hic quoq; aquam intelligit in lacũ deferri, sicut superius suum in fontem.

Aliter. Rota accipitur pro nostra hac uita, ob ipsas
 Psal. 28 reuolutiones ac motus, iuxta illud: Vox tonitruī tui in
 rota. Inquit ergo: Anteq̃ rota huius uitæ nos secũ precipites deuoluat in lacũ, propriã curemus salutem. Lacus
 Psal. 39 uero pro inferno accipitur, iuxta quod alibi dicitur: Saluasti me de lacu inferiori, & à descendētib; in lacum.

Et antequã reuertatur puluis in terram sicut erat.

Corpus nanq; nostrũ in affine sibi elementũ terram
 Gen. 3 soluitur, iuxta illud: Terra es, & in terrã reuerteris.

Et spiritus

Et spiritus reuertatur ad deum qui dedit illum.

Spiritus si cum animæ uocabulo cōiunctus legatur, potiorē animæ uim, hoc est, intellectu mentemq; significat. Sin uero ita simpliciter et absolute positū inuenias, sine ulla mētionē animæ, sicut hoc loco ponitur, pro anima ipsa positus intelligitur. Inquit ergo: Cum in terrā corpus resoluitur, anima reuertitur ad deum, redditura rationē rerū quas gessit in uita creatori suo. Neq; enim de terra plasmata est anima nostra rationalis, sed talis existit, qualē solus ille nouit, qui eam creauit. Nostroq; huic terreno corpori colligatur, sicut etiā & à corpore educitur, cū illi soli placuerit, qui eā corpori colligauit.

Vanitas uanitatū dixit Ecclesiastes, omnia uanitas, & amplius: quod fuerit ipse Ecclesiastes sapiens, & docuerit hominem scientiam. Et auris inuestigabit elegantiam parabolarum.

Repetit hoc loco quem superius persæpe usurpauit sermonem, asseritq; omnia quæcunque sunt in mundo uanitatem esse, se uero ipsum nonnihil amplius quàm ceteros homines accepisse, hoc est, egregiæ ac singularis sapientiæ propriam possessionem: sola nanque sapientia solius est sapientis possessio. Ait præterea se hanc sapientiæ possessionem sine inuidia cæteris communicasse hominibus, tam uidelicet ea tradentem quæ

ad sensibiliū rerum spectant cognitionē, quā ea quæ à materia seiuncta intellectu solo percipiuntur. Tum subinfert, quod qui purgatam habuerit aurem, qualem uidelicet ille qui dicit: Apposuit mihi aurem ut audirē: poterit facile inuestigare elegantias scientiarū, quæ in prouerbijs continētur. Aut aliter ita intellige. Qui habuerit elegantem aurem ornatam in auribus uerbi diuini, qualem habuit Rebecca, quæ accepit in aures à puero seu seruo Abraham, hic poterit audire atq; percipere quæ parabolice traduntur.

Multum quæsiuit Ecclesiastes ut inueniret sermones uolūtatis, & scriptos rectitudinis sermones ueritatis. Verba sapientū sicut stimuli boum, & sicut clauī igniti, quæ ex cōstitutionibus tradita sunt à pastore uno, et superfluū ex ipsis.

Sermones uoluntatis intelligit conformes sermones uoluntati diuinæ, quos quisquis sequutus homo fuerit, percipiet gloriam uitæ, ac felicitatis æternæ. Vel sermones intelligit mysteria continentes, de quibus ait saluator in psalmis David: Vt facerem uoluntatē tuam deus meus uolui. Voluntas autē fuit patris, ut unigenitus filius suus humanam carnem assumeret. Voluntatis itaq; diuinæ sermones, ipsiusq; sapientiæ, quæ & rectitudo & ueritas iure optimo nuncupatur, quæ sui, inquit noster Ecclesiastes, ex ijs monumentis, quæ scripta prophetæ

phetæ nobis reliquerūt. Neq; enim satis est tantūmodo uoluisse, nisi & multo quoq; studio perquiramus. Qui enim querit inuenit; & pulsanti aperietur. Hæc igitur cum quæsisset Ecclesiastes, cognouit quod uerba prophetarū pieq; de deo sententiū patrum, sunt persimilia stimulis boum. Sicut enim stimuli boues pungunt, urgentq; aratro sulcum proscindere, ita & theologorum uerba excitant nos, qui spe bona aramus, proscindere sulcum spiritualem: ut cum purgatus fuerit ager cordis nostri, pulchros in eo uirtutis surculos conferamus. Similia quoq; sunt clauis ignitis atq; candentibus, qui altius ac facilius lignis infiguntur: ita & sapientiū uerba theologorum, in penitissimos sinus intellectus nostri altius figuntur. Hæc autem uerba tradita sunt nobis ex constitutionibus: alia uero exemplaria habent, è compositionibus. Constitutiones autem siue compositiones, intellige opera dei, quæ admirabili ac supremo ordine & harmonia disposita et cōstituta sunt: ex quibus proportionem quadam ac similitudine ducimur in aliquā dei opificis cognitionē. Poteris & constitutiones hoc loco accipere pacta utriusque testamenti, ueteris scilicet ac noui. Vnde autem cognitio data est nobis, ut & sensibilia specularemur, & intelligeremus quæ intellectualia sunt? Ex uno nempe pastore. Quo autem? qui scilicet & in cœlis & in terra rationales pascit creaturas: qui & dixit: Ego sum pastor bonus. Sequitur autem: Et Ioan. 10

superfluum ex ipsis. Quodnam superfluum ex harum
 scilicet rerum cognitione? Ampla enim & permagni-
 fica cognoscimus, utputa, quod hereditas nostra uita
 eterna futura est: quod bonus ille pastor dignatus est
 noster fieri magister: & (quod deniq; in suprema felici-
 tate locandum est) quod qui digni habiti sumus imper-
 fecta hac cognitione, quæ est ex parte dum uiuamus, ad
 perfectã deinde in futuro seculo ueniemus, puri pariter
 à sancta consubstantiali trinitate illustrandi.

Fili caue tibi à faciendis multis libris,
 quoniã non est finis, & meditatio mul-
 ta carnis labor.

Multi libri multiq; sermones, qui nõ tendunt ad unũ
 eundemq; propositũ finem, conturbant animã legentis
 atq; confundunt. Quoties uero cunq; de uera religione
 sermonẽ quis faciat, tametsi in longum spaciũ tempo-
 ris illum protrahat, sicut Apostolus fecit, qui in schola
 trinoctium de mysterijs Christi perdocuit: is neq; tunc
 multa dicit, neq; molestus est & importunus, imò uero
 potius auditores satiare non potest. Talia etiã sunt san-
 ctæ scripturæ uolumina, quæ multis cõscripta uersibus,
 multa tamen nequaquã dicuntur, sed lex domini nuncu-
 patur: quandoquidem unus in utroq; testamento legis
 est lator, libriq; omnes sanctæ scripturæ in eundẽ finem
 scopumq; feruntur: sicut et nos dominus docuit, qui uere
 magnus est Ecclesiastes, patrisq; sapientia, his maxime
 uerbis:

uerbis: Diliges dominū deum tuum ex toto corde tuo, Matth. 22
 & proximū tuū sicut teipsum: in his enim duobus man-
 datis, tota lex & prophetæ pendent. Vides ne igitur ut
 in sermone uno & uerbo abbreviato, multiloqui libri
 & argumentosi cōprehendantur, neq; ideo multi sint?
 Quæ sunt itaq; uolumina quæ nos dehortatur compo-
 nere Ecclesiastes? Nempe gentiliū uolumina & monu-
 menta, qui scilicet alter alterius euertunt & impugnāt
 sentētiās, semperq; inter sese grauiissimū bellum gerūt.
 Necnō absterret nos ab hæreticorū libris inuicem dissi-
 dentīū, recētibusq; Iudeorū uoluminibus ac secundarijs,
 quæ infinita propè sunt, fabulisq; conferta. Dum enim
 scripturas nouis quibusdā figuris interpretari student,
 in ridiculas fabellas et genealogias conuersi sunt, tradi-
 tionesq; ediderūt à sententia scriptoris longissime aber-
 rantes. Multa itaq; meditatio, quæ in huiusmodi confi-
 ciendis libris adhibetur, solū affert laborē carnis, & as-
 fligit corpus sine ulla utilitate ac fructu. Meditatio uero
 quā intendimus circa diuinos libros, in qua nos uersari
 die noctuq; sanctus Dauid hortatur, cū dicit: Et in lege Psal. 1
 eius meditabitur die ac nocte: non labor est carnis, sed
 exultatio spiritus. Quamuis enim in sudore & lachry-
 mis seminemus, laborātes circa honestū, in exultatione
 tamen metemus inclytū uirtutis fructū. Bonorū siquidē Sap. 9
 laborū, gloriosus est fructus. Aduertendū est autē quod
 filiū suum uocat Ecclesiastes, quæ admonendū suscepit.

Curandū est igitur nobis, ut omni studio paternā hanc dignationem seruemus. Quod profecto faciemus si paternā mandata non transgrediamur. Quod uero ait, nō est finis intellige, homines sine fine uersari circa res uanas, uel quod res uanæ propositum finem fructumq; illum non habent, quem consequi possimus illas persequentes: uel quod infinita laborū est multitudo, qui per orbem terrarum circumsfruntur.

Audi supremū finem sermonis: Deū time, & mandata eius obserua: quoniā hoc est omnis homo. Omne opus adducet deus in iudiciū, in omni quod omisum fuerit, siue bonum siue malum.

Ego, inquit, tibi compendiosam & breuissimam salutis uiam ostendo: Deum time, & mandata eius obserua. Timorem uero intellige, non qui est ualde imperfectorū quasiq; seruilis, quo incipientes ac timidi introducuntur in uirtutis ac pietatis uiam: (Hic namq; propter imminentes minas formidataq; supplicia, perturbatio ne non caret) sed intellige timorem domini sanctum & sanctificatē, quem debemus ex charitate pioq; affectu erga illum qui leges tulit, mandataq; seruari sua instituit. Si enim carnem à fornicatione compescamus supplicij metu, nō charitate iubentis, quis dubitet quin sublato iudicij poenarūq; terrore, in fœdas libidines prolapsuri simus, cum stupri desiderium in pectore habeamus?

Quod

Quod & de cæteris flagitijs quæ lege nobis prohibentur intelligendum est. Si uero non minarum metu atq; supplicij, sed odio uitiorum peccare nolumus, tunc charitate prosequentes latorem legis, mandata eius seruamus, et cauemus seduli ne defluamus. Sancto enim timori adiuncta est operatio: sicut et qui operatur, idem etiã timet ne quod præceptum contemnat atq; posthabeat. Timor hic itaq; sanctus cū ab honestate proficiascatur, nostras sanctificat animas et charitati æquipollet. Qui uero timorem hunc habet, & mandata dei custodit, hic est sapiens omnis homo, hoc est, integer & undecunq; perfectus. Hæc itaque, inquit, securus operare: certus quod omne opus humanum à liberi arbitrij facultate profectum adducet deus in iudicium, rationem à nobis exigēs corū quæ gesserimus in uita, quæq; etiam facere omiserimus, siue illa bona sint siue etiam mala. Omittuntur autem persæpe multa sedulo ac uolentibus nobis, multaq; rursus nobis inuitis. Nam si cum possim bene quid facere, illud tamē sciens bonum esse omitto atq; posthabeo, hæc uolūtaria est omisio. Si uero per ignorantiam boni, omisi operari bonum quod poteram, hæc ipsa omisio præter uoluntatem contingit. Accidit autem ut inuiti quādoq; bonum operemur, persæpe uero scientes atq; consultò: rursusq; contraria ratione, malum persæpe aggredimur conscij quid patremus, nostramq; conscientiam contemnentes: hoc sanē ipsum uoluntarium est peccatum. Quandoq; uero per igno-

rantiam patramus aliquid quod lege diuina prohibetur ne fiat, quod sanè peccatum præter nostram uoluntatem contigisse putandum est. De huiusmodi uero peccatis & beatus David orabat dicens: Delicta quis intelligit? Ab occultis meis munda me domine: hoc est, quæ per ignorantiam peccaui, cum mala esse nescirem. Nos autem bene iam per Ecclesiasten edoculi, timeamus deum, & illius mandata custodiamus, omni nostra contentione ac studio: summa enim salutis nostræ in misericordijs domini, ac benignitate iudicis reposita est: cum quo, & per quem, deo patri est gloria, sanctoq; spiritui, & nunc & in secula seculorum. Amen.

OLYMPIODORI FINIS.

ARISTEAS AD PHILOCRATEM 163

CRATEM FRATREM, DE LXXII.

INTERPRETIBVS, MATTHIA

PALMERIO PISANO IN

TERPRETE.

PROOEMIUM ARISTEAE.



VM permagni semper feceris
Philocrates cuiusque rei cogni-
tionem, miroq; discendi amore
tenearis, rem præstantem et co-
gnitu dignā ad te scribere statui,
quæ nuper nobis contigit apud
Eleazarum summum Iudæorum sacerdotem. Verum
enim quo harū rerum faciliōr tibi foret cognitio, causas
primum ob quas eō missi sumus, inde rem ipsam quā
uerissime explicare conabor, cum propter ipsius rei di-
gnitatem, tum propter eam (quæ animo tuo insita est)
rerum omnium noscendi cupiditatem. Inest namq; id ho-
mini præstantissimū, ut uel ab historijs, uel ab ipsis re-
bus semper aliquid discat. Sic enim rudis adhuc animus
et quasi infans maxime exornatur, cum in initio pul-
cherrima quæq; et rerum dignissima cōplectens, pie-
tatem lege infallibili, rationemq; sequitur. Igitur cum
rerū diuinarū notitiam magno studio perquireremus,
et diuina lex sine interprete cognosci non posset, nos
pro eius translatione legationem uel ultro suscepimus;

ad hūc talem uirum qui bonitate & gloria, & à suis ci-
uibus, & alijs omnibus honoratissimus habeatur: quiq;
magno decori atq; usui sit, nō solum ijs quibus cum unā
uērſatur, sed cæteris etiā ciuibus quocunq; in loco sint:
diuina siquidem lex apud eos membranis cōscripta, li-
teris hæbraicis continetur. Hanc uero rem nos cupide
egimus, sumpta à rege proficiſcendi occasione à Iudæo-
rum colonijs, quæ primum à patre huius regis, qui ur-
bem & prouinciā obtinuit, in Aegyptū deductæ sunt.
Sed quando in harum rerum mentionē deuenimus, di-
gnum duximus eadem tibi aperire, quo maior inde esset
cognitio. Arbitramur te nanq; uenerando cultui longe
magis intendere, quā hominum, etsi sanctas, legum
constitutiones inquirere: quod quidem desiderii tuum
uel maxime patet, quando ex insula ad nos usque pro-
fectus sis, ea solum gratia, ut quicquid ubiq; esset quod
animum exornaret, coram cognosceres. Etenim primo
quæ memoratu digna uisa sunt de Iudæorū genere, ad
te scripsi, sicuti accepi ab eruditissimis Aegypti sacra-
dotibus, uiris quidem prudentissimis, quo eruditionem
hāc tuam si quo modo possem iuuarem. Oportet enim
acceptas gratias omnibus quidem referre, sed maxime
similibus: uerū multo magis tibi, cui cognita sit uirtus:
neq; solum ex genere ipso fratris morem refras, sed &
ad decus quidem & pulchritudinē, eodem mecum im-
petu ducaris. Neq; enim auri gratia, aut quouis precio-
sissimarū rerum ad inanem gloriam apparatus, eos no-
bis

bis fructus afferunt, quales ab eruditionis institutione, earumq; rerum consideratione percipimus. Sed ne longius præfati, nos ad ostentationem exercere uideamur, iam redeat unde discessit oratio. Demetrius Phaleus cū regis bibliotheca præpositus esset, diligenti cura elaborabat, ut ex uniuerso orbe, quoad fieri posset, uolumina compararet, distributis per opportuna loca hominibus, qui libros & emerent & transcriberent. Quo studio demum perfecit, ut quantum in se erat adimpleretur regis propositū. Nam, præsentibus nobis, cum ab eo peteretur quot librorū millia congregasset, inquit: Rex supra ducenta millia iam in bibliothecam redacta sunt, breuiq; numerū adimplebo, qui ad quingentorū millium summam ascendat. Nunciatur quoq; mihi Iudeorū leges transcriptione dignas esse, & quæ in bibliotheca tua habeantur. Quid igitur obstat? ait: quid te hoc facere prohibet? Nōne omnia tibi in hunc usum prompta, subiectaq; sunt? Cum respondisset Demetrius, interpretatione opus esse, quoniā ita proprijs characteribus secundum eorum linguam Iudei uterentur, quemadmodum & Aegyptij suarum literarum dispositionem ad propriā uocem sequantur. Nam longe falluntur qui Syria lingua illos loqui putant, cum alius sit illorū dicendi modus. Intercipiens ea rex inquit, scripturū sese ad Iudeorū pontificem, ut omnia perficiantur. Hic equidem tempus adesse ratus sum eos liberandi, quos ex Iudæa regis pater traduxerat, quaq; pro re

Narratio.

sepe rogauerã Sosibium Tarentinũ, & Andreã præfẽctum corporis custodum. Ille enim unã cum Andrea ducente exercitũ per Coelesyriã atq; Phœniciã, omnia sibi subiecit. Nam hos quidem in coloniã, illos in prædã abduxit, cuncta terrore prosternens, adeo ut ex Iudæa hominũ centũ millia in Aegyptũ deduceret. Ex quorũ numero armatis electorũ triginta millibus, eos in prouinciæ custodiã disposuit. Antea quoq; & multi cũ Persis, atq; inde alijs, cum socijs qui aduersus Aethiopũ regem cum Psammitico missi sunt, uenerãt: sed non tanta multitudine affuerunt, quantã solus Ptolemæus Lagus deduxit. Nam sicuti diximus, ille uiros quosq; ætate atq; robore præstantes eligens, armauit: ceterã uero colluuiõẽ iuniorũ, senum, et foëminarũ, in coloniã insituit, ea mente, ut si quando milites sui ob bellorũ necessitatẽ insolescerent, his eorum iactantiam compesceret. Nos igitur qui ad horum hominum libertatem, modum aliquem (quemadmodũ dictum est) perquirebamus, sumpta tunc opportunitate, uerbis huiusmodi ad regem usi sumus: Non absurdum est rex, si aliquando accadat, ut quis ab ipsa re redarguatur. Nam cum omnibus Iudæis una sit lex, quam nos non solum transcribere cupimus, sed interpretari, quã ratione ad eos mittemus, quando in regno tuo detinetur magna eorũ multitudo? Verum enim diues animus & præstans, solutis ijs qui in ærumnis habentur, legem peteret: præsertim quando Deus ipse regnũ tuum fortunet, qui illis eam legem dedit, propter

pter quam tantopere laboramus: omnium enim factorem & creatorem deum isti colunt, quem & mortales omnes. Sed nos rex aliter denominantes, Iouem appellamus, quemadmodum non insipienter maiores nostri significarunt: quoniam singula quæ sunt, per eum & fiant & uiuant, quem ductorem omnium & dominatorem uolunt: qui etsi omnes mortales subiectos habeat, tamen splendore animi præfulgens, implorantiū uota minime fallit: sic & nos animo deum precari debemus, ut mentem nostram erga omnium libertatem recte instituat. Nam cum figmentum dei genus hominū sit, & mutetur rursus atq; uertatur ab eo, propter hoc sæpius multisq; modis precamur dominatorem cordium, ea perficere quæ imploramus. Hoc equidem sermone magnā spem conceperam rei patrandæ, cum præsertim recta precantibus diuinum quoq; numen adsit. Quæ enim ad iustitiam atq; bonorum operum rationem tendunt, si ea homines sancte agere enituntur, dominator omnium deus, illorū actiones affectusq; dirigit. Rex tunc paululum se inclinans, uultu exhilarato, Quot, inquit, millia esse arbitraris? Andreas qui aderat breui respondit: Supra centum millia. Tunc rex: Paruum est, inquit, quod nos orat Aristæas. Sosibius autem & astantium quidam: Dignū est aiunt tua magnanimitate rex, si horū libertatem pro gratiarū munere, maximo deo offeras. Nam cum maxime honoratus es à dominatore omnium, & sublatus super maiores tuos, decens quoq; est ut ma-

iores etiam tu gratias referas. Hic rex conuiuio in lætitia effusus, conquiri omnes præcepit, ac singulorū corpora drachmis uiginti redimi, proponiq; super his edicta, celeri hac in re promptitudine usus. Deus enim desideria nostra perficiebat, impellebatq; illum nō solum eos libertati reddere, qui ab exercitu patris transducti fuerant, sed omnes qui & prius & postea quocunque modo in regnum peruenissent. Precium autem redemptorū supra quadringenta talenta ascendit. Edicti uero exemplū ad te transcribere, haud absurdum duxi, quo clarius appareat, & rei magnitudo, & regis facilitas. Deus enim illum in multorum salutem impulit.

Edictum liberationis Iudæorum.

OMnes qui cum patre meo per Syriam atq; Phœniciam militantes, Iudæam terram intrauerunt, abduxeruntq; Iudæorū corpora quæ in urbibus, in agro, alijsq; operibus relegauerūt, ea omnia soluere iubemus & libera esse. Præterea & Iudæos omnes qui uel prius uel postea quocunq; modo abducti sint, libertati restituere: pro quibus statim in corpus quodq; drachmas uiginti accipiant, quas milites quidem in cibariorū distributione, ceteri ex regia mensa sument. Arbitramur nanque præter patris mei consilia, præterq; æquum & rectum hos captiuos deductos, uastatamq; regionem, atq; hominum huiusmodi in Aegyptum deductionē, militum temeritate factam esse putamus. Satis enim cōmodi sibi fuerat ex loci militibus, quando prouincia omnis dicto pareret.

pareret. Cum igitur iusta uniuerſis hominibus reddere intendamus, atque ijs maxime quibus per iniuriam dominatur, perſcrutantes ſingula quæ ad rectum iuſtumq; ducunt, ac pietatem ante omnia proponētes, quæcunq; Iudaicorum corporum ubique, uel in colonijs, uel quocunq; modo in regnum deducta, capite ſeruiant, libera eſſe cenſemus. Ad hæc ne quis damno afficiatur, iubemus, ut omnes, tribus diebus ex quo hoc edictum fixum fuerit, extemplo libellos porrigant, quibus certò contineatur, quot quiſq; capita libertati tradiderit: hoc enim ſic perfici, & nobis & regno conducere arbitramur. Eorum uero qui non paruerint, bona publicentur: quos quiſquis deſerre uoluerit, cuiuſcunq; ſententiam aperiatur imperamus.

Perfecto edicto, cum id regi traderetur, ut cognosceret an ita ex uoluntate ſua conſcriptum eſſet, & cætera omnia adēſſent, præter hoc tantum, Et qui antea & quiq; poſtea in regnū perueniſſent: rex id ipſum ob magnificentiā adiecit, moxq; accumulata pecuniam depromi, ac miniſtris numularijsq; ſuis diſtribui iubet. Diebus uero ſeptem perfecta eſt huiuſmodi diſtributio, perſolutaq; ſunt ſupra ſexcentorū ſexaginta talentorū millia. Nam ingens puerorū multitudo cum ipſis matribus libertati reddita eſt, & in cuiuſq; capita pro regis iuſſu drachmæ uiginti appenſæ: hanc enim ſummā cum uoluptate perfici mandauerat. Poſt hæc imperat rex Demetrio, ut ſummam hebraicorum uoluntinū ſibi

libello præbeat. Mos namque regibus his, cuncta edictis proferre, ita ut nec minimū quidem sine rescripto agatur, propter magnificentiā, & certam rerum fidem. Quapropter quo res ipsas uel oculis cernere possis, rogationis & epistolarum exempla traduxi. Licet enim ipsis in tabulis cerni liberatorum multitudinem, quōue quisque habitu & arte differret. Rogationis uero Demetrii ad regem exemplum hoc est.

Demetrii rogatio.

Cum instituissem rex ut uolumina undique perquirerentur, quæ ad implendā bibliothecā tuam decentemq; ornatum facerent, id equidem omni diligentia cuncta perscrutans, tibi significo Iudeorū legis libros, & paucos quosdam adhuc deesse. Illa quidem hebraicis literis & lingua conscripta est, & propter hoc hactenus suis tantum cognita, ad regias manus adhuc minime peruenit. Sed digna est ut ipsa quoq; inter tuos libros habeatur, cum propter sapientiā quæ in illa continetur, tum propter eius sublimitatem, utpote diuinā. Cuius rei gratia & apud poetas & historicos, horum uoluminū frequens est mentio, quoniam perutilis sit & ad regendos mores, & respublicas instituendas, ob hominū præstantiam, qui illic describuntur, & rerum uenerationē, quemadmodū Hecateus Abderites inquit. Igitur si tibi uidetur rex, scribatur Hierosolymam ad Pontificem, ut mittat ad te ex omni tribu sex, uiros quidem optimis moribus institutos, & ætate uenerandos, ac ipsius legis meditatione

meditatione doctissimi: ut multis omni acumine interpretantibus, consonū quoddā eligētes, rem tanto opere tuāq; electione dignā conficiamus. Perpetuò uale.

Hac rogatione accepta, rex literas ad Eleazarum de his rebus decernit, quibus significabatur captiuorū liberatio. Addit præterea ad sacerdotū decus, crateras, phialas, mensam, atq; libamina, auri pondo talēta quinquaginta, argenti septuaginta, & preciosorū lapidum ingens precium. Præcepit ad hæc ærarijs & artificibus cuncta ad opus ilico præbeant, & pecuniā ad sacrificia atq; alios usus talentorū centum. Sed quò huius apparatus quæq; rectius intelligas, regiæ epistolæ exēpla, quæ huiusmodi uerbis extat, affēremus.

Rex Ptolemæus Eleazaro summo Iudeorum sacerdoti S. P. D.

CVM Iudeorum plurimi nostram regionem incoleant, qui Hierosolymis abducti fuerant eo tempore quo Persæ rerum potiebantur, quiq; patrē meum in Aegyptum uincti sequuti sunt, ex quibus plures in militū ordinem adegit, fidos quosque in præsidijs collocans, quo auxilio munitus insolescentes Aegyptios compesceret: nos post ubi regni gubernacula cepimus, benignitate erga omnes, tum maxime erga ciues tuos affecti, eorū supra centū millia libertate donauimus, in capita quæq; digno precio dominis reddito. Studemus enim ea ratione cōponere, si quā armorū impetus à bono rectoq; deduxit: arbitantes pie id agere, si hoc munus pro gra

tijs reframus magno deo, qui regnū nostrum pace atq;
gloria insigni, per uniuersum orbem concelebrauerit.
Quapropter alios qui in exercitu seruiabant, ut contu-
bernales essent, effecimus: alios qui fide digni haberen-
tur, aulæ nostræ prefecimus. Sed cum his & uniuersis
qui per orbē sparsi sunt Iudæis grata edere cupiamus,
instituiumus legem uestrā quæ hebraicis literis contine-
tur, in græcam transferri linguam, ut & ipsa quoq; in
bibliotheca apud nos, cum alijs regijs libris habeatur.
Recte igitur facies & rem nostro studio dignam, si ex
omni tribu sex elegeris seniores, qui quamoptime edu-
cati sint, & in legis eruditione comprobati, quiq; ad in-
terpretandum optimi sint. Nam quando ad eam inter-
pretandam acutiori meditatione opus est, ex plurium
consideratione uerum elicietur. Arbitramur siquidem
tanto opere perfectō, magnā inde nos gloriam assequu-
turos. Mittimus igitur harum rerum gratia, Andream
custodum corporis nostri principē, & Aristeam, uiros
quidem apud nos honoratos, qui munera ad sacrificia
aliosq; usus offerant, argenti talenta centum. Tu uero
si ad nos rescribas, si quid est quod desideres, rem gra-
tam nobis & amicitie dignam facies: statim enim per-
ficiemus, quæ te cupere intelligemus.

Eleazarus epistola hac accepta, uerbis
huiusmodi respondit.

Eleazarus pontifex regi Ptolemæo amico splendidi-
ssimo salutem. Si uales & regina Arsenoë, soror &
liberi,

liberi, bene est, & ut uolumus. Ego quoq; ualeo. Literæ tuæ magno nos gaudio affecerunt, cum propter consiliū tuum & institutum, tum propter egregiam erga nos uoluntatē: quibus acceptis aduocato in concionem populo, multa de benignitate tua erga nos differuimus, ut cognoscerent oblationes & pietatē tuam erga deum nostrum, ostentantes aureas phialas uiginti, & argenteas triginta quas misisti, crateres quinque, & mensam propositionis, atq; argenti inde talenta centum in uicis marum apparatus, aliosq; usus, quorum sacra indigent: quæ obtulerunt Andreas præstantium unus apud te, & Aristas, uiri quidē pulchritudine & moribus insignes, doctrinaq; præstantes, tua profecto instructione & iustitia rebus omnibus digni, qui nobis desiderium tuum, quemadmodum & literis continebatur, plurimè explicauerunt. Igilur cuncta quæ tibi cordi sunt, quanquam difficilia, perficiemus: quod magnū amicitie & amoris argumentū est: maximo enim beneficio & incomparabili, ciues nostros afficisti. Quare extemplo sacrificium laudis pro te, pro sorore, pro liberis, & amicis obtulimus: & omnis multitudo id orauit, ut bene sit tibi dirigatq; uoluntatem tuam in omnibus, & fortunet regnum tuum in pace & gloria dominator omnium Deus. Utq; sacræ legis translatio multa tibi tranquillitate & cōmodo eueniat, peractis sacris, nos ex omnibus (nam aderāt omnes) elegimus uiros bonos & uenerandos ex omni tribu sex, quos unā cum lege mittimus. Bene itaq;

facies rex iustissime, si perfecta librorum interpretatione, uiros ad nos dimiseris. "Vale.

Hi sunt uiri qui ex cunctis Iudeorū tribubus profecti sunt. Ex prima tribu: Iosephus, Ezechias, Zacarias, Ioannes, Ezechias, Heliscus. Ex secūda: Iudas, Simon, Somoëlus, Adeus, Matthias, Eschemias. Ex tertia: Neemias, Iosephus, Theodosius, Baseas, Ornias Datis. Ex quarta: Ionathas, Auxeus, Heliscus, Ananias, Chabrias, Sachus. Ex quinta: Iasacus, Iacobus Iesus, Cabateus, Simon, Leuis. Ex sexta: Iudas, Iosephus, Simon, Zacarias, Somelus, Selemias. Ex septima: Sabbateus, Iason, Iesus, Theodorus, Ioannes, Ionathas. Ex octaua: Theodosius, Iason, Iesus, Theodotus, Ioannes, Ionathas. Ex nona: Theophilus, Abrahamus, Arsamus, Iason, Endemias, Danielus. Ex decima: Ieremias, Eleazarus, Zacarias, Bancas, Eliscus, Datheus. Ex xi. Samuel, Iosephus, Iudas, Ioathes, Cabel, Desitheus. Ex xij. Isacelus, Ioannes, Theodosius, Arsamenus, Abietas, Ezeceus. Omnes LXXII.

HAEC quidem ad regiam epistolā responsa sunt. Nunc ea ornamēta quae apud Eleazarū inuenimus, & quae missa ad eum sunt, tibi perquam breui explicare conabor. Vario enim opere, singulariq; elegātia perfecta sunt, rege non modo cuncta abundantissime praebente, sed sic artificū quosque per se circūeunte, ut ne minimū quidem illis praetermittendi uagandiq; locus daretur. Mensa quidem primo enarranda est, quoniā singulari studio

studio expolita sit. Rex enim in eo opere præstans quid atq; elegans reddere cupiens, eiusq; mensæ quæ Hierosolymis uictimas reciperet, dimensioes ornatusq; exposcit. Ea ubi accepit, maior ne recipi possit rogat. Quod cum et sacerdotū quidam et aliorū respondissent nihil prohibere, inquit rex, uelle se in quincuplū excellere, ni ueretur ne incōmoda sacrificiātibus reddatur magnitudo. Nam non solū quid capiat locus cōsiderandū est, sed multo magis gratam quandā habitudinē ad ea sacra quæ suprà præparāda sunt, intendendū. Non enim auri inopia (quādo cuncta illis abundarēt) breuioribus mensuris quæ adsit, compositā arbitrandū esse, sed ratione quadam eiusmodi dimensioibus perfectā apparere ait: quapropter neq; si longior altior ue fabricetur, recte se habere putare. Igitur cuncta reuoluēs, ut est ingenio ad singula iudicāda bono, promptoq; illā summis artificū ingenijs uariante opere expoliri iubet, ita ut quæcunq; cœclata essent, ad speciem pulchritudinēq; plana uero ad mensurā referreūtur. Eius enim longitudinē duorū cubitorum, altitudinē uero cubiti unius et semissem perfecte runt, non lentescēte in folia metallo eius arcem superlīniēte, sed auro purissimo totā solidā elaborauerūt. Huic mensæ in circuitu inerat corona palmi unius: plectæ inde et reticulæ sculpturā connexāt, inter sese reticularū speciem opere referētes: interrasili expolitæ sunt in tribus lateribus. Est enī mēsa triangularis, et per singulas partes eandē ad opus dispositionē habēs, ita ut ad quoda-

cunq; te latus uertas, eandē faciem frontemq; exisimes. Nam si per adiacentem coronam ad ipsius mensæ planiciem inspexeris, miræ pulchritudinis forma refulget. Exterior uero tractus, propter excellentem geminorū laterum fulgorem, quæ prospectui subiiciuntur, oculos perstringit. Nam triangularis mensa, sicut suprā diximus, quocunq; modo uertatur, eandem frontem, eandemq; opportunitatem præbet. Preciosorū uero lapidum ornatus illi inerat per medias funium cōnexiones: sic enim alius apud alium disponebatur, ut inimitabilis operis implicationē redderent, sustentabanturq; omnes extenuatis ex auro fibulis ob firmitudinē infixi. At iuncturæ angulis ad constringendum inuicem opus sic concludebātur, ut inspectantes fallerent. In latitudine autē circa coronulam in circuitu ad superiorem aspectum, lapides qui quandam ouiculorum similitudinē referrent, componebantur. Iungebantur & crassiores inde uirgulæ, sculptura paululum extantes, & densa inter se positione fulgentes, quæ mensam omnem ambirent. Inferius autē sub huiusmodi lapidum ouiculatione, coronulam omni fructu cōtextam, artificis manus ita expolierant, ut in ipsis coronæ thoris colligatas uuas, spicas, palmulas, mala, oleas, rosas, & similiū plura ostenderent: in quibus nexi auro lapides, qui colore specieq; fructus quosque redderent, mira arte illigabantur, quæ singula in mensæ circuitu frontem, lateraq; ornatu simili ambiebant. Coronæ ouulorum ornatus iungitur.

Adduntur

Adduntur & reliqua uirgulati, sculptiq; decoris, quæ ab utraq; parte auream mensam sic complexa sunt, ut quacunq; uertatur, eandem sculpturæ undantiumq; pliarum prospectum, & coronæ elegantia usq; ad locum pedum retineant. Etenim laminā totius mensæ solidam altitudine digitorum quatuor fecerant, quò in ea pedes firmitus infererentur: quos quidem ad ipsam coronā obscuris clausuris fibulæ stringebant, ita ut siquando mensa uertatur, utraq; parte utilis, peropportunaq; esset, et eundem afficientibus decorem præberet. Mensæ uero superficiem Meander curuatis sinibus influere uidetur, in cuius uerticibus alucoq; preciosi lapides, carbunculi, smaragdi, onichini, & cuiuscunq; generis plures, decora specie fulgent. Post huiusmodi amnem, trica quædā innectitur, uisu mirabile, quæ romborum prospectum præbens, crystallo, electroq; figurabatur: in qua quidam terso opere, spectantium etiam formæ referebantur. At pedes in liliorū figuras expolierant artificis manus, quæ repandis in ipso uertice folijs mensam sustentaret, erectis intrinsecus ad aspectum frondulis: in pauimento pedes huiusmodi firmabantur. Carbunculi lapidis extensio erat in circuitu palmi unius, abrupti cuiusdā speciem uisui præbens, producebaturq; in latitudinē digitorum octo, quam supra fulcri huius onus omne recumbit. Ex hoc autem lapide hedera assurgit, quæ florido achanto innexa, uiti implicatur, qua cum unā pendens tibus undiq; racemis, ad summum usq; circumambiunt.

Sed pedibus (qui quatuor mensæ suberant) similis operis dispositio, prospectusq; unus erat. Enimuero sic cuncta diligenti arte, præstantiq; expertorum hominum opere perfectæ sunt, ut non uera modo fallerēt, sed leui quoq; aura frondium crepitum exaudias, reserentibus singulis uerarum rerum imagines. Fecerant & mensæ labia undiq; mobilia, quæ inexplicabilis clauus sic inter sese per operis crassitudinē innectebat, ut uisu, cognitu uē iuncturæ nusquam paterent. Inerat namq; mensæ per totum non minus semicubiti crassitudo: ex quo multorum talentorū sumptus exposculauit. Nam ubi statuit rex prioris magnitudinem haudquaquā superandam esse, id omne & longe plura quod antea magnitudini adijci concupierat, ornatui abundantissime præbuit: cunctaq; pro regis desiderio excellenter, eleganterq; expolita sunt arte inimitabili, et pulchritudine decora. Craterum uero duo à base ad medium usque squameo ornatu, opere egregio uisum fallerāt, relucens per squamarum media lapidibus multa arte dispositis. Hos supra Meander fluuius unius cubiti altitudine ambit, lapidum uarietate & specie inenarrabili cuncta implicans. Post hunc uirgultorum ornatus, inde romborum trica ad summū labium sequens, retis speciem præbet: per quorum medium in clypei formam lapides sic componebantur, ut non minus digitorū quatuor spacio inter se distarent, quo fulgore gratior inerat pulchritudo. Supra labium uero, liliorum corona floribus racemisq; innectitur.

innectitur, quæ implicatorum inter se funium speciem referens, omnia circumambit. Hi enim crateres tali ex auro ornatu decori, supra duas metretas capiunt. At argentei crateres præstantiori decore exornabantur, opere terfo. In eo enim sic intrinsecus singula relucet, et clarius etiam quam in speculis apparere soleant. Nec dictu facile est, quam ad ueri formas cuncta expolita essent, adeo ut si huiusmodi uasa aliud apud aliud disponantur, utpote si primo argenteus crater, inde aureus, ac deinceps argenteus, et item aureus eodem ordine statuuntur, res prorsus mira aspectui efficietur, et quæ intueri non possit, oculorum aciem hebetante fulgore. Nam si te ad aurei crateris ornatum uerteris, tanto splendore uarij operis oculi percutiuntur, ut præ admiratione, radiorumque multitudinem qui inde emittuntur, abstrahatur animus et deficiat. Et rursus si ad argenteos te deflectere uolueris, omnibus circummicantibus maior luminis effusio ita occupat intuentem, ut omnino operis structuram cernere nequeat. Phialas uero aureas ita perfecerunt, ut sertis uitis eorum media exornarentur, oras et labia hedera myrtus atque oleæ, in coronæ modum ambirent: in quibus preciosi lapides, per comoda quæque loca inserebantur. Singula namque artifices ad excellentiâ quandam regie gloriæ sic expolierant, ut neque in regis ararijs, neque ornamentis, neque usquam alibi quicquam inueniretur, aut ornatus aut operis elegantioris. Rex enim gloriæ audax, in his exornandis curam quam diligentissimâ, ma-

gnificentissimamq; habuit. Nam sepius ueniens, opus per sese inuisebat, atque opificibus immixtus nonnulla mutabat: studio quoq; instans ne loco moueātur, donec singula ex sententia sua perficiātur. Quapropter cuncta perquam eleganter, decenterq; expolita sunt, tum propter regis ipsius præstantiam, tum propter Pontificis dignitatē, qui tanto loco præerat ad quem mittebantur. Etenim preciosorū lapidum ingens multitudo et ignota, sed qui mira magnitudine præstarēt ad quinque millium numerum fuerunt, artificio tamen cuncta superante: ita ut lapidum munus artificumq; manus, in quincuplū auri pondus elegantia, precioq; excellerent. Hæc idcirco ad te scripsi, quoniam utilitatis plurimum ad rerum cognitionem tibi allatura putarem. Ea uero quæ sequuntur, cuncta iter nostrum ad Eleazarū continebunt. Quod ut clarius intelligas, prouinciā primum omnem figurabo. Enimvero ubi ad loca uentum est, uerbum in monte suspicimus totius Iudaicæ regionis mediam, sublimem prospectū præbentem: in cuius uertice

Templum templum apparebat uisu pulcherrimū. Hoc muri tres
Salomonis circumambiant, altitudine supra septuaginta cubitos
 sublimes: latitudine ea quæ ad altitudinem deceret: longitudine omnem templi apparatū magnifico opere & decore circūeunt. Portarum uero aspectus, & lapidum connexiones, & superluminariū mirum decus, summa claritudine fulgent, utpote quæ nulla sumptuum parsimonia ob magnificentiam cuncta abundantissime constructa

structa fuerant. Erat et extrinsecus uelum, quo templū in circuitu clauditur, appensum, simili portarū magnificentia: quod quidem uisu iucundissimum spectaculum prebebat, tum maxime cū mota per pauimentū aura uelum subintrans, illud ad summum usque crispantibus sinibus in undarum morem motat. Altare illic pro loco cōuenientissime constructū, propter hostias quæ superā incenduntur, fumario amplectitur. Ascensus autē erant ad illud pro loci magnificētia perquam decenter & ad decorem simul additi, & cōmodum sacrificantū sacerdotum, qui talaribus ex bisso tunicis induuntur. Templum ipsum ad orientem solem uersum, occiduo terga monstrat: cuius tractus quadam dimensionum inter se cōuenientia, uenusti decoris formā præ se ferunt. Solum omne strato lapide ornatur. Aquarū uero receptacula, quæ plurimæ ad diluendum iugulariū hostiarum sanguinem funduntur, cōmodis locis occultuntur. Nam festis diebus multa uictimarum millia cæduntur. Etenim tantus est eductarū aquarum assiduus fluxus, ut perennem fontem inundare putes. Sed mirabilius est & ferè inenarrabile, subterrancorum conceptaculorū magnitudo, quæ ad quinq; usque stadia per circuitum templi cuncta penetrat. Plumbeæ ad ea fistulæ quacunq; per muros & templi solum, quibus omnia abluantur mundeanturq; descendunt. Sunt & apud aræ basim frequentes aperturæ, omnibus quidem, nisi ijs qui ministrant, incognitæ, quarum influxu & impetu omnis ex hostia

rum multitudine cruor purgetur. Receptarum autem
 aquarum multitudinē per hunc modum cōiectauimus.
 Nam cum nos ultra quatuor stadia extra urbem dedu-
 xissent ad quendam locum, iubent nos subterfluentium
 undarum sonitum exaudire, qui mihi quidem magnorū
 uasorum confluxus uisus est. Verūmenimvero ministē-
 rium sacerdotum robore, decore & silentio cūcta su-
 perabat, omnibus sua sponte laborātibus, quando quis-
 que institutum opus iniussus curat: hi quidem ligna, hi
 oleum, hi similia, alij aromata, alij carnes incendētes,
 & roboris excellentiā quandam, dexteritatemq; osten-
 tant. Sumptis enim duobus uitulorū cruribus, quæ pon-
 do supra duo talenta sint, mira in altum facilitate sic de-
 center proijciunt, ut nunquā à loco aberrant. Similiter
 ouium caprarumq; pondera iaciunt. Sunt enim hostiæ
 omnes absque macula, & pingui præstantes. Sternitur
 & ad quietem locus, ubi omnes cubant, unde nullo ex-
 citante, celeres quiq; ad opus per uices exurgūt. Silen-
 tium uero tantū inest, ut cum septingenti ferē ministro-
 rum continuo adsint, & offerentiū libamina multitudo
 ingens, nec unum quidem hominem loco uersari putes:
 summa nanq; ueneratione cūcta, & magna dei pietate
 perficiūtur. Maxima uero omnium illa nos tenuit admi-
 ratio, ubi primum Eleazarū ad sacra conspiciamus, stola
 ac uestibus quibus utitur indutū, & sua gloria astantē,
 & preciosorū lapidum fulgore nitentem. Aurea nanq;
 tintinabula in circuitu uestimenti eius appensa, sua uena
 concentum

concentum reddunt, interq; punica mala, miro colore uarijsq; floribus unumquodq; distinguit. Cingulum supra pulcherrimis coloribus intextū perquam decenter stringitur. Supra pectus quod rationale dicunt pendet, in quo duodecim lapides uarij generis auro illigantur, quibus cuiuscunq; tribus principum nomina, quæ in initio fuere, scripta sunt. Species natiui coloris inenarrabilis. Caput cidari (ut appellant) ornatur: supra quod mitra decore incōparabili erigitur, regium decus præferens: ex qua dependet lamina aurea, frontē ad supercilia operiens, ubi sacris literis dei nomen inscribitur. Conspectus profecto summæ gloriæ plenus, ac tanto misterio dignus. Tantus enim huiusmodi ornatus fulgor emanat, ut horrorem intuentibus, turbationemq; incutiat, referatq; uenientis ad se hominis speciem. At singulorum conspectus adeò inenarrabilis decoris pulchritudo mentem suspendit, ut illorum quæq; animum in sui considerationē rapiat. Hinc ad contemplandam arcem **Arx Hierusalem** conscendimus, quæ altissimo loco frequētibus turribus, quæ et ipse magnis lapidibus constructæ sunt, iuxta templum cōmunetur: et quantum coniectura colligere possumus, ueluti ipsius templi propugnaculum, ne si quando seditio aut tumultus, hostium uel impetus ingruat, quispiam uiam ad templi claustra penetranda inuenire possit, cum et adiacentibus speculis, arcisq; turribus, tum dispositis ubique machinis, atque prærupti ipsius loci ubi muri assurgunt difficultate, tueantur.

Seruatur autem arx ipsa, dispositis in turres robustissimorum iuuenum fidiſſimis excubijs, qui ob bene de se merita patriæ plurimū debeant. His arcem egrediendi nulla potestas datur, præterquam cum festus dies adfulserit, idq; non nisi ex parte quadam, ac per uices conceditur. Intromittendi quenquā nemini est facultas. Nam summa diligētia perspicuitateq; arcis præfectus, si quando aut rediens quis aut nouus admittatur, ita cuncta explorat, ut falli prorsus nequeat: quemadmodum nobis contigit, qui inermes ac multa rogādo soli duo, iuxta eandem ad inspicienda sacra recepti sumus. Dicebāt enim & sacramento idem firmabant, omnes, qui quingenti ad huius custodiam semper aderant, sacro iurciurando adactos, ne supra quinq; eodem tempore recipiāt, quoniam omnis templi custodia salusq; in ea arce consistat, qua uicta nullum superesset templi propugnaculū. **Circuitus Hierusalē** bis uero ipsius magnitudo quantū colligere potuimus, ad quadraginta stadia in circuitu extendūtur, miro & turrium dispositione spectaculo digna. Earum uiarum strata quæ rectò tendant, multis & opportunis diuerticulis exornant: quippe ut ciuitas quæ in monte constructa sit, multam ad ascensus descensusq; facilitatem habeat: sicut & ad ipsos uiarū exitus transcensus quidam, per quos præstantiores altius incedant, cum alijs depressius catur, & maxime ad primores uias, ne qui sacra ferunt, immundorū contactu inter eundem poluantur. Quare nō iniuria hanc urbem maiores talibus dimensionibus

dimensionibus situq; condidere, sapienter locū captantes. Regio enim lata & pulchra, hinc ad Samaritā finitimosq; Idumæos apertis campis extenditur, illinc consitis collibus & cultu lætitiæq; cōmodis se erigit: ex quo euenit ut cū provincia omnis ferax sit, & summo agricolarum studio excolatur, cuiusq; generis fructu abundet. Ciuitates namq; quæcunq; magnitudine excellunt, & felicitas assequitur, ocio torpescere solent, & agros negligere propter frequentes uoluptates, quibus illecta iuuentus atq; luxui dedita effœminatur. Quod quidem Alexandriæ maxime accidit, quando & magnitudine & fortunis longe excellit: siquidem iuuentus ex agro in urbem confluens, ubi uoluptatū dulcedine distrahitur, atq; operum suorum oblita, residet. Quam ob causam rex instituit, ne homines in ea diutius morarentur, neue quis supra uiginti dies domo abesse posset: idq; nō nisi urgentiū negotiorū gratia tribuit, in quibus ne longius tempus tereretur, cōtrouersias omnes et lites, intra quintum diem decerni finiriq; iussit, lege promulgata, atq; iudicibus ad ea ministrisq; per regiones institutis, ne iudiciorum longitudine agricolæ in urbe uersantes, culturam negligerent, unde ærarium diminutis agrorū tributis damno afficiatur. Hæc idcirco perstrinximus, quoniam singula docente Eleazaro recte cognouimus. Magnum igitur illic agricolarū studium, ingensq; culturæ sollicitudo homines habet. Nam in tanta populari multitudine, & arboribus consita regio est, et frumento

abundans, ubiq; uiret : uestiuntur uineis colles, palmarum ad hæc & glandiferaꝝ arborum multitudo in regione numerari non potest, pecoribus quæ innumera possident, uberrima pascua tondentur. Quapropter recte animaduertent loca huiusmodi multitudini opportuna, unde & urbis apparatus & pagorum frequentiam commodissime disposuere. Eò præterea immensa aromatuꝝ & preciosoruꝝ lapidum auriq; copia ab Arabibus offertur. Prouincia enim negotiationibus apta, se singulis uelut emporium præstat, & urbis opificum multitudine abundat. Nam neq; ullius rei quæ mari aduehitur indiget, quando opportuni illi portus propius adsunt : apud Ascalonem, Ioppem & Gazam, atque item ab Ptolemaide, quæ à rege condita est ciuitas, plurima cõportantur. Vrbs uero ipsa sic in medio horum, quos diximus locos, sita est, ut nõ longe à singulis absit, ex quibus cuncta facili cursu accipiat : cum præsertim uniuersa in circuitu regio, longe lateq; culta, magnam præstet securitatẽ. Circũfluit prouinciã Iordanis perennis fluuius, qui ab ortu ipso decurrẽs, nõ minus sexaginta millia passuũ ambit. In huius fluminis uberiori ripa, posterioribus tẽporibus robustissimi Iudæoruꝝ numero ad sexcenta millia traiecto annæ, agrum obtinuerunt. Ad hæc fluuius ipse æstiuis mensibus plenior factus, eodem modo quemadmodum & Nilus agri plurimũ inundat. Ingreditur inde & aliud per Ptolemaidem flumen, atque unã in mare exit. Sunt & plures quoq; torren:es,

rentes, qui Gazam uersus atque Azotum erumpentes, prouinciam omnem irrigant. Securitatem uero prouincie natura ipsa praestat, locorum asperitate. Nam montibus undiq; circumscripta regio, hinc abscissis rupibus, fluentiumq; concursu effosis uallibus clauditur, illinc implexis altisq; anfractibus sic ubiq; coartatur, ut uiuatoribus per angustos calles transitus pateat. Fertur & in montibus Arabiae adiacentibus, aeris ferriq; metallalla effodi solita: sed postea dum Persae rerum potirentur, huiusmodi ratione derelicta sunt, ueluti inuutilis & sumptuosa esset effossio. Hanc enim contumeliam incolae loci confinxerunt, ne & regio fossoribus subterretur, neue ea occasione inuentis apertisq; faucibus, externis inde aditus in regionem aperirentur. Sed de his haecenus, quae ob cognitionis facilitatem carptim ad te perstrinxi Philocrates frater. Deinceps quae ad interpretationem sunt, aperiam. Eliguntur igitur uiri optimi & doctrina praestantes, omnes claris parentibus orti: non Iudaicarum tantum literarum eruditione excellentes, sed qui graecam quoq; linguam multa meditatione excoluerint: quapropter ad legationes commodi semper paratiq; aderant, munusq; huiusmodi si quando res postulat ipsi obeunt. Conciones etenim, & de lege interrogati responsa, mira facilitate peragunt, & ad discendum & ad iudicandum prompti, atq; qui omni iam explosa barbarie, ipsi iucundissimorum morum suauitate praediti, uitae atq; ordinis mediocritatem quandam,

quod quidem pulcherrimū est, sequuntur, hac una in re nitentes ceteros superare, ut & prudentia & doctrina uincant: hoc enim illis est studium, hoc perquirunt, in hoc uiribus omnibus enituntur, scilicet ut consuetudine inter æquales, mites audiendo respondendoq; alius alij præstet. Cum quisq; suorū principatu propter uirtutē dignus habeatur, operæ precii est cognoscere quanta pietate Eleazarum obseruent, quantoq; illos amore & ipse prosequatur. Nam ut prætermittam eius ad regem literas pro eorum reditu, multa in super rogando, homines Andreæ cōmendabat, ut omni conatu in eorum gratia ageremus. Cui cum respondissemus curæ omnia nobis fore, propterea animo quiescere: Imò, inquit, & longe animo angor. Noui enim regem uirum diligentē & bonorum amatorem, quantaq; industria præstantes uiros inquirat, adeò ut nihil potius ducat, quàm ad omnia loca mittere, ubi acceperit egregium quempiam hominem, uel disciplina uel prudentia singularem. Nam illum quoq; dicere solitū audiui, & recte quidē, in hoc magnū regni esse tutamen & robur, circa se quamplurimos uiros habeat iustos & prudentes, qui quocunq; casu in amicorum cōmodum consulant. Quod quidem in his experior, qui ab eo mittuntur. Exin iureiurando affirmat sese huiusmodi homines minime missurum, si propria quædam ingruat necessitas: sed ob cōmune ciuium cōmodum, pro quo omnia pati possit, nihil negare audere. Nam etsi recte uiuendi norma in mandatorū obseruatione

obſervatione conſiſtat, id tamen rerum cognitione multo rectius perficitur, quàm ſimplicitate aſſequatur. His igitur atque huiusmodi pluribus claruit, quo ille animo erga tales uiros afficeretur. Dicendum eſt quoq; breuius ter de ijs quæ interrogatus à nobis Eleazarus diſſeruit. Nam cum magna in lege habeatur obſeruatione de cibis & poculis, & his animalibus quæ immunda putantur: idcirco interrogauimus, quando omnia una creatione ſubſiſtant, qua ratione quædam ut immunda ad eſum tactumq; reiſciantur, quæ plurima legis inſtitutio habet, in his proſecto infelicer. Ad ea ille: Non cernis, inquit, quā uim habeat conſuetudo ad recte uiuendum, qualesq; rerum mutationes afferat, atque ut qui malis conuerſantur facile corruptis moribus in procliuē labantur, ſiantq; per omnē uitam miſeri? qui uero ſapientibus & prudentibus aſſueſcunt, ex inſcitia qua tenentur, in rectum bonumq; mutati uita fortunantur? An imaduertens igitur hæc noſter legiſlator, cunctaq; ad pietatem atq; iuſtitiam intendens, ſingula non ſermone tantum docuit, ſed exemplis quæq; demonſtrans, mala prohibuit, ante oculos ponens cuius quæq; gratia à deo creata ſint. Demonſtrat omnium primum, quoniam ſolus ſit deus, cuius potentia conſtent ſingula & regantur, ipſeq; locis omnibus adſit, ſine quo nec minimum quiddam ſubſiſtat, nihilq; cum lateat eorum quæ in terra ab hominibus uel clancidum gerantur: ſed ſingula quæ aut ſecum agat quis, aut cum alio contrahat,

aperta illi atque ante oculos posita esse, futura seu presentia intueri. Hæc igitur omni studio peragens, id maxime ostendere enititur, ut si quando quis in malum adducitur, hauquaquam se latere intelligat: neque aliud quicquam per totam legem animo intendit, nisi ut dei potentiam ostendat. His igitur ab ipso initio intentus demonstrat, cæteros mortales qui plures arbitrantur esse deos, quam potentiores sint ipsis dijs, quos fatuitate quadam colunt. Simulacris enim aut ex lapide aut ligno fabricatis, eorum illa esse formas dicunt, qui suis inuentis utilitatem aliquam ad communem uiuendi usum attulerunt: hos genibus aduoluti, atque extra sese positi, sublato animo adorant. Quod si quis quale eorum sit inuentum roget, ignari prorsus, quoddam natura productum ueluti præclarum illorum compositionem afferant, quam ipsi non fecerint. Quæ in re uani nempe et stolidi comprobantur. Nam et nunc multo quidem doctiores, et ad inueniendum promptiores elegantioresque plures inueniuntur quam priores illi fuerint, neque hos tamen uenerantur ut deos, quanquam harum rerum factores et scriptores grecorum sapientissimi honore dignos putent. Quid enim Aegyptios, atque his finitimos reſtram, alijs longe stultioreſ, quorum alij ſeras, alij reptilium inſenſatorum plurima ſibi conſtituerunt, quæ colerent, quæ adorarent, quibus et uiuis et mortuis uictimas cæderent? Sapiens itaque legiſlator, atque à deo in cognitionem omnium inſtitutus ſingula reuoluens, nos uallo infrangibili,

gibili, murisq; ferreis circumsepsit, ut animo innoxij & corpore mundi, nulla gentium prorsus imitaremur, ac uanis opinionibus abiectis, solū deum qui supra omnes creaturas potest, coleremus. Quamobrem Aegyptiorū sacerdotes, populi principes, qui etsi multis aberrent, tamen in quibusdam nobiscū conueniunt. Nos quidem homines dei appellant, quoniā non sic cæteris eueniat, ut secundum ueritatē dei cultores existant: sed homines mensis poculisq; et umbræ dediti (quod omne illis est studium) uentri tantū indulgeāt: quæ quidem nostrū curat nemo, imò per omnē uiam in sola diuinæ uirtutis cognitione uersamur, ne ulla re polluti, nèue uanis cōuersantes in crimen labamur, undiq; nos puritate cōmuniuit, cum ad esum & potū, tum ad tactū, auditū atq; uisum. Vniuersa enim ad physicā rationem referens, quemadmodum cuncta una potentia subsistant, sic et in singulis alto sensu instituit quibus uteremur, & quibus abstineremus. Vt exempli gratia unū aut alterū percurrā, ne simplicia tantū uerba inspiciens, arbitreris murium aut musculæ & similiū causa, Mosē tantopere in ferendis legibus elaborasse: sed ad mundiciē contēplandā, emendandosq; mores, ad bene recteq; uiuendū cuncta perleganter instituit. Volatiliū namq; quibus quotidie uesceremur, illa tribuit, quæ mansueta & puritate à cæteris seiuncta, frumēto ac seminibus alerētur: ut sunt colūbæ, turtures, pauones, perdices, anseres, ac cætera huiusmodi. Aues uero quarū usum, phibet, feras esse inuenies, &

quæ carne pascantur, quæq; superbientes raptricesq;
 suis in alias uiribus illatæ nusquā cibum quaeritant, nisi
 aliarum auium damno et iniuria, ac maxime mansue-
 tarum. Nec solum in aues inuehuntur, uerum et agnos
 et hoedos rapiunt, homines uiuentes adhuc, et exani-
 mes, contumelia afficiunt. Igitur translatione quadam
 ab his et similitudine usus legislator, ea immunda no-
 minauit, quoniam uellet singula ad considerationē, et
 mentis puritatem referri: atq; ut quisq; quotidianis ex-
 emplis monitus intelligeret, iustitia et æquitate uten-
 dum, neue superbiendo aut rapiendo quicquā omnium
 ledendum esse, quanquam uiribus plurimum ualeas, ad
 recte uitam deducendam: uiuendumq; esse quemadmo-
 dum illæ, quas prædiximus, aues, quæ seninibus mitem
 uitam degunt, nec nostri generis quenquam insequi, ra-
 pere, turbare debere, ueluti ea animalia faciunt quæ ad
 esum prohibet: nec ui ulla in re agendum, nec uiribus
 fidendum esse demonstrat, ijs qui sensu omnino non ca-
 rent. Tenetis igitur, inquit, causam cur nos ab eorum,
 quæ prædiximus, usu prohibuit, propter eam scilicet
 inclinationem quæ singula habent. Ut uero omnibus in
 rebus quibus assuescimus ad emendandos, firmandosq;
 mores ab ipsis brutis intenderit, aduertite. Nam quod
 præcepit nos his quadrupedibus uesci, quibus duo sunt
 labia, et ungulas findunt, signum est, ut nos quoq; ope-
 rationes nostras ad rectū bonumq; partiamur: sic om-
 nia distribuendo, his signis nos ad iustitiam intendere
 coëgit:

cōegit: propter quod etiā à cæteris gētibz diuidimur, ne illorū consuetudine criminibus polluamur. Gentium nanq; plerq; sibiipsis cōmiscētes, magna impietate fœdātur. His prouinciæ & ciuitates omnes deturpatæ, non solū marium cōcubitores sustinere, sed parturientium etiā sanguine inquinatæ, à filiarū insuper incestu non abstinent: à quibus nos longe sciungimur. Vbi uero diuisionis locus signatur, circa eundem & reminiscendū charactere admonemur. Nam quodcumq; scribitur, quæ ungulas findunt: additur, & ruminant: ex quo manifestō admonemur, ea omnia ad earū rerum quas gerimus memoriā referenda. Nam quid profectō aliud sibi uult illa ruminatio, nisi ut assidue quadā uitæ et gestorū nostrorū recordatione cuncta animo recursemus, uoluamusq; Arbitramur enim cibo uitā ea maxime de causa sustentari, quo eius ruminandi similitudine gesta nostra meditemur. Cuius rei gratia & per scripturā inquit: Memoria recordare dei qui fecit in te magna & mirabilia. **Deut. 8** Quæ profectō si consideres, magna mirandaq; apparent. Primo quidem corporis cōpago, alimēti transfusio, ac singulorū membrorū distributio, & mira quædam cōnexio. Verum maiori longe admiratione digna uidebūtur, si ad unūquodq; sensuū compositionē adueras, si quæ sint mentis actiones, & motus inuisibiles consideres, utq; quaq; in re ingenij acumen, perspicacitasq; eluceat, unde innumerabiliū penè artium inuentio prodijit. Quapropter recte iussit meminisse, quemadmodū

huiusmodi omnia diuina potentia & fabricatione perfecta sint, atq; ut singula tempore & loco circūscripsit, memoriā semper reuocans ad considerationē dominantis omnium, & perfectoris dei. Etenim, ut à mensis potculisq; incipiamus, recte iussit tunc deum laudare, cum mensæ accūbimus: in qua quidem nec aliquid ad confabulandū concessit, quod diuini numinis memoriā abijceret. Simili quoq; ratione supra portas & ostia ea culaugia figere instituit, quæ dei cogitationē mentibus innoquarent. Apertissimo enim id signo ostendit, omne studiū nostrū ad æquitatis puritatisq; memoriā referri oportere. Atq; in omnibus dei timorē ante oculos uersari præcepit, & cum discūbimus & cū assurgimus dei fabricā non solum uerbo, sed ueneratione laudare, illarū rerum perpetuū motum meditantes, utq; diuina sit & incōprehensibilis harū rerum alternatio. Sic igitur breuiter demonstrata est partiendi, reminiscēdiq; ratio, ueluti præposuimus, eorū quæ ungulas diuidunt et rumināt. Neq; enim uanum quicq; ad animū reddidit: uerū hac dicendi usus figura, singula ad ueritatē accommodauit. Nūc uero quæ gustu auditūque percipiuntur, referamus. Nam ne quid agas, ne quid audias, aut dicendi flumine sisus ad iniqua labaris, eadem similitudine admonuit: quod quidem & in pecorum consideratione inspicere licet. Sunt enim peruersorū morum mustelæ & mures, atq; his similia animantia, quorū contactū prohibuit. Nam mures cuncta fœdant, maloq; afficiunt, & homini quidem

non

non modo ad esum perniciosi, sed nec ulli prorsus usui utiles sunt. Mustelæ autem propriū est genus, & supra ea quæ diximus, est ad deturpanda omnia immundum. Auribus præterea concipit, quæ ore parturiat: qui mos hominibus perniciosissimus est, ut quæ ipsi auribus accipiant, eadem uerbis exaggerantes maioribus malis inuoluunt, instantemq; turpitudinem, omnibus ipsi modis auctam inique fœdant. Quapropter recte rex uester huiusmodi homines, sicuti accepimus, supplicio tollit. Hic, equidem inquam emplanistas te dicere arbitror: illos enim iudicijs, supplicio, fœdâq; necesse, assidue insequitur. Ille, hos ipsos inquam refro. Nam eorū inertiâ perniciofa, uiris perditio est. Iubet nanque lex nostra, nec sermone nec opere quenquā malo afficias. Sed de his ad te hæc paucis dicta sint, quo intelligas nostra omnia, lege ad iustum, rectumq; dirigi, neq; quicquam aut decenter minus, aut ex animi impetu factum, sacris in literis admitti: uerum ut per omnem uitam, ac uniuersis operationibus nostris erga omnes homines mites, iusteq; conuersemur, dominantis dei nusquam obliti. De cibis igitur & immundis reptilibus atq; pecoribus, utq; ad iustitiam atque rectos hominum mores omnis intendat sermo, mihi quidem recte dixisse uisus est. Addidit insuper & de oblationibus uitulorum, arietum, & hircorum, multa differens, quemadmodum illa ex armentis gregibusq; assumentes, mansueta animalia deo cedant, nihilq; serum mactent, ne qui sacris adolent, uictis

masq; faciunt, elatum quid sibiipsis proponētes, animo
 eleuētur: sed uiclimarū mansuetudine exemplo moniti,
 humiles & omni mente in deum intenti, sacra peragāt.
 Haftenus hæc ad te scripsi Philocrates memoratu di-
 gna, propter eam quæ tibi inest discēdi cupiditatē: quo
 ex his paucis, totius legis maiestatem, physicamq; eius
 meditationē perciperes. Sed iam redeamus unde digres-
 si sumus. Eleazarus sacris prius de more peractis, uiros
 quos ad regē mittat, deligit: præclara inde munera regi
 accumulans, nos tuto itinere quietos dimittit. Post ubi
 uero Alexandriā uenimus, annūciatusq; est regi aduen-
 tus noster, ex templo Andreas & ego in atrium admissi,
 regem comiter salutauimus, reddidimusq; simul & ab
 Eleazaro epistolas. Ille quod maximi faceret rem sibi
 sequundā in impetrandis hominibus cuenisse, seq; uoti
 cōpotem factum gauderet, cæteros qui multi negociorū
 causa aderant excedere iubens, uiros astitum aduocat
 præter omnū opinionē. Est enim mos genti, ne legato-
 rum quisquā in regis conspectū admittatur, etiā si pro-
 pter negocia missi redierint. Regū uero & excellentiū
 urbium legationes, uix trigesima die in atrium recipiun-
 tur: ac deinceps habita ratione pro dignitate eorū qui
 miserint & præstantia. Rex itaq; emissis omnibus quos
 minime necessarios duxit, restitit deambulās, donec ue-
 nientes se salutassent. Hi posteaq; cum muneribus & di-
 uersis pellibus, in quibus diuina lex aureis literis hebrai-
 co sermone conscripta erat, & membranarū tenuitate
 quæ

quæ inter sese quadam ligaturæ excellētia constringe-
rentur, exornabatur, rem uisu mirabilem, intromissi in
regis conspectu steterunt. Rex sedulò in eos uersus, ut
primum uiros circūspexit, de libris interrogat. Cum au-
tem illa inuolucra aperuissent, explicuissentq; membra
nas, diutius hæsit rex, septiesq; adorās: Gratiā, inquit,
uobis habemus uiri, maiorem ei qui uos misit: maximā
uero deo, cuius eiusmodi uerba sunt. Acclamantibus au-
tem uiris, & omnibus qui unā aderant uoce simili ap-
plaudentibus, ipse præ gaudio lachrymis effusus est.
Profusa enim exhilaratio, et honoris sublimitas, lachry-
mas etiam nolentibus excutit. Hinc admonens, ut libri
in suum ordinem redigerētur, uiros salutans ait: Aequū
erat uiri, ut quorū gratia uos aduocassē, illos primum
uenerarer, atq; inde uobis dexterā præberem: propter
quod id primū egi: hæc uero dies per omne uitæ tempus
magna mihi semper in annos erit & celebris, in qua &
uos mihi adfuiſtis, & euenit ut aduersus Antigonū na-
uali prælio uictor euaderē. Quapropter & uos quoq;
hodie unā mecum conuiuio letari uolumus. Principes
mox adesse, inter quos & me discumbere dignatus est,
& omnem ædium apparatū quo utitur depromi impe-
rat. Iubet & uiris diuersoria quam ornatiſſima, & arci
proxima sterni mandat, & conuiuū quam opulentiſſi-
me apparari. Hic Nicanor medicorū princeps Doro-
theum huiusmodi rerum præpositū aduocans imperat,
ut omni præoptitudine quæ usus decusq; postulat, in sin-

gulos expediat. Etenim sic à rege institutū erat, quem-
admodum & nunc quoq; cernere licet, ut quotcunq; ci-
uitates ad præbenda cibaria, poculenta & lectisternia
præparatæ sunt, totidē earum rerū præfectos habeant,
qui regibus assistant, homines nulla in re morosi, quiq;
si quando opus sit, necessaria exornent, & multa cum
hilaritate iussa prosequantur. Quod quidem in his ma-
xime factum est. Nam Dorotheus uir in huiusmodi re-
bus dexter profususq; , cum sibi talium uirorū cura de-
mandata esset, uniuerſa quæ in sua potestate cōtineban-
tur, in tales usus pridem præparata, magnifice depro-
mit, perhumaniterq; cuncta exornās, thoros cuiq; pro
regio imperio distribuit. Iusserat enim rex eorū partem
mediā coram se, reliquos iuxta suiipsius solium discum-
bere, nihil prætermittens quod ad hominum honorem
spectare arbitraretur. Postea uero quā cuiq; suus stra-
tus est thorus, præcepit rex Dorotheo, ut omnibus qui
à Iudæa uenerant, consuetas ex patrio more dapes, &
quicqd concupiscāt præbeat, detq; cuncta abundanter
ad oblationes & sacra, atq; alia uota peragenda, sicuti
genti mos est. His peractis, primum omnium Eleazarū
uirum grauem, ac omnibus qui nobiscū uenerant senio-
rem, uota facere rogant. Ille, ut erat uenerandus, stans
inquit: Impleat te rex bonis omnibus quæ fecit omni-
potens deus, detq; tibi, uxori, et liberis, & amicis ea omnia
immota esse per omne uitæ tempus. Eo adhuc dicente,
sequitur diuturnior cum clamore plausus, gaudij & ex-
ultationis

ultationis plenus: moxq; rebus iucunditate multa præparatis, in letitiam uertuntur, ministris quemadmodū instituerat Dorotheus festiuissime cuncta præbentibus, inter quos & regij liberi, & honoratissimi quiq; ministrabant. Post ubi uero tempus sermoni opportunū uisum est, rex per interualla quædam (ut omnes ordine secundum ætatem assederant) eum qui primo loco discubuerat, interrogat: Quonam pacto regnū incolume, in finem usq; conseruet. Ille parumper cunctatus, inquit: Hoc maxime modo regnū optime dispones, si dei mansuetudinem in rebus omnibus imitatus, patientia ac longanimitate uteris: extollesq; dignos, elatōs autem affabilitate, ex malo in poenitudinem traduces. Eo collaudato, rex proximū rogat: Quemadmodū iuste singula perficere possit. Respondit ille: Si in rebus omnibus se ipsum obseruet, omnia eum recte acturum: & si consideret omnē sensum à deo esse, proponatq; ante omnia dei timorem, nulla in re aberrabit. Hunc maxime laudatum dimittens, tertium dicere hortatur: Quomodo amicos sui similes habeat. Qui ait: Si intelligent te multa meditari in subiectorum populorū commodum, & tu id facias, considerans quemadmodum & deus genus humanum bonis afficiat, uoletudinem illis, & uitæ alimenta, atque alia cuncta opportunis temporibus præbens. Attestatus quoq; & huic, ad alium qui illi assederat inquit: Quonam modo in negocijs ac iudicijs peragendis, delictisq; puniendis bonam assequatur famam.

Quæstiōes
Ptolemæi,
72. inter
pret. pro
positæ.

- Tum ille: Si omnibus te æquum ratione præbueris, inquit, & nihil superbè, nihilq; pro potentie tue uiribus contra delinquētes ages. Id autem assequēris, si dei dispositionem inspicias, qui dignis sua uota perficit, peccantibus uero uel per insomnia, uel opere demonstrat, quid illis nocuū sit: neq; secundum eorum peccata, neq; pro magnitudine uirium suarū homines cedit, sed mansuetudine usus corrigit recte. Et hoc quoq; collaudato,
- 5 deinceps postulat: Vt in rebus bellicis inuictus existat. Qui respondit: Si non armis, si non potentie sue fidat: sed deum semper imploret, ut iuste agendi sibi consilia dirigat. Huius dicta recipiēs, alium inde petens poscit:
- 6 Quemadmodū inimicis formidolosus sit. Qui ait: Si armis & exercitu, multoq; ueluti ad bellum apparatu instructus fueris: ea tamen omnia diutius, ceu uana, priusquā his uteris, detineas. Nam & deus ipse antea quā maiestatis sue trepidationē incutiat, inducias quasdam præbet: exin omni apparatu mentes deterret. Et hunc
- 7 item collaudatū dimittens, alium interrogat: Quid sibi optimū in uita sit. At ille: Si cognoscat, inquit, quoniam deus mortalibus dominetur, atq; ut ad optimas quasq; operationes non per nosipfos consilia dirigamus: deus enim qui cunctis dominatur, omnium opera perficit & deducit. Annuens et huic, aliū ordine respondere iubet:
- 8 Quomodo recte omnia seruans & ille sa, eundem filijs statum tradat. Tum ille: Si deum, inquit, assidue imploraueris, ut rectos tibi sensus ad ea quæ in posterum peragenda

agenda sunt, tribuat: & filijs imperaueris, ne gloria, di-
uitijsq; superbiant, sed arbitretur deum benignitate sua
cuncta illis elargiri, neq; per sese alicuius rei substantiā
possidere. Ei attestatus rex, ab alio petit: Vt bonam &
malam famam aequo animo ferat. Ad ea ille: Si tibi ipsi
proposueris, inquit, cunctos mortales sic à deo esse crea-
tos, ut maximis malis iactati, bonis rursus afficiantur:
neq; quisquam omnium sit, qui huiusmodi alternationē
effugere ualeat: deus enim implorādus est, qui tranquil-
litate tribuat. Approbās & hunc, Recte, inquit, omnes
responderunt. Sed quando unum deinceps, qui adhuc
superest, interrogauero, hæc ad præsens præmittā,
ut ad lætitiā uersi, reliquum huius diei iucundissime
transigamus: deinde sex qui sequentur dies, ea quæ mo-
do præmittuntur addiscemus. His simul dictis, uirum
interrogat: Quis fortitudinis sit finis. Ille: Si quādo peri-
culosa imminet, ait, in rebus aggrediendis, recte quis
consuluerit, & consulendo propositū assequatur. Tibi
enim recte utiliterq; consulenti, deus cuncta perficiet.
Hic acclamantibus omnibus, & plausu uirum collau-
dantibus, rex in philosophos uersus inquit: (non enim
pauci aderant) Arbitror equidem hos uiros uirtute ex-
cellere, ac plurimū intelligere, qui talibus rogationibus
ex tempore tam decenter responderūt, dicendi initium
à deo omnes assumentes. Ad ea Menedemus Erctrieus
philosophus: Profecto rex, ait, cum homo diuinum sit
opus, quod quidem & totius mundi fabrica monstrat,

recte sequitur, ut omnem uirtutis & sermonis sui p̄d-
 chritudinem principiumq; à deo deducat. His ubi rex
 annuit, in iucunditatē cuncti uersi, conuiuium summa se-
 stiuitate in noctem usq; protrahunt. Postridie eodem or-
 dine mensæ parantur, conuiuium trahitur. Cum uero
 tempus ad rogandas sententias accōmodum adsuit, rex
 eos interrogat qui deinceps ordinem seruabant, ab illis
 qui superiori die rogati sententias dixerāt. Cœpit enim
 ab undecimo rogare, quoniam pridie decem respondi-
 11 sent. Conticuerant iam omnes, & rex poscit: Quibus
 nam modis diuitias conferuet. Ille dum petita reuoluit,
 paululum moratus: Si nihil, inquit, indignū regno tuo,
 neq; flagitiose ages, neq; in uanis rebus & incommodis
 sumptus facies, & erga populū tuum te beneficiū beni-
 gnūq; præbueris. Etenim deus bonorū omniū, quem
 sequi oportet, largitor est. Hoc collaudato, sequentem
 12 ediffere hortatur: Quando ueritatē colat. His ille re-
 spondit: Si cognoueris quā magnū de decus mendacia
 mortalibus omnibus afferant, & multo maiore notam
 regibus inurant. Nam quando ea potentia sunt, ut quæ
 uolunt facile perficiāt, cuius rei gratia mentiētur? Opōr-
 tet etiā te considerare rex, ut deus amator ueritatis exi-
 stat. Hunc quoq; ualde approbās, in proximū respiciēs
 13 inquit: Quæ est disciplina sapiētiae? Tum ille: Quem-
 admodum, inquit, te expertū optas, & omnibus bonis
 abundare, sic hoc ipsum in subiectos tibi populos & de-
 linquentes serues, si optimates præstantesq; uiros huma-
 niu

nus cōmoneas. Etenim deus mansuetudine cunctos fo-
uet. Annuens huic, ab alio postulat: Quonam modo cle 14
mens, benignusq; sit. Ille: Si cōsideres, ait, quā longiori
tēpore, quantisq; & quā magnis calamitatibus oria-
tur genus hominū, alatur, nutriaturq;: unde neq; in eos
temere animaduertendū, neq; accusandi sunt: si reuol-
uens in super ut omnis hominū uita doloribus semper et
supplicijs exagitetur, singula intelligens, in misericor-
diam profecto uertēris: nam & deus misericors est. Sus-
cipiens & hūc, deinceps ordine interrogauit: Quid in 15
regno potissimū obseruandū sit. Cōseruare, inquit, se à
muneribus incorruptū, atq; magnā uitæ partem inuigi-
lare, iustitiāq; ante omnia colere, & huiusmodi amicos
sibi cōparare. Iustos enim deus amat. Annuens & huic,
ab alio petit ut se doceat: Quid sit pietatis robur. Tum 16
ille: Cognoscere, ait, quia deus omnia semper operatur,
& uidet, neq; eum lateat quisquam iniusta faciens, neq;
perperā agens. Vt enim uniuersum orbē deus bono affi-
cit, ita & tu si eū imitaberis, nusquā aberrabis. Applau-
dens et huic, aliū rogat: Quis sit regnādi modus. Ad ea 17
ille: Recte, inquit, se ipsum regere, neq; copia, neq; glo-
ria elatus, superbū indecens ue cōcupieris: si recte ratio-
cinatus fueris, si cuncta tibi aderūt quasi nihil sint. Deus
enim mansuetus est, & nullius egens. Quod tu pro hu-
manis uiribus considera, neq; multa ad regnū appetas.
Laudans & hunc, alij ut disserat suadet: Quēadmodū 18
optima eligat. Respondit ille: Si iusta semper tibi pro-

posueris, arbitrerisq; iniquam uitae priuationem. Nam
 & deus semper iustis elegatissima bona preparat. Hoc
 19 collaudato, à sequente postulat: Quomodo in somnijs
 quietus sit. Hic ille: Rem dictu difficilem petis, inquit.
 Nam in ijs quae mentem per insomnia agitant, haud-
 quaquam obsistere possumus: sed sensu quodammodo
 irrationabiliter ducimur, ex huiusmodi rebus quae acci-
 dere solent & uidemus. Videmur enim quandoq; pela-
 go ferri, nauibus trajcere, nunc negociari, nunc pennis
 sublatis uolare, loca mutare, & cetera huiusmodi, quae
 mirime fiant. Similiter & quae maxime expetimus, ea
 mentem in somnis turbare solent. Quare rex omni ne-
 gocio quicquid dixeris, quicquid feceris, ad pietatē in-
 tendendum censeo, ut te ipsum seruans uirtute circum-
 uallēris: nec uoluptate irrationabiliter pelleris, neue
 potentia fissus, quod iustum est tollas. Etenim in quibus
 quisq; plurimum uersatur uigilans, & per quietem ea-
 rundem rerum cura hominē recurSAT. Sed quando om-
 nes rationes & operationes tuas ad pulcherrima quaeq;
 instituis, & uigilans & dormiēs, ob eam causam opti-
 ma in te semper est tranquillitas. Hoc comprobato, ad
 alium dixit: Postquā tu decimo loco dicturus es, ubi re-
 sponderis, ad conuiuium conuertemur. His simul dictis
 20 petijt: Quemadmodum nihil indignū agamus. Cui il-
 le: Si quid te deceat, inquit, quid uē possis omni in re
 prospexeris, ne tua dignitate indecorum quicquam di-
 cendo agendū excidat, intelliges omnes quibus im-
 peras

peras de te semper & cogitare & loqui. Neq; enim mi-
nimū hypocritis parces, qui ex uultus uarietate men-
tem coniectant, ex cuius consideratione indecenter cun-
cta peragunt. Tu uero nulla hypocrisi deprauatus, as-
per te imperas, præstante tibi deo multa cum dignitate
morum elegantiam. Hic rex multa cum letitia diutius
applaudens, homines ad quietem dimisit. Post ubi uero
hæc ad illos locutus, se ad sequentis dici conuiuiū præ-
parauerūt. Quod cum eodem ordine seruato structum
esset, ut interrogandi tempus rex adesse putauit, primū
eorum qui nondum rogati fuerant, sententiā dicere in-
bet: Quid sit in regno difficillimū. Ille, sibi ipsi domi-
nari, respondit, neq; appetitibus efferrī. Inest enim na-
tura mortalibus, ut mente ad aliquid semper declinent,
& pleriq; ad mensas, pocula, uoluptatesq; trahuntur,
in quibus multitudo maxime effunditur. At reges subi-
gendorū populorū cura sollicitat, ob gloriæ magnitu-
dinem. Sed pulchrum est se omni in re metiri, & quæ
deus dederit studio continere. Inconcessa uero atq; in-
expetibilia, ne concupiscas. His dictis assentiens, pro-
ximū interrogat: Quonā modo nemini inuideat. Hæc
ille excipiens: Si animaduertes primum, inquit, deum
omnibus regibus impartiri gloriam, diuitias, & magni-
tudinem, & illi imperare posse neminem. Nam etsi hu-
iusmodi gloriæ participem se quisquam cupiat, haud ta-
men potest: dei enim donum est. Virum pluribus lau-
dans, aliū petens inquit: Vt inimicos spernat. Tum ille: 23

Si placidus, ait, erga omnes homines benignitatē exercueris, nullius amicitiae ratione habita. Gratum uero se omnibus præbere, id pulchro dei munere, quod optimū est, conceditur. His annuens, alium deinde respondere

24 iubet: Quemadmodum gloriosus perduret. Cui ille: Si benignitate, inquit, et gratia excellens, erga alios magnificus extiteris, gloria te nusquam deseret: quæ ut tibi adsit, deus semper implorandus est. Hoc collaudato,

25 proximum respondere precatur: Erga quos habendus sit honor. At ille ait: Potissimū omnes tribuendum putant, quos amicē diligamus: ego uero opinor erga æmulo habendam esse honoris munificentiam quam maxime gratā, quo illos hoc præsertim modo ad ea quæ honesta sibi sunt et utilia inducamus. Oportet autem deum qui mentibus dominatur precari, ut hæc perficiat. His ubi

26 assensit, à sexto exquirat: Quibus gratificandum sit. Ad ea ille: Parentibus, inquit, ante omnes: etenim deus in honorandis parentibus præceptum maximū posuit, censens amicos secundo loco habendos, quos animo patres nominauit. Tu uero recte facis qui cunctos homines ad te amandum allicis. Post hunc à sequente postulat:

27 Quid sit pulchritudine dignius. Ille, pietas, ait. Nam et ipsa pulchritudo quædam est præcellens. Eius autē potentia charitas, quæ quidem dei munus est, quam et tu possides, cuncta in ipsa bona amplectens. Huic magno

28 assensu applaudens, alium interrogauit: Quemadmodum

modum amissa gloria instauretur. Ille autem ad hæc: Quando, inquit, clemens omnibus gratusq; existis, quæ res beneuolentiam comparant, fieri non potest ut excidas: & magni præterea armorum apparatus, maximã securitatem præstant. Si qui uero cadunt, ab ijs abstineant oportet, quorum gratia exciderunt, amicitiarumq; inde cultores iusta agant. Dei nanq; donum est bonorũ operatio. Vbi talibus satisfactum est, aliũ sententiam quærit: Quomodo sine tristitia uiueret. Tum 29 ille: Si neminem, inquit, læseris, omnesq; iuues, iustitia quosque prosequens, ab ea huiusmodi fructus iucunditatis colligitur. Sed implorandus est deus, ne ea nos lædant quæ præter opinionem nostram accidunt: ut sunt mortes, morbi, ægritudines, & cætera huiusmodi. Te autem quando pius es, horum nihil insequetur. Recte & hunc respondisse asserens, decimũ ad dicendum hortatur: Quid sit in gloria potissimum. Respondit ille: 30 Deum uenerari, non sacris inquam, neque muneribus, uerum animi puritate, ac fide candida, eius uoluntatem sequi. Quod quidem & tu perficis, id firmum animo gerens, ut & quicquid feceris, & quæ facturus sis, omnibus pateant. Hic rex cunctos collaudatos, maiori uoce salutat, omnibus & præsertim philosophis approbantibus. Nam opere & sermone longe præstabant, quippe qui à deo sententiarum principium deduxerāt. Exin rex conuiuio læto fruitur. Sequenti uero die mensis solito apparatu instructis, discubuerunt. Tum rex

- ex opportunitate eos deinceps, qui ab ijs qui pridie dis-
- 31 xerant sequebātur, interrogans, à primo petit: An prudentia doceri possit. Cui ille: Animi, inquit, decus quoddam est à diuina potentia fluens ad suscipienda bona, renuendaq; contraria. Confessus hoc, proximū inter-
- 32 rogat: Quid potissimū ualitudini conferat. Ille, prudentia, respondit: quæ cōtingit nemini nisi deus mentem ad
- 33 ea præparauerit. Eo collaudato, ad alium inquit: Quibusnam modis genitoribus dignas gratias referat. Ad ea ille: Si nulla in re, ait, illos tristitia afficias. Sed hoc potuit nemo, nisi deus, cognitionis dux, mentē ad pulcherrima quæq; disponat. Annuens huic, sequentē postulat:
- 34 Quomodo sit audiendi cupidus. Is, si existimaueris, refert, singularum rerum cognitionem tibi utilem fore, ut aliquid ex ijs quæ audieris ad præsens tempus comparans, ea eligas quæ conuenientiora uidebuntur. Sed implorandum est ut diuinū adsit numen: ab eo namq; operationū omnium perfectio est. His approbatis, ad alium
- 35 dixit: Vt nihil contra leges agat. Tum ille: Si cognoueris, inquit, quoniam deus legislator mentes intellectusq; dederit ad hominū uitam bene regendam, leges sequē-
- 36 ris. Approbans & hunc, ab alio rogat: Quod sit cognitionis cōmodum. Sic ille: Si accidentia, inquit, reputare uolumus, in aduersis eorum rebus & nos unā grauiter afficimur & preminur; uel pro cognatorū moestitiæ magnitudine: fortunantibus autem illis, gloria inde & decore extollimur. Si uera negotium inter se benigne susceperint,

susceperint, & cuncta indissolubili glutino se habent,
 nihilq; adsequendas illorū res desideratur. Verum oran-
 dum est, ut deus cuncta sequūdet. His item receptis, ad
 alium dixit: Quemadmodum intrepidus existat. Ille, 37
 si mens, inquit, nullius sibi conscia mali deum sequatur,
 qui cōsilia omnia in bonum dirigit. Hoc collaudato, ab
 alio petit: Quomodo recta ratio in promptu sibi esset. 38
 Si hominū, inquit ille, infortunia semper consideraue-
 ris, reuoluens quales rerum uicissitudines deus afferat,
 aliosq; gloria sublato honoribus prouehat, aliosq; ca-
 lamitatibus opertos ignominia deiiciat. Hunc bene di-
 xisse asserens, alium respondere hortatur: Quibusnam 39
 modis neq; socordia, neq; uoluptatibus distrahatur. Il-
 le, in promptu hoc tibi est, ait, cum & magno regno im-
 peres, & uaria negociorū multitudine tencaris, ut non
 ad aliud quidpiam traducendi mentem quies detur. Ho-
 rum igitur cura uerseris oportet, deumq; roga, ne quod
 te decet prætēmittas. Laudans & hunc, à decimo po-
 stulat: Quemadmodum noscat qui in eum dolo agant. 40
 Ille ad ea respondit: Si obseruaueris qua quisq; erga te
 libertate utatur, an eosdem semper mores habuerit in
 salutando consultandoq; ac reliqua uitæ cōuersatione,
 nec quicquā eorum quæ amicitia postulat prætēmise-
 rit ab affectibus & alijs uitæ rationibus. Deus uero tibi
 rex ad optima quæq; intellectum instruet. Hic rex no-
 mine quosq; appellans, omnes collaudat, moxq; cuncti
 in iucunditatē uertuntur. Postera die rex conuiuij op-

- portunitate sumpta, sequentem monet ut ostendere uel-
 41 lit: *Quæ sit maxima negligentia.* Tum ille: Si quis filio-
 rum, inquit, negligens fuerit, eosque nulla in re erudiat.
 Deo enim semper uota non pro nobis tantum concipia-
 mus, quantum precamur, ut & liberis nostris bona cun-
 cta adsint, eruditione & prudentiam impartiat: nam
 id dei uirtute euenit. Et hunc recte dixisse obtestatus,
 42 ab alio petit: *Quomodo patriæ cultor existeret.* Si tibi
 persuaseris, ille inquit, domi uiuere & mori optimum
 esse, peregrinatione uero agentibus stultitiâ, diuitibus
 dedecus afferre, ceu patria suis malis eieci sint. Igitur
 tu bonis quemadmodum & facis cunctos afficiens, id as-
 sequeris: deus enim in omnibus gratiam tibi præstabit.
 43 Hoc audito, alium rogat: *Vt uxoribus accommodandum*
sit. Ille, quandoquidem, ait, foeminarum genus sui consti-
 dens est, asperum, & suorum affectuum sequax, atq; in-
 lapsum procliue propter imprudentiâ, & eius naturâ
 imbecillem, uerum ad ualitudinem & cōmoda nostra
 utendæ sunt, neq; illis contraria sententia aduersandū.
 Est enim dirigenda uita ad certū aliquem finem, ac ue-
 luti nauium gubernatores signū aliquod intendere, quæ
 profecto omnia & cætera cū cta dei institutione regun-
 tur. Assentiens huic, proximū ad differendū hortatur:
 44 *Quomodo nō decipiatur.* Ad ea ille: Si singula ratione
 profecutus, ait, detractis tribus insuasus persisteris: sed tu
 ipse ut excellis, dicta quæq; discernens & facta, si ope-
 rationes tuas certo iudicio directas perfeceris, indece-

plus rex, ut dicis, eris. Hoc uero intelligere atque in his
uersari est diuinæ potentiae operatio. His dictis rex as-
sensus, ab alio poscit: *Quemadmodum non sit iracundus* 45
Ille, Si consideraueris, inquit, quoniam is in quo
omniū uita pendet, si quid per iram agat, mortem plu-
ribus affert: quod quidem triste & perniciosum est,
multorum uitam regni causa delere. Verum cum om-
nes obsecudent & pareant, nec unus quidem aduer-
setur, qua de causa irascendum est? Sed nosse oportet,
ut deus omni indignatione uacuus, uniuersum guber-
net, quem te imitari necesse est. Rex bene & hunc re-
spondisse dicens, sequentem interrogat: *Quid sit bene* 46
consulere. Recte cuncta, ille ait, ex rationis discursu
agere, ad propositum aliquem finem, reijcereq; inuti-
lia & rationi contraria, ut mente per singula discurs-
sante, bene consulendo propositum adipiscamur. Sed
omne consilium est dei uirtute firmissimum, tibi præ-
sertim pietatem exercenti. Applaudens & huic, deinceps
ostendere iubet: *Quid sit philosophari*. Bene & 47
commode ratiocinari, refert, circa unumquodq; eorum
quæ emergunt, neque appetitibus efferi, negligereq;
uana cuncta & stulta quæ ex cupiditatibus oriri so-
lent, ad peragenda opportuna mensura quadam dedu-
ci: quem statum ut adipiscamur, deum implorare o-
portet. Huic annuens, inquit ad sequentem: *Quæ sit* 48
hospitalitatis remuneratio. Si omnibus, inquit, æquus
existens, quæ acceperis maiori etiam scenore accumu-

lata reddideris, ita ut in hospitalitate excellere uidearis. Nam & deus plurimum humiles erigit, & subie-

49 ctos homines diligit. Attestans his, ab alio petit: Quæ sint diuturna opera. Ille, si magna, inquit, quis & ueneranda absoluat, adeo ut spectantes propter operum pulchritudinē & excellentiā illis abstineant, neq; quenquam præmittat eorum qui talia expoliunt, neq; in-

donatos aliquos ad ea perficienda impellat quæ usus poscit. Etenim deus cuncta cernens, genus hominū donis accumulatur, præbens illis bonam ualeitudinē, & sensus, & alia huiusmodi. Quare & tu simile quid imitatus, laborantibus calamitosiq; malorū uicissitudinē, quic-

temq; tribue. Ea nanq; perpetua, quæ ex iustitia perficiuntur. Recte & hunc respondisse affirmans, decimū

50 rogat: Quis sit sapientiæ fructus. Is, non consciū sibi esse mali, respondit, & uitam in ueritate transigere: ex his enim maximū gaudiū & animi uoluptas gignitur, præstantissime rex, & spes in deo optimæ tibi regnantipie, aderunt. His auditis, cuncti ea multo applausu approbarunt. Post hæc rex multa lætitia plenus, ad propinandum uertitur. Postridie uero ubi ex consuetudine thoris omnes discubuerunt, rex sumpto tempore, eos qui

51 supererant interrogat, à primo eorū petens: Quoniam modo quis in superbiam non extollatur. Respondit ille: Si æqualitatē seruet, & singulis in rebus sui ipsius meminere, reuoluens animo, ut homo hominibus præsit, utq; deus deleat superbos, mansuetos & humiles extol-

lat.

lat. Hortatus hunc, sequētem ad dicendū monet: *Quis* 52
bus consultoribus utendum sit. His, ait, qui multis in re-
bus uersati, summam erga te beneuolentiā seruent, atq;
 moribus sint tui similes. Sed dei claritas ostendit, qui sint
 huiusmodi digni. Laudans & hunc, ab alio postulat:
Quid regi sit maxime necessariū. Subditorū, inquit, 53
 amor et dilectio: per hoc nanq; insolubile beneuolentiæ
 uinculum texitur: deus enim ea perficit, quæ recte eli-
 guntur. Huic annuens, aliū diffinire hortatur: *Quis* 54
 sit orationis finis. Tum ille, Proposito, ait, de quo dicen-
 dum sit, aduersario persuadere, diluendo contraria, &
 inepta ostēdendo. Sic enim inoffenso currens pede, sinē
 multa laude assequetur. Sed dei opere dirigitur persua-
 sio. Bene et hunc dicere testatus, aliū interrogat: *Quo* 55
 modo multis in regno populis se accōmodet. Si decen-
 ter cuiq; distribueris, inquit, iustitiamq; (quemadmodū
 facis) ducem sequaris, præbente deo tibi recta discer-
 nere. Congratulatus huic, ad aliū dixit: In quibus est 56
 tristandum. Ad hæc ille respondit: In amicorū aduersis:
 quandoquidem diuturna ea & incuitabilia cernimus,
 quæ uel calamitatibus opertos interimant: nam in his
 mœstitiā nulla ratio leuat. Sed de ijs in quibus despe-
 ramus, neq; quicquam in his utile inuenimus, mortales
 omnes contristantur: malum uero omnino effugere, di-
 uinæ potentiæ est. Sic illi respondendum fuisse testatus,
 ad aliū transijt petens, *Quare* quis inglorius fiat. Res 57
 spondit ille: Siquādo superbia quis ductus exasperetur,

uituperationes tunc subeunt & gloriæ priuatio. Nam deus totius gloriæ dominator, eam quô uult declinat. Hoc collaudato, alium exinde ostendere uelit precatur:

- 58 Quibus se ipsum credere oporteat. Is qui tibi beniuolentia ita afficiantur, inquit, ut neq; timore neq; cupiditate ulla lucrû tangantur. Amoris uero signum difficulter apparet, & temporis obseruatione indiget. Nam qui diuitijs intendit, natura proditor existit. At tibi omnes tui amatores adsunt, deo tibi recta consilia præbente.
- 59 Prudenter & hunc dixisse dicens, alium rogat: Quid regnû conseruet. Ille, cura & meditatio, respondit, ne quid à rerum præpositis male agatur, cõmittaturq; in plebem: quemadmodû facies, cum tibi deus præstantem
- 60 intellectu præbeat. Hoc laudato, deinceps petit: Quare gratia honorq; seruetur. Virtute, ille inquit: ea enim pulcherrimorû operum perfectrix, malum conculcat: quemadmodum & tu quidem excellentem erga omnes bonitatē obseruas, quod diuino tibi munere præstatum. Gratia multa huius quoq; dicta recipiens, undecimum
- 61 inde, quoniã duo à LXX. supererant, postulat: Quomodo & in bellis quoque animo pacifico se habeat. Si proposueris animo, ait, nihil perperã à tuis ducibus cõmitti, uerum omnes de uirtute inter sese certare, quoniã eam spem animo fixam habeant, te suarû rerum curam gesturû, si illos uitæ cedere contingat. Non enim tristitia afficeris, quandoquidẽ cuncta diuino munere recta disponas, præbente deo tibi bona sapere. Hic omnes ap
plausu

plausu suscipiens, letitia effunditur, ac cuiq; propinās,
cum ijs diutius oblectatur. Septima uero die splēdidiori
apparatu, quod plures ē ciuitatibus legationes adessent
conuiuio instructo, rex per occasionē ad eos uersus qui
nondum sententiā dixerant, eorum primum dicere mo-
net: *Quemadmodum recte ratiocinetur. Ille, si tecum,* 62
inquit, reputaueris & dicta ipsa, & à quo dicantur, ac
qua quisq; de re loquatur, eandemq; multo post tēpore
uarijs modis perquisieris. Nam ingenij acumen ad di-
scernenda quæq; (quemadmodū & tu possides rex) dei
pulcherrimū est donū. Ea plausu approbans rex, alium
postulat: Propter quid est quod pleriq; uirtutē non as- 63
sequātur. Hic ille: Quoniam natura, ait, mortales om-
nes incontinētes & ad uoluptates pronos finxit, ex qui-
bus iniustitia gignitur, & auaritiæ cumulus: uirtutis ue-
ro status alto loco fixus, eos maxime prohibet & reij-
cit, qui uoluptatibus deuincuntur. Fortitudinem namq;
& iusticiam potissimū colendas iubet, quorū ductor &
largitor deus est. Recte & hunc respondiisse asserens,
ab alio petit: Quid reges potissimū sequi oporteat. Re- 64
spondit ille: Leges, ut iustis operationibus mortaliū ui-
tam regant: quemadmodū & tu peragens, perennem
tui memoriā fecisti, diuina præcepta secutus. Hoc col-
laudato, sequentem rogat inquires: Qui magistratibus 65
præficiendi sint. Ille, quicunque, ait, iniqua odio ha-
bent, ac tuos imitantur affectus, laudumq; dulcedine tra-
cti, iusta semper ad adipiscendam gloriam operantur.

- Quod & tu profecto rex, quandoquidem deus iustitiæ coronam tribuit, assequeris. Et hunc uoce approbans,
- 66 ad alium uersus poscit: Qui sint in duces eligendi. Qui fortitudine & iustitia excellent, inquit, quique hominum salutē cruentæ uictoriæ anteponant. Nam & deus bona ad omnes operatur: quem tu sequutus, bonis afficis subditos tuos. Huius responsum laudans, quærit inde:
- 67 Qui uir admiratione dignus sit. Ad ea ille: Quicumque, refert, gloria, diuitijs & potentia exuberans, æquam tamen erga omnes mentem habeat: quemadmodum & tu talem te gercns, omnibus admirandus existis: deus enim in hanc curam te ducit. Annuens huic, ad alium dixit:
- 68 Quibus in rebus reges diutius uersari debeāt. Tum ille: In rerum gestarū cognitione, ait, in legendisq; incumbentiū operum libellis, temporis plurimū assumere oportet, & quæcunque ad conseruāda regna, emendandosq; hominum mores scripta sunt perquirere: quod tu cum studio peragis, deusq; consilia tua fecundet, excellentem supra alios gloriā obtines. Gestiens huic, iubet
- 69 ut inde ordine alius dicat: Quid per ocium agendū sit, ne inertia torpeas. Ille ad hæc: Considerandum est, ait, multa cum diligentia quæcunque in mentem ueniunt, & ante oculos uitæ formam & imaginem quandam proponendam: tum qua quæque ui perfecta sint, considerandum. Est enim & in his decus suū & eruditio quædam. Nam & sæpe in minimis egregium quiddam elucet, quod eligas. Tu uero quando bonitatē tibi deus sufficit, elegantiam

elegantia omnem propter philosophandi studium amplecteris. Huc extollens dictis, nouum petens: Dic, ait, 70
quomodo in conuiujs transigendum sit. Is discendi cupidos assumendos esse refert, et qui regni negocia meminisse possit, et principum uitas narrare: his nanque suauius nihil, neque iucundius inuenies: quoniam hi quidem ad eruditionem pulcherrima quaeque instructi, deum uenerantur: quod tu profecto facis, cum praesertim cuncta tibi deus fortunet. Quo probato, rex ab alio petit: Quid potius sit populis, an priuatum quempiam regem 71
sibi constituat, an uero ex rege genitum regem sequantur. Respondit ille: Id quod naturae decetius est. Etenim cum reges ex regibus orti insuaues et asperi erga populos habeantur, longe magis et qui a priuato loco ad hanc magnitudinem uehantur, quando et pauperie et dueros labores experti sunt, truculentiores impijs tyrannis euadent, ut quadam subiectis imperantes. Verum ut supra dictum est, mos optimus est, et institutio communis ualentissima ad regnandum, quemadmodum tu rex magnis imperas. Nam non tantum gloria et imperio et diuitijs excellis, quantum mansuetudine et benignitate uniuersos dei munere allicis. Diutius et hoc collaudato, uersus ad ultimum: Et tu dic, inquit, quid sit in regno optimum. 72
Tum ille: In pace, inquit, semper populos continere, atque in causis peragendis quantocumque recte diiudicare. Haec per principem fiunt, quando malos exorsus, bonos diligit, plurimique existimat si hominis animam saluam red-

dat: sicuti & tu, qui hominis necem, summū ducis scelus, cunctaq; iustitia moderans, perennem gestorū tuorum gloriam exornas, cum deus tibi liberam malis mentem, omniq; labe exemptam illustrauerit. His simul dictis ingens plausus attollitur, cuncta letitia & gaudio diutius complentur. Sed ut sunt facta silentia testis, rex craterem mero statuens propinat, & his qui sententias dixerant, & presentibus omnibus, atq; ita orsus: Maxima, inquit, mihi uestra presentia adfulserunt bona. Nam & plurimum commodi uestris responsis, & doctrinam ad regnandū attulistis. Hinc tria cuiq; talenta argenti, & puerum qui ministrauit donari instituit. Ea approbantibus uniuersis & applaudentibus, letitia & gaudio conuiuium effunditur, rege ante omnes festiuissime soluto. Plura equidem de his dixi Philocrates, hominum sapientiæ affectus. Mirabar namq; uiros sic ex tempore ad proposita quæq; tam accommodate, tamq; eleganter respondere potuisse, cum præsertim questionēs huiusmodi diuturna meditatioē perquisitæ fuerint, & qui interrogabat, multa prius cogitando singula proponeret. Et illi extemporancis responsis ita inter sese conuenerūt, ac si de his diutius consultaissent. Quapropter admiratione digni uisi sunt, cum mihi & presentibus omnibus, tum maxime philosophis. Verumenimvero legentium hæc fidem excellere arbitror, & maiora uideri quàm quisquam credere possit. Sed qui ipse falsum adijcere uoluerim, cum eadem & in regijs monumētis

cerni liceat, in quibus uel minimū prætermitti summo
sceleri ducatur? Vera igitur atque ut singula gesta sunt,
omni prorsus errore abiecto, referimus. Quæ in re quo
uerius singula teneremus, ea diligentia usi sumus, ut as
sumptis regijs actis, in quibus gesta regis, dicta quæq;
& responsa, conuiuiaq; referuntur, nostra hæc ex illis
mutuati sumus. Mos est etenim quotidie, quemadmodū
nostri, ex ea diei hora qua primum rex responsa reddere
coeperit, usque diu in somno quiescat, singula eius di
cta, gesta, facta literis demandare: rem profecto utilem
& recte institutam, ut cum prioris diei responsa & acta
releguntur, si quid minus cōmode gestum sit, emendari
possit. Igitur cuncta (sicuti diximus) regis monumenta
diligentius perscrutatus, hæc ad te idcirco transcripsi,
quoniam intelligerem quantopere bonarū artium desi
derio tenearis. Post tres uero dies quàm ea gesta sunt,
Demetrius uiros ad maris insulam deduxit, trāsmissosq;
aggere septem stadiorū, pontem transgreditur: regio
nem inde quæ ad boream uergit petens, ad præparatū
cōfessum uenit. Domus erat supra littus, perquam de
center ornata, & quæ multo silentio quiesceret, rebus
omnibus ad uitæ usum elegantissime dispositis: illic eos
ad peragendam interpretationē hortatur. Viri singula
inter se differendo, consonū quid edebant. Rursusq; ex
ijs in quibus omnium consensus accesserat, illa Demetrio
habenda seruabant, quæ digniora, elegantioraq; uide
bantur. Extendebatur uero confessus huiusmodi & di

sceptatio ad nonam usque diei horam: soluto huiusmodi
 cōsilio ad curanda corpora disceditur. Etenim, ut prae-
 diximus, cuncta sumptuosissime praebebantur. Nam &
 quaecumq; per singulos dies rex preparabat, eadem &
 his Dorotheus, cui ea cura demandata erat, studio asse-
 quebatur. Ad hæc quotidie regiam aulam inuisebant:
 ubi rege consalutato ad consueta loca diuertunt: atque
 ut mos est Iudæis omnibus, manibus prius in mari lotis,
 deo preces effundunt, lectioni inde & rerum interpre-
 tationi operam dant. Interrogavi equidē et illud quoq;
 cuius gratia cum uota facerent, manus prius lauarent.
 Querenti talia, demonstrarūt illud testimonium esse,
 ne quid perperam agant, sed pie cuncta sancteq; persi-
 ciant: quandoquidē uniuersa opera manibus exercean-
 tur: recte singula ad iustitiam & ueritatem, sicut prae-
 diximus, referentes. Igitur uiri & loci silentio & quieti
 habiti, magnaq; ubiq; rerū amœnitate, splendore tra-
 ducti, propositū opus expoliunt. Euenit autem ut duo-
 bus & septuaginta diebus quasi id ē cōposito inter sese
 factum fuisset, perficeretur huiusmodi scripturæ inter-
 pretatio. Enimuero Demetrius rebus rite peractis, om-
 nem Iudæorū multitudinē in eundem locum ubi inter-
 pretatio perfecta est aduocat, rem omnem à principio
 edocet à præstātibus interpretibus, qui ab uniuersa mul-
 titudine maximis gratijs, & laudibus prosequuti sunt,
 quippe qui præstantium bonorū causa extiterint. Exin
 Demetrium uenerantur, orantq; ut legem huiusmodi
 transcri-

transcriptam suis principibus permittere uelit, donec
rius compositionē considerent. Igitur dum lex cognos-
citur, astantes interpretum seniores, urbiumq; legati,
& multitudinis principes, unā omnes obtestantur, recte,
sancteq; unumquodq; interpretatum esse, beneq; se ha-
bere si sic permaneāt, neq; in uno quidem permutetur.
Approbantibus ea omnibus & rogationi applauden-
tibus, iubet Demetrius ut pro eorum consuetudine im-
precentur, si quis uel addere, uel mutare, transferre, de-
lerēue audeat quicquā ex ijs omnibus quæ scripta sunt.
Cum uniuersa hæc rite expleuissent, ut perennis illa sit
semperq; seruetur adiurat. Eadē ubi & illi læto plausu
exoptarent, regi maxime gratificatus est, quod deman-
datum sibi munus egregie obijisset, traderetq; perfectū.
Hic rex post ubi studio cuncta explorat discitq; legis-
latoris sensus quosq; longe admiratus, ad Demetrium
ait: Vt fieri potuit quādo talia hæc tamq; perfecta sunt
quod historicorū aut poetarum nemo sibi assumpsit?
Tum ille: Cum ob uenerandam legis institutionem, re-
fert, tum quia deus prohibuerit. Nam quidam tantum
opus sibi assumere ausi, mox diuina ultione percussi,
consilio abstiterunt. Testaturq; inde se audisse Theopom-
pum, quoniā ex lege secretiora quædam in historia au-
dacius transferre conaretur, supra triginta dies mentis
turbatione correptum. Qui cum per morbi interualla
deum implorasset, ei manifestò per insomnium demon-
stratū est, ea gratia id sibi contigisse, quod diuina per-

uertens, in uulgus proijcere tentasset: quibus uisis emendatus, & menti redditus est. Et quidem & ipse comperi apud Theodectum trágædiarũ scriptorem se luminibus captum, dum quædam ex huiusmodi libris in suum poëma trāsferre uellet. Verum ubi eam cæcitatís causam animaduertit, deum plures orasse dies, atq; ita restitutum ait. Tum rex obtestatus, hæc à Demetrio perpulchre dici, adiurat, iubetq; ut in seruandis custodiendisq; ab omni macula libris, summa exhibeatur cura. Exin interpretes perbenigne alloquens, ut cum in Iudæam uenerint, frequentius ad se commearé uelint, hortatur. Aequum enim est, inquit, ut nunc pro dignitate domum deducantur. Si uero redierint, amicos illos sicut fas est habiturum, & magnis insuper muneribus ornaturũ, pollicemur. Mox hominum reditus prætur, imperat, digna sui magnificentia erga eos usus. Etenim singulos tribus inclytis stolis donat, additq; præterea auri talenta duo, crateremq; præstantem, talenti pondus unius: addit omnem diuersorij ornatum. Mittit ad hæc Eleazaro thoros decem argenteis pedibus suffultos, cum his omnibus rebus quæ ad illorũ decus exquiruntur. Alia insuper talenta triginta, stolas decem, purpuram, coronamq; decentem: tunicas byssinas ad censum, & phialas & pelues crateresq; aureos ad libamina duos. Literis deinde suis cū exhortatus est, ne homines prohiberet, si quando eorum quispiam ad se redire uellet. Nam cum doctorũ uirorum consuetudines plu-

ris faceret, in his consequēdis opes suas, nō quidem uanis in rebus, ut prodigi, sumptuosissime elargiebatur. Habes tu quidem Philocrates munus, quod polliciti sumus, in quo legendo maiorem te profecto uoluptatem capturum arbitror, quā si in percurrendis fabulosa rerum libris oblecteris: cum præsertim magnorum gestorum exercitatione, in quo quidem diutius uersaris, ingenium exerceas. Quapropter enitar digna quæq; ad te deinceps perscribere, ut præstantissimarū rerum inter nos amoris certamen excitetur. Vale.

ARISTEAE DE LXXII. LEGIS
Hebraicæ interpretibus finis.

